

* श्री: *

शैवमनोरंजनी ।

चारो भाग ।

श्री वाजपेयी देवीसहायजा

जिसे

हाल मुकाम विंध्याचल सैकाशिस्थ
पण्डित मोतीराम औदीच्यने
भक्तजनों के विनोदार्थ
प्रकाशित किया

इस पर १८६६ एक्ट के रजिष्टरी हुई है
कोई न छापै ।

वी० एल्० पावगी द्वारा-
हितचिन्तक प्रेस, रामघाट, काशी में मुद्रित ।



विशेष द्रष्टव्य ।

सर्व भक्तजनों को ज्ञात हो कि प्रथम भाग में मे संपूर्ण कवितादिक द्वितीय भाग में रग्यदिये हैं और कुब्ज भजन तृतीय भाग में रखदिये हैं । इसका कारण यह है कि प्रथम भाग में केवल श्री-वाजपेयी देवीसहायजी के बनाये हुये भजन हैं, और द्वितीय भाग में केवल महाराज के पौत्र महेश दत्त वाजपेयी जी की उक्तो रखी गई हैं । और तृतीय भाग में महाराज के शिष्य शिवगोविंद जी की कृती हैं । और चतुर्थभाग में कुब्ज महाराज दे० के बनाये हुये भजन हैं, और अन्य शिवभक्तों के बनाये भजन कवितादिक हैं ॥ इति ॥

भूमिका ।

विदित होकि श्रीमन्महाराज सकल समाज राजमान्
न्यवर आकर भणिमाणिक्य कान्यकुब्ज कुलकुमुद उपमन्यु
शोत्रज श्रीरामचन्द्र वशसर मुकुल श्रीवाजपेयी माखनलालात्मज
महानुभाव मनीष मनमोदक श्री ६ वाजपेयी देवीसहाय (१)
पूर्वकालमें ६ वर्ष अन्ध रहे तब सव संगी और मित्र वर्गों ने
उनके उस अवस्थामें भी शिवाराधनमें प्रतिदिन विशेष अनुरक्त
और सर्वदा आभन्द निमग्न देखकर विचार किया कि यह तो
कुछ औषध के वास्ते कहते ही नहीं, और इनको कुछ चिन्तो
भी नहीं हैं पर अपने लोगों को नहीं चूकना चाहिये ऐसी
सलाह करके बड़े २ वैद्य और सांथीयो लोगों को बुला के
उनकी सम्मति से भाँति २ की औषधि 'करने लगे, पर गुण
किसी ने न किया, तब विवश हो, सलाई, डलाई उससे भी
कुछ न हुआ किन्तु नेत्र पक गये, यह दशा देख सव साथियों
ने जवाब दे दिया कि यदि "पश्चिम में सूर्योदय हो और हथेली
पर लोम जमें तो जमें परन्तु इनके नेत्र तो, धन्वन्तरो भी नहीं
आराम कर सके, यह सुन उनके परममित्र श्रीमोहनलाल
चर्मा अति उदासीन हो, श्रीवाजपेयी देवीसहायजी के पास
आये, और उक्त वृत्त सुनाया, तब श्रीमहाराज देवीसहायजी
परम हर्षित की नाई बोले कि हम तो पहले ही उपचार करने

(१) जिन्हें इसकाल में लोग शंकराचार्यका अवतार अनुमान करते हैं ।
प्र। ए. उमका जीवन चरित्र और शिवभक्ति तथा धर्म की स्थापनता देखकर
ऐसा निश्चय भी होता है।

का उत्साह नहीं करने थे परन्तु तुम्हारे दृष्ट में किया क्योंकि हम ऐसे बहुत सुखी हैं दृष्ट विकार के छूट जाने में शंकर के चरणों में निरन्तर मन लगा रहना है और सधिया हमारे नेत्र क्या आराम करेगा, हमारे सधिया नां धीविश्वनाथजी है यदि वह ऐसा कहता है, कि नेत्र नहीं अच्छे हाने नो, हम यह कहते हैं कि विश्वनाथजी हमारे नेत्रों को अच्छा करेंगे । यदि कदाचित्त म अच्छे हुए तो हमारे मस्तक में नेत्र जमंगे, यह कठिन प्रण कर श्रीमहाराज दे० जी. अतिशोचननिमग्न हुए, और लोकप्रसिद्ध भाषा में एक पद्य गीत से शंकर में कुछ क्रोध और दीनता युक्त प्रार्थना की उस पद्यों को सुन्ते ही श्री उमामहेश्वर ने करुणानुर हो पूर्ववत् दृष्टि दी तदुपरान्त बहुत से भजनों में काशी वास की प्रार्थना की, सो भी उनको यथोक्त प्राप्त हुई । विशेष वृत्ताप्त विस्तार भय सं यहां नहीं लिखा जाया है, महाराज दे०जी का जीवन चरित्र मगाय के देखिये इति शुभम् ।

ऐसा इन भजनों का चरत्कार देख मैंने श्रीमहाराज दे०जी से आशाले उनके पौत्रों से शुद्ध रवाय भक्तजनों के मनो-रंजनार्थ प्रकाशित किया ।

सदनुगृहीत

पं० मोतीराम श्रीदीच्य

शारदा प्रकाश पुस्तकालय विन्ध्याचल ।

(१) जिसका अन्तिम पद यह है, दीनबन्धु यह नाम तजो नहि नैनन रोग नखावोरे । देवीसहाय पुकारत भारत गिरिजा तुम समुखावोरे ।

(२) जिनका नाम महेशदत्त बाजपेयी था ।

॥ श्री
॥ श्रीगणेशाय नमः ॥

शैवमनोरंजनी

प्रथम भाग ।

॥ रागिनी भैरवी ॥

गणपति विघन विनाशन हारे ॥ टेक ॥
लंबोदर पीतांबर सौहै फणिमणि मुकुट नयन
रतनारे । गजमणिमाल गलेबिच सोहै भाल लाल
में चन्द्रकला रे ॥ मोदक लेत देत जननी जब
ठुमुक चलत नूपुर कनकारे । रिद्धिसिद्धि दोउ
चमर दुरावत सुर समूह लखि होत सुखारे ॥
उठि प्रभात गिरिजा सुत सुगिरे दुख दारिद्र न
आवत द्वारे । देविसहाय बसैं आनन्दवन यह
वर देहु महेश दुलारे ॥ १ ॥

॥ भैरवी ॥

ढुंढिराज यह कारज मेरो, शिवसुत जानि
तात तोहि देसे ॥ टे० ॥ अमरा अजर चहत

जा पुर को तापुर में प्रभु देहु बसेरो ॥ आनँद-
बन वीथिन के भीतर सुजस कहीं गिरिजापति
केरो । देवीसहाय यहै वर मांगत बेग कृपानिधि ।
करौ निवेरो ॥ २ ॥

॥ भैरवी ॥

हमारे भाई दुर्गिदराज महाराज ॥ टेक ॥
इनकी कृपा कटाक्ष किये तें होत सफल सब
काज ॥ हमारे० ॥ अपने जन को देत दया-
निधि सुखसमूह को साज ॥ हमारे० ॥ जहँ लग
देवचराचर जगमें ये सबकेसिरताज ॥ हमारे० ॥
देवीसहाय दास अपने की निन उठि राखत
लाज ॥ हमारे० ॥ ३ ॥

॥ भैरवी कालभैरव जी की ॥

हमारे भाई भैरव काल कृपाल ॥ टेक ॥
इनकी कृपा कटाक्ष किये तें छूट जात भ्रम
जाल ॥ हमारे० ॥ सुवरेण वरण केश अति
सुन्दर श्याम चरण नख लाल ॥ हमारे० ॥

असी वरुण के बीच ब्रह्मन हैं काशी के कुतवाल
 ॥ हमारे० ॥ देव दनुज नर किन्नर ध्यावत कर
 जोरे दिगपाल ॥ हमारे० ॥ देवीसहायदास
 अपनेको छिन में करत निहाल ॥ हमारे० ॥४॥

दोहा ।

उटि प्रभात नित कीजिये, गुरु चरनन को ध्यान
 जिनका कृपा कटाक्षते. चीन्हि परैं भगवान ५

॥ प्रभाता ॥

श्रागुरुचरन बसो मनमेरे, जाते सरैं काज सब
 तेरे ॥ टे० ॥ दल सहस्र में आप विशजत भर
 बर बरषत अमृत घनेरे । अत्रपा जपौ तपौ हिय
 मण्डल, मूलचक्र दृढ़ बांधि सबेरे ॥ शक्ति
 मालिनी चढ़ि उतरत खेलत पूरन बंस हंसके
 नेरे । रत्नलाल अवधून दयानिधि, तजि को परै
 यमन के फेरे ॥ ६ ॥

॥ अर्जी लयलावनी की ॥

हे काशीनाथ कृपाल कृपा यह कीजै ।

आनँदवन बासी होऊँ दरस नित दीजै ॥
 तन पीन भयो अति छीन दीनता घेरी ।
 अब लीजै बेगि बुलाय करौ मत देरा ॥
 द्विजदीन पुकारत द्वार ताहि बुलवावो ।
 अपनो जन जानों ताहि आप अपनावो ॥
 मैं धरम कर्म गौरांश तुम्है दै दीन्हो ।
 तुम बैठे ध्यान लगाय मोहिं नहिं चीन्हो ॥
 तुम दीनदयाल कहाय दीनता मेटो ।
 शरणागत आयो ताहि बेगि उठि भेटो ॥
 तुम अजित अनंत अनादि सदा सुखरासी ।
 जस गावत वेद पुराण सकल उखासी ॥
 यह पावन पुरी पवित्र तुम्हारी काशी ॥
 जे जीव करैं तन त्याग होय अविनाशी ॥
 यह तृष्णातरुण तुंग लिये मोहिं डोलै ।
 तुम बिन ममता की अन्धि कौन प्रभु खोलै ॥
 जहँ भैरव काल कृपाल ब्याल कर लीन्हे ।
 बहु पाप पहार विलाय दरश के कीन्हे ॥

मैं भैरव सन्मुख जाय भैरवी गैहों ।
 आनन्द वन बीथिन बीच प्रेम बरसैहों ॥
 मैं कैहों बात विचार तिहारे मन कीं ।
 पूरण करिये प्रभु पैज आपने जनकी ॥
 चौथोपन लागो नाथ सोच अधिकार्ई ।
 देवीसहाय यह अरज गरज सों गार्ई ॥ ७ ॥

॥ लावनी सूर्य्य नारायण जी की ॥

हे दीन दयाल दिनेश कलेश नसावो ।
 तुम हौ प्रत्यक्ष भगवान ज्ञान दरसावो ॥
 ममता मायामें फँसो कसो तन मेरो । करिये
 किरणन सों कृपा होय निखेरो ॥ तुम हौ
 ब्रह्मा अरु विष्णु महेश हमारे । हमहैं आरत
 महँराज पुकारत द्वारे ॥ तुम्हरे दरशन को देखि
 जगत सुख पावै ॥ तुम्हरे पद पूजे बिना भाव
 नहिं आवै ॥ तुमहौ भवदीपक देव दृगन के
 वासी । तुमहौ जीवन के मीत सकल सुख
 रासी ॥ भवसागर में मैं परौ हरी दुख मेरो । मैं

हों सविता महाराज चरणन को चरो ॥ तुम्हरे
 अस्ताचल होत तिमिर घिर आवै । आलस
 बस है सब जीव सयन मन लावै ॥ तुम्हगे
 आगमन निहार जगत सब जागे । निज निज
 सब काम कृपाल करन सब लागे ॥ पापी औ
 अजापी जीव प्रात नित सोवै । तिनको कैसे
 सुख मिले देखि दुख रोवै ॥ सुर सिद्ध सुरेश
 धनेश ध्यान कर ध्यावै । तुम्हरे बन्दीजन बेद
 विमल जस गावै ॥ सुचि होय प्रभात कर जोर
 निहोरै कोई । ताको सुख सम्भत मिलै दरिद्र
 न होई ॥ शविके सेवक सुख करै होय नहि
 रोगी । तनत्यागे सुभगति पाय जायँ जहँ
 जोगी ॥ तिल तन्दुल अञ्जुलि साज भानु को
 दीजै । नरतन दुर्लभ द्विजदेह सुफल कर लीजै ।
 देवीसहाय बर देहु दास अपनावो ॥ आनँदवन
 बीथिन बीच महेश मिलावो ॥ ८ ॥

॥ प्रभाती गणेश जी की ॥

खेलत गणराज आज आवत नहिं कनियां ।
 ठुमुकि चपल चाल चलत वाजत पैजनियां ॥
 माणिक मणि मुकुट लाल, तै सोई सिंदुर
 भाल, चन्द्रकला फैलि रही चमकत बहु मनियां ।
 सुंदर कुण्डल विमाल, गजमणि की गले माल,
 करको कंकनसम्हाल, बांधत चौतनियां ॥ देवी
 को सहाय सदा तेरो सुजस गाय, आनंदवन
 देहु वास मोहिं शंभु रनिया ॥ ६ ॥

॥ प्रभाती गङ्गाजी की ॥

जै जै जगदम्ब गंग देहु दरस माई ॥टे०॥
 ब्रह्म धाम करि अराम सुर पुरे कीन्हो पयान
 देखत गौरीश लई सीसपै चढ़ाई । भागीरथि
 तप निहारि दीन्हों प्रभु बुंद वारि, घूम करत
 धार धसी भृतल पर छाई ॥ सुर नर मुनि
 ध्यान धरत तेरे तट आई, पीवत तुव नीर
 पीर दारुन मिटि जाई । देवीको सहाय

ताहि लीजै अपनाई, आनँदवन, वास देहु शङ्कर
सिवकाई ॥ १० ॥

॥ भैरवी महादेव जी की ॥

गङ्गाधर महादेव सुन, पुकार मेरी । दीजै
वर बेगि नाथ ३ हा करत देरी ॥ दीनबन्धु काटु
फन्द कलिमल अधबोरी । बेगि मोहि दरश देहु
आस गही तोरी ॥ चन्द्रभाल करु निहाल मेटो
भ्रम मोह जाल । काशी में बसाउ नाथ कृपा
दृष्टि हेरी ॥ देवीको सहाय सदा सेवक तेरो
कहाय ! आनन्द बनवास आस मांगत
करजोरी ॥ ११ ॥

॥ भैरवी ॥

विश्वनाथ चरण-कमल ध्यावो मनलाई ।
जन्म मरन छूटिजाय सतगति है जाई ॥ वि० ॥
जाके पुरको प्रभाव रह्यो जगत छ्आई । तीरथ
सुरसिद्ध सबै चास करत आई ॥ विश्व० ॥
देस देस के नरेश आवत सब धाई । काशी

में मृत्यु चहत मांगत हरखाई ॥ विश्व० ॥
 बिधिहरिहर पुस्ते महिमा अधिकाई । काशी
 कैवल्य देत निगमागम गाई ॥ विश्व० ॥ शिव
 पद अनुराग जाग भाग बड़े भाई । विगरी
 जन्म जन्मन की देत शिव बनाई ॥ विश्व० ॥
 असी बरुन बीच मरे देखि सुर सिहाई । शङ्कर
 तेहिं ज्ञान देत मंत्रको सुनाई ॥ बि० ॥ अप्सरा
 अनेक करै तान गान गाई । दिव्य देह पाय
 चले दुन्दुभी बजाई ॥ विश्व० ॥ जो गति
 जपतप औ दान किये ना दिखाई । सोइ
 मुक्ति बांटत शिव निस दिन हरखाई । विश्व-
 नाथचर० ॥ छाड़ों सब खटक भटक आनँदवन
 जाई । देविको सहाय ताहि शंकर मिलिजाई ॥
 विश्वनाथ० ॥ १२ ॥

लावनी अन्नपूरणा जी की ॥

हौं कपूत निजपूत तिहारो अन्नपूरणे माईरी ।
 तेरी कृपा कटाक्ष किये तैं मेरी सब बनिजाईरी ॥

काशीपुरी सकल जगपावनि भूमि तें भिन्न
 बनाईरी । यमपुर जीव जान नहिं पावैं तहँ तेरी
 ठकुराईरी ॥ भागीरथी और रवितनया सादर संग
 लिवाईरी । तुव पुरको प्रताप लखि जननी वास
 कियो तहँ आईरी ॥ अणिमादिक सब अन्न मधुर
 लै करत फिरत पहुनाईरी । सुरदुर्लभ सुख देत
 सबन को अंत मोक्ष पद पाईरी ॥ आनँद म-
 गन सुमन सुर बरखैं बाजत गगन वधाईरी ।
 दस अरु चार भुवन चौधो से शोभा अति
 अधिकाईरी ॥ दरसन से अघ दूर होत हैं कवि-
 वरेणत सकुचाईरी । आप पियारे पास बसाये
 हमें दियो बिसराईरी ॥ गो द्विज दुखित देखि
 जब जननी तब तुम करत सहाईरी । भवसागर
 तारण को तरणीपुरी पुनीत बनाईरी ॥ देवी
 सहाय असी बरुण विच मो मन रह्यो समाई-
 री । तेरे चरन कमल नँख निरखत शोक समूह
 नसाईरी ॥ १३ ॥

॥ लावनी ॥

वाराणसी वसावो शङ्कर, वाराणसी वसा-
वोरे । बहुत दिननसे आस लगी है अब क्या
देर लगावोरे ॥ मणीकर्णिका घाट के ऊपर
गङ्गा नित्य नहाँवोंरे । तारकेश्वर पूजन करिके
द्वंद्विराज पहुँ जावोंरे ॥ भैरोनाथपुरी के मालिक
तिनकै दरसन पावोंरे । अन्नपूरणा पुरन करिहै
चरन सरन चित लावोंरे । विश्वनाथ पद पूजन
करिकै सभा जाय जस गावोंरे । ज्ञान वाउरी
करौ आचमन आवागमन मिटावोंरे ॥ दीन
बंधु यह नाम तजो नहि नयनरोग नसावों-
रे । देविसहाय पुकारत आरत गिरिजा तुम
समुभावोरे ॥ १४ ॥

१ दो०-रहे वर्षष्ट अथ जव, शुभ मति देवि सहाय ।

भजन कह्यो यह प्रेम सो, तन मन लकल लगाय ॥ १ ॥

दीन बचन सुनि शंभु सा, कह्योगौरि अकुलाय ।

दीजिय दृगनिज दास को, नाथ हिये हरनाय ॥ २ ॥

यह सुनि दीन दयालु हर, दई पूर्व समदीति ।

लखहु भक्त हित आपही गिरिजा मई बसोडि ॥ ३ ॥

॥ लावनी ॥

दीनबन्धु प्रभु नाम राखि मेर नयनन रंग
 नसायोरे । सुजस प्रताप कहालों वरणो फिर
 मोहि जग दिखलायोरे ॥ कालकूट ज्वर जरत
 सुरासुर तीन लोक विष छायोरे । जग हित
 आप आचमन कीन्हों नीलकण्ठ भूलकायोरे ॥
 सुरसरि बेगि देखि सुर बोले अब कैलाश बहायोरे ।
 आप उठाय सीस धरि लीन्ही जटन बीच विल-
 मायोरे ॥ कोटि भानु तन तेज विराजै चन्द्र
 कोटि छवि छायोरे । वाम अंग रौरी अति सुहै
 त्रिभुवन में सुख छायोरे ॥ काम धेनु कोटिन
 जंहं डोलै सुरतरुवाग बनायोरे । शची रम नित
 करै आरती मन वाञ्छित फल पायोरे ॥ जै जै जै
 गौरिश दयानिधि में सरणागत आयो रे ।

१ दो०-दीनबन्धु यह नाम निज, तजौ देहु वा नैन ।

पूर्व भजन मह यह कह्यो, निज मुख करुओ वैन ॥१॥

पाय नैन अपराध निज, समुक्ति समुक्ति अकुलाय ।

शमन हेत गायो उलटि, अन्तिम पद हर जाय ॥ २ ॥

देवीसहाय को रोग हस्यो जब गिरिजा ने समु-
भायोरे ॥ १५ ॥

॥ लावनी ॥

हे शङ्कर करुणानिधान प्रभु लीजे
खबर हमारीरे । भवसागर से पार करो मैं आयो
शरण तिहारीरे ॥ यह कलिकाल विहाल किये
जेहि धरम दिये सब टारीरे । नीच करत आचार
बहुत द्विज होन लगे व्यभिचारीरे ॥ याहू
पर अनरीत करत कलिने माया विस्तारीरे ।
जती करत बैपार बहुत धन हीन कुलीन
दुखारीरे ॥ देवीसहाय जपो शिव शिव व्है हैं
मुद मंगल कारीरे । मैं तो प्रभु की गोद भयो
शिव पितु गिरिजा महँतारीरे ॥ १६ ॥

॥ लावनी ॥

ऐसेइ उमिर वितीत भई शिव प्रीतरीत
नहिं जानीरे ॥ टेक ॥ बालविनोद किये सुख
में मस भीजत लखी जवानीरे । ताहू पै शिव

नाम लियो नहिं जश आय नियरानी रे ॥ सेवा
 टहल बनत नहिं मोसों मन्द महा अभिमानी
 रे । मेरे मातु पिता गिरिजा शिव मै उरमें यह
 आनीरे ॥ वे तोहैं प्रभु दीनबंधु सेवक सों अति-
 हित मानीरे । याही ते शिव सरन गह्यो त्रिभुवन
 पति अरु बिज्ञानीरे ॥ देवी सहाय उमापति को
 नित चरण कमल अनुगाभीरे । दरशन हेत
 लालसा लागी प्रभुतुम अन्तरजामीरे ॥ १७ ॥

॥ ख्याल ॥

गौरिपति सों प्रेम नहीं मन काम के हाथ
 बिकानेरे । वाही में लौलीन रहत हैं दिवसजात
 नहिं जानेर ॥ गर्भ बास में तोहिं उरध करि मल
 कफ मुख लपटानेरे । जठर अग्नि की आंच
 लगी तब सुधिकरि अतिपछितानेरे ॥ सज्जन
 संग तोहि नहिं भावै लंपट साथ सुहाने रे ।
 तिनके सुत्रस जाय गणिकन में धन अरु धर्म
 ठगाने रे ॥ देविसहाय भजन के कीन्हे पाप

पहाड़ बिलाने रे । नरतन पाय करो मन थिर
जे भजन करें ते स्याने रे ॥ १८ ॥

॥ ख्याल ॥

सुनो सदा गिव साँव गोसाँई मन अनीत
स्त मेरारे ॥ टेक ॥ पूजन भजन करत निस-
वासर तव सुख होत घनेरा रे । नेकौ तुव पद
भूलि जाय तव बिषइनको मन चेरा रे ॥ मानत
नहीं मूढ़मन मेरो समुझायो बहुतेरा रे । अबतो
कृपादृष्टि करि हेरो में सेवक प्रभु तेरारे ॥ मोंकों
नाथ निहांरहु आस्त निजपुर देहु बसेरा रे ।
सखा समेत सुजस नित गौहों मिलि जै हैं
भववेरा रे ॥ असरणसरण दीनके बन्धू अब
करिये निरवेरा रे । देविसहाय कि त्रास मिट
जव करौ हृदय मँहँ डेरा रे ॥ १९ ॥

॥ ख्याल ॥

है जगसार विचारयही शिवनाम जपो दिन-
रातीरे । जन्म मरन दुख छूटजाय तब तीनों

ताप नसातीरे ॥ सोई ज्ञानी सुसील जगमें जो
 देत सलाह सुहातीरे । गौरीपति के भजन बिना
 यह बैस बृथा सब जातीरे ॥ शिवपद विमुख
 मनुज जगमें ते जानहु आतमघातीरे । नरक
 परे पछतात सदा जमगन मारत घन छातीरे ॥
 देवीसहाय समाय रह्यो शिव प्रेम नेम बहु
 भांतीरे । हृदय कमलमें देखि परै शिव चरण
 कमल नख पांतीरे ॥२०॥

॥ ख्याल ॥

है जगसार विचार यही शिव नाम सदा
 सुखदाईरे ॥ टेक ॥ जोग समाधि बनै नहिं
 कलिमें भूख प्यास अधिकाईरे । तापरकाम
 कमान लिये सर मारत मोह दिखाई रे ॥ व्याध
 महा अधरासि रह्यो मृगया हित गो बन
 धाई रे । सीत बिबस शिवनाम कह्यो तजि तन
 शुभ गति पाई रे ॥ अजामील गज गनिका
 तारी नाम मंत्र अस भाई रे । ता प्रभुको नित

भजन करो तुव विगरी सब बनजाई रे ॥ देवी-
सहाय भजन के कीन्हे हृदय विमल व्हे जाई रे
तहँ गौरीपति रूप निरखि नित नूतन प्रीत
लगाई रे ॥ २१ ॥

॥ ख्याल ॥

गौरी शिवशंकर सों बोली सेवक लेहु
बुलाई रे । तारक मंत्र जपत निसवासर ताकी
सुध विसराई रे ॥ सखा समेत बसावहु निजपुर
दुख दारिद्र मिटाई रे । अन्नपूरना अन्न देत हैं
सुख संपति अधिकाई रे ॥ गिरिजां बचन सुनत
शिवशंकर बोले अति हरखाई रे । कछुदिन बीते
बोली लिहो मेरो बचन वृथा नहिं जाई रे ॥
देविसहाय अनन्य भक्त तुव नूतन प्रीत लगाई रे ।
ताकोनाथ विलंबन कीजै भृंगी देहु पठाई रे ॥२२॥

॥ भैरवी ॥

मैं शिव सरन तिहारी आयो ॥ टेक ॥
दीनदयाल दयानिधि मोकों कबहुँ न दरश

दिखायो । शरणागतको त्याग कहां प्रभु तुम
 काहे बिसरावो ॥ तृष्णा तरुण भई करुणा निधि
 चाहत मोहि नचायो । देविसहाय दास अपने
 को अब चाहिये अपनायो ॥ २३ ॥

॥ भैरवी ॥

मैं तो शिव सदा कहावत तेरो ॥ टेक ॥
 तुम्हरी कृपा कटाक्ष कियेतें मेरो सब निस्वेगो ॥
 करहु कृपा जानि निज सेवक जातें होय निवेरो ।
 जिनके मन महेश चरणन में मैं तिनहूं को
 चरो ॥ जरा जरूर आय नगिचानी चित चिंता
 ने घेरो । देविसहाय दास अपने को निजपुर
 देहु बसेरो ॥ २४ ॥

॥ भैरवी ॥

मैं सुचि सेवक गौरीपति को ॥ टेक ॥
 भस्मभाल रुद्राक्ष गले मे सोई हमारे मति को ।
 सत संगत को सार निहारत त्यागन करत
 कुमति को ॥ अधमहूं नाम लेत शङ्कर को

अधिकारी शुभगति को । देविसहाय बसे
आनन्दवन फल पायो जपतप को ॥ २५ ॥

॥ प्रभाती ॥

मैं तो भाई सेवक हूँ शिवकेरो ॥ टेक ॥
उन्हीं को नाम जपत निसबासर सांभ गनौ
न सबेरो । जाके चरन कमल के नीचे मुनि मन
करत बसेरो ॥ सेस सुरस धनेसहु ध्यावत
जस गावत बहु तेरो । देविसहाय दास अपने
को भवसागर से निवेरो ॥ २६ ॥

॥ प्रभाती ।

मैं शिव सेवक सदा निकट को ॥ टेक ॥
बिछुरे भये बहुत दिन मोंकों तुमही सों मन
अटको ॥ शिव पद भक्ति भाव निरखनको
भवसागर में भटको । शिवपद त्रिमुख दुखित
नर निरखत मन मलीन मुख लटको ॥ अजित
अनन्त अनादि सदा शिव है व्यापी घटको ।

देविसहाय बसों आनंद बन छूटि गयो सब
खटको ॥ २७ ॥

॥ प्रभाती ॥

मैं शिव सदा यहै बर पाऊँ ॥ टेक ॥ बसों
समीप सदा सुरसरिके अन्त कहूँ नहिं जाऊँ ।
साचो करों सनेह शम्भु सों विमल २ गुण
गाऊँ ॥ शिवपद पद्मपराग पियन हित चित्त
चंचल चपटाऊँ । देविसहाय स्वांस सितार सो
उमा महेश रिभाऊँ ॥ २६ ॥

॥ भैरवी ॥

मैं शिव नाम काम तजि गैहों ॥ टेक ॥
जन्म जरादिक दोष जगत के ते सब धोय बहैहों ।
हूँ हैं विमल हृदय तब मेरो उमा महेश बसैहों ॥
जाको भजत बेद विधि हरिहर ताही को हूँ
रैहों । देविसहाय सदा शिव सन्मुख प्रेम प्रभाव
दिखैहों ॥ २६ ॥

॥ भैरवी ॥

मैं शिव सुमिरत उमिर बितैहों ॥ टेक ॥
 शिवपद बिमुख पुरातन पापी उन तन में न
 चितैहों । धरिहों ध्यान सदा शङ्कर को लघु किङ्कर
 ह्वै रहों ॥ सुनिहों सुजस उमापति को नित
 नाम सुधा रस पैहों । देविसहाय शिवा शिव
 सुमिरत भवसागर तरिजैहों ॥ ३० ॥

॥ प्रभाती ॥

मैं शिवसरण तिहारी रहों ॥ टेक ॥ करिहों
 नीच टहल गृहकी सब और कछु नहीं कैहों ।
 तेरे चरनकमल नख नीचे चित चंचल चपटै
 हों ॥ सुनिहों जे अनन्य शिव सेवक तिनही
 के घर जैहों ॥ भैरव दूँढराज के सन्मुख बिनती
 विविध सुनैहों । देविसहाय शिवाशिव सुमिरत
 भवसागर तरि जैहों ॥ ३१ ॥

॥ भैरवी ॥

अब मोहिं गौरीनाथ बुलायो ॥ टेक ॥

महाँराज महरानीजी ने लिखि कः पत्र पठायो ।
 बाँचत पत्र पवित्र भयो मन धाम ग्राम विसरायो ।
 आनदवन वीथिन की शोभा चाहत मोहि
 दिखायो । देविसहाय दास अपने को चौथेपन
 अपनायो ॥ ३२ ॥

॥ प्रभाती ॥

अब मोहि कासीवास बतायो ॥ टेक ॥ ममना
 मोह फाँस से मांकां जिनमें आप छुटायो ।
 आत्मावीरेश्वर के समीप प्रभु सुरगुरु पास
 बसायो ॥ बैठत उठत दरस सुरसरि के मन वांछित
 फल पायो । मखमल माखन से अति कोमल
 जावक भस्म लगायो ॥ ऐसे चरन उमा महेश
 के लखि आनंद अति उर छायो । देविसहाय
 दास अपने को जम जाचन से बचायो ॥ ३३ ॥

॥ भैरवी ॥

अब हम नाम रतन धन पायो ॥ टेक ॥
 जाके लिये होत विमल उर सो गुरुदेव बतायो ।

जाँको सुजस महा मुनि गावैं ताको दास
कहायो ॥ श्रीगुरुचरन कृपाके कीन्हे साम्ब सरन
मह आयो । देविसहाय पाय प्रभु अपनो हिय
में अति हरखायो ॥ ३४ ॥

॥ प्रभाती ॥

अब प्रभु करहु कृपा यहि भाँती ॥ जाते
मिटै मोह ममता मद शिव सुमिरोँ दिनराती ।
विश्वनाथ पद पूजन कीन्हें उमगि उठे मम
झाती ॥ आनन्द बन बोधिन में डोलों भुलि
जाहुँ निज जाती । देवीसहाय उमा शङ्करको
लिखत अरज की पाँती ॥ ३५ ॥

॥ भैरवी ॥

अब मोहि नाथ भरोसो आयो ॥ टेक ॥
जालगि भ्रम्यो बहुत अबनीतल सो भ्रम मोह
मिटायो ॥ गर्भवास में मोहि दया निधि अश्वने
चरण चलायो । करि तुम कृपा जानि निज
सेवक निज कर मोहिँ बचायो ॥ तबते हँड

विश्वास भयो उर शिव सेवक में कहायो ।
 प्राणनाथ गिरिजेस हृदय बसि तब सब सोच
 मिठायो ॥ देवी सहाय स्वप्नस मनकों करि प्रभु
 चरणन में लगायो । तीरथ अटन दानको
 फलजो सो घर बैठे पायो ॥ ३६ ॥

॥ प्रभाती ॥

अब हम साँव चरन रति मानी ॥ टेक ॥
 लोग कुटुब की आस न कीन्ही गिरिजापति
 हित जानी । जाको नाम जपत निस बाँसर
 नित नवमङ्गल खानी ॥ आदि शक्तिजेहि बेद
 बखानत सो सङ्कर की रानी । देविसहाय सदा-
 गुन गावत करम वचन मृदुबानी ॥ ३७ ॥

॥ भैरवी ॥

करब का काशी वसिवो जाय ॥ टेक ॥
 ऐहै काल अचानक जबही तब को लौहे बचाय ।
 उन सों प्रीत पुरातन मेरी वेई रहे हैं समाय ॥
 भये सपेद केश तन निरबल नैनन नेक दि-

खाय । छोटे पतित बहुत तुम तारे में पतितन
को राय ॥ वापुर जाय तजै तन कोई दुर्लभ
तन है जाय । देवीसहाय बसौ आनँदबन
ममता मोह बिहाय ॥ ३८ ॥

॥ प्रभाती ॥

कसक सब काशी में मिटिजाय ॥ टेक ॥
जन्म जन्मकी जमी जमनिका सो शिव देत
छुटाय ॥ अघ औगुनके भरे खजाने राखे बहुत
छिपाय । पुर पैठत प्रणाम करि प्रभु को दैहों
पाप लुटाय ॥ ऐहँ मिलन महेश भक्त जब
परिहों चरन लपटाय । देवीसहाय दास अपने
को निज पुर देहु वसाय ॥ ३९ ॥

॥ भैरवी ॥

भोला भली बनाई काशी ॥ टेक ॥ शिवशिव
नाम जपै निसवासर कबहुँन होत उदासी । असी
बरुन के बीच बसतु हैं विश्वनाथ अविनासी ॥
सुरपुर सरिस सदन सब करे मुक्तिद्वार पर दासी ।

देवीसहाय वसावहु निजपुर तुम अन्तर घट
वासी ॥ ४० ॥

॥ प्रभाती ॥

बाबा हमें वसाओ काशी ॥टेक॥ जाको नाम
लिये अब भाजत तन में रहै समासी । अन्नपू-
रना अन्न देत जहँ सुरसरि बहत सुधासी ॥
विश्वनाथ पद पूजन कीन्हे सतगति रहत
खवासी । देवीसहाय शिवा शिव सुमिरे मोह
मिटै भ्रम फांसी ॥ ४१ ॥

॥ भैरवी ॥

जो तुम दीनदयाल कहावो ॥ टेक ॥ तौ
मम हृदय विमल करिये प्रभु भक्तिभाव दरसावो ।
श्रीगौरी हिय रंजन शङ्कर मन मेरेवसि जावो ॥
बेगि हरो दारुण दुख दारिद अब जनि देर
लगावो । देवीसहाय दास अपने को निज पुर
बेगि बुलावो ॥ ४२ ॥

॥ प्रभाती ॥

॥ शिवशिव सुमिस्त प्राण हमारो ॥ टेक ॥

गर्भवास में मोहि बचायो जिन सेवक लखि-
 वारो । उनहिंको ध्यान ग्यान उनहीं को उनहीं
 को चरण निहारो ॥ पूजन भजन नेम व्रत
 संयम शिव हिन हम दै डारो । देवीसहाय भजन
 भव दीपक दोउ पुर में उजियारो ॥ ४३ ॥

॥ प्रभाती ॥

गौरीपति सो प्रेम हमारो ॥ टेक ॥ उनहि
 को नाम सुधा रस पीवत लगत मोहिं अति
 ध्यारो । उनहि के चरण कमलके ऊपर मन मेरो
 मतवारो ॥ छिनपल मोकों बिसरत नाहीं फणि-
 गण भूषणवारो । देवीसहाय कह्यो गुरु मोसों
 उरअन्तर में निहारो ॥ ४४ ॥

॥ प्रभाती ॥

पतितशिरोमणि नाम हमारो ॥ टे० ॥ कब-
 हुँन ध्यान धरत उर अन्तर, कबहुँन नाम उ-
 चारो । कबहुँन सुयश सुनत शङ्कर को लगत
 कुसंग प्रियारो ॥ कबहुँन सन्न चरणे करि सेवा

नहि निज पाप निकारो । देवीसहाय दास
अपने को अबकी बेर उबारो ॥ ४५ ॥

॥ भैरवी ॥

जबते भयो सांभ को चरो ॥ टे० ॥ तबते
शत्रु मित्र भये मेरे बैर छुट्यो सब करो ॥ दरस-
न बिना बहुत दिन बीते लगो रहत मन मेरो ।
मोह निसा हर हेत सिरानी अब शिव सुमिर
सबेरो ॥ आनन्दवन बसाय सुख दीजै शङ्कर
किंकर तेरो । देवीसहाय जानि जन अपने
खोलि पलक प्रभु हेरो ॥ ४६ ॥

॥ भैरवी ॥

भजन बिनु दीन्ही बयस बिताय ॥ टेक ।
जाके लिये जनमजग लीन्हों कीन्हों न कछू उपाय ।
कियेबिनोद गोद जननी के पय पीवत मुसु-
काय ॥ तरुण भये तन निरखन लागे तरुणी
तरुण सुहाय । भये सपेद केश तन निरखत
नैनन नेक दिखाय ॥ धन अरु धाम काम नहिं

ऐहैं छिन में सब छुटि जाय । देवीसहाय बसो
आनंदवन साचो यहै उपाय ॥ ४७ ॥

॥ भैरवी ॥

रसना राम कहो मनलाई ॥ टे० ॥ राम बिना
कोउ काम न ऐहैं सुत परिवार बड़ाई । अन्त समै
ये तोहि तजैगे फिर पीछे पछिताई ॥ नाम प्रताप
जानि घटयोनी वालमीकि मुनिराई । निज
मुख राम चरित जिन गायो भक्ति कल्पतरु पाई ॥
दुर्लभ देह फेरि नहि पैहैं छाडु कपट चतुराई ।
जब यमराज करैगे लेखा सब कलाई खुलि जाई ॥
आतम ज्ञान जोग अरु साधन या युग में
कठिनाई । देवी सहाय विमल गुण गावो कृपा
करै रघुराई ॥ ४८ ॥

॥ भैरवी ॥

शिवशिव नाम धाम दिखरावै ॥ टे० ॥
नाम से होत काम परिपूरण भक्ति भाव उर
आवै । करि विश्वास आस चरनन की भव-

बन्धन छुटिजावै ॥ है षट् चार अठारहु को मत
नर वर भवतरि जावै । देवीसहाय सुखी सोइ
जग मे नाम निरंतर गावै ॥ ४६ ॥

॥ भैरवी ॥

हे गौरीश शरण मैं तेरी ॥ टेक ॥ तुम उदार
त्रिभुवन पति स्वामी करहु कृपा निज जन तन
हेरी ॥ दीनन की सुधि लेत सदा तुम हमरी
बेर करी किमि देरी । निसदिन बसौ नाथ उर
मेरे बेगि करहु प्रभु कृपा घनेरी ॥ आनँदवन
वसिवे को दीजै विश्वनाथ यह आसा मेरी ।
अबतो दरस चहत मन मेरो चितवो वेगि कमल
मुखफेरी ॥ भव सागर को पार मिलै नहिं याते
दुखित कहत हों टेरी । देवीसहाय सकल सुर
सेवत अणिमादिक जाकी सब चेरी ॥५० ॥

॥ भैरवी ॥

जे शिव साध्व चरण मन लायै ॥ टेक ॥
तिनके विमल प्रकाश भयें उर कलिमल धोय

बहाये ॥ जे निगमागम सार समझ ते नाम
जपत सुख पाये । तिनकी जननी जनक बड़
भागी जिन ऐसे सुत जाये ॥ शिव गिरिजा मय
जगत निहारत सबसों प्रीत लगाये । परनिन्दा
परधन परदाश इनसों रहत बराये ॥ देवीसहाय
धन्य तेइ जे शिव शरणागत आयें । तिनको
नाथ अभय पद दीन्हे विमल विमल गुण
गाये ॥ ५१ ॥

॥ प्रभाती ॥

तुम विन शङ्कर कोइ नहिं मेरा ॥ टेक ॥
भवसागर को पार न जानो नाव मिले नहिं
बेरा ॥ मोंको नाथ जानि निजसेवक निज पुरदेहु
बसेरा । देवीसहाय दरसको लोभी उमा सहित
कीजै फेरा ॥ ५२ ॥

॥ प्रभाती ॥

है गौरांपति नाथ हमारे ॥ टेक ॥ जाको
ज्योतिरूप सुर वरणत बेदन ब्रह्म विचारा । सो

महेश त्रिभुवन पतिं स्वामी मैं नैनसों जारा ॥
 त्रिपुरासुर तिहु लोक विकल किये दियो महाँ
 दुख भारा । तहँ गिरिजा पति अभै किये सुर
 जाय असुर पति मारा ॥ कर कपाल अरु शूल
 अभै बर देत सकल दुख टारा । गौरशरीर अधि-
 क छबि तामे नीलकण्ठ अति कारा ॥ सब उर
 वसत सुनत सबकी शिव है सब जगसे न्यारा ।
 देवीसहाय पतित पावन भये जब शिव नाम
 उचारा ॥ ५३ ॥

॥ भैरवी ॥

जो शिव सांव चरण मन लै है ॥ टेक ॥
 तो परिवार पवित्र होयगो कलिमल सब नसि
 जै है ॥ व्हैहै विमल विराग ज्ञान उर जीकी तपन
 बुझै है । करिहैं कृपा जानि निजसेवक भवसा-
 गर तरि जै है ॥ असरण सरण दीनहित कारी
 सो तोकों अपनै है । दीहैं दृढ़ अनुराग चरण
 में माया फिर न सतै है ॥ देवीसहाय उमापति

तोंकों आनँदवनहि बसै है । तारेक मंत्र सुनाय
श्रवनमें आवागवन मिटै है ॥ ५४ ॥

॥ भैरवी ॥

शिव पद सुमिर सदा सुख लैहै, नाहि तो
जन्म अकारथ जैहै ॥ टेक ॥ जन्म जन्म के
पाप पुरातन यमयातन से तूँ बचि जैहै । जो
गै है शिवनाम कामतजि तो शिव संग सनातन
रैहै ॥ जप स्वतंत्र गुरु मन्त्र निरन्तर अन्तर
घट प्रकाश व्हेजैहै । तबहि महेश कलेश काटि
तोहि निज स्वरूप उर आनि दिखैहै ॥ देवी
सहाय भजन के कीन्हे भक्ति विराग ज्ञान उर
ऐह । छुटि जै हैं भवके दुख दारुन शिव स्वरूप
में जाय समैहै ॥ ५५ ॥

॥ प्रभाती ॥

गौरीनाथ शरण तकि आया ॥ टेक ॥ विनु
तुव कृपा दयाल उमापति मोह मिटे नहि माया ॥
भ्रमत रह्यो निस दिवस अवनितल विषैभोग मन

लाया । तब तुम दयां दास पर कीन्ही कलिमल
 धोय बहायो ॥ असरन सरन दीन हितकारी
 बेद पुरानन गाया । श्रीगुरुदेव दया करि
 मोकों जिन यह रूप दिखाया ॥ देवीसहाय
 उमापति सेवत नामरनन धन पाया । सखा समेत
 वसावहु निजपुर यहै आप की दाया ॥ ५६ ॥

॥ भैरवी ॥

भजन बिन जीवत पशू समान ॥ टेक ॥
 देव पितरं गुरु पोषत नाहीं उदर भरत ज्यों
 श्वान । सत संगत सो दूर बसत हैं सुने न
 वेदपुरान ॥ सपने न करत विप्रपद धूजा गनि-
 कन को सनमान । देवीसहाय सार है कलि में
 करें जो प्रभु पदध्यान ॥ ५७ ॥

॥ प्रभाती ॥

शिव शिव नाम रटौ करो रसना ॥ टेक ॥
 झूठ मीठ तोकों अति भावत हरसों प्रीत करत
 तूं कसना । यह ककिल उपाधिबडि एक

परत्रिय रूप देखि नहिं फसना ॥ तन मन से
गौरीस भजन कर है संसार रैनको सपना ।
देवीसहाय कहत सब सों यह है जगसार शिवा
शिव जपना ॥ ५८ ॥

॥ प्रभाती ॥

जो शिव नाम लेत अलसैहै ॥ टेक ॥
तो फिर जन्म जन्म कै पातक तेरे कौन छूटै हैं ।
है शुभ अशुभ करम को मालिक तासो तूं का
कैहै ॥ सुन्दर वयस ऐसमें खोई अन्त आप
पछितैहै । देवीसहाय भजन विनु कीन्है
रसना रस नहिं पैहै ॥ ५९ ॥

॥ प्रभाती ॥

है शिव नाम सुधा से नीको ॥ टेक ॥
जाकेलिये विरंग होत उर भक्ति भावको टीको ॥
दृढ़ विश्वास आस चरणको सुख दाई सबही
को ॥ श्रुति सिद्धांत सराहत जाको ब्रह्मनाम

शिवही को । देवी सहाय छाछ नहिं छूवंत
स्वाद सराहत घीको ॥ ६० ॥

॥ भैरवी ॥

राखो लाज आज त्रिपुरारी ॥ टेक ॥ यह
कलिकाल हाल अस कीन्हे दीन्हे वरण विगारी
भूसुर भूत पूत हित पूजत पतित वेद वृत
धारी ॥ जरा जरूर जोर करि बैठी देखि भयो
भ्रम भारी । यह तन पीन छीन भयी मेरी वहन
लगी मुखलारी ॥ आनंद वन सुरसरि समीप
प्रभु दीजैवास विचारी । तुमरो दास कहाय
हाय हर होय न हँसी हमारी ॥ ममता मोह
फांस में बांध्यो लीजे वेगि उबारी । देवीसहाय
दास दुखदेखत दीजै पलक उधारी ॥ ६१ ॥

॥ प्रभाती ॥

भोला भली विपति निखारी ॥ टेक ॥
नाहक लोग दोष मोहि देते सन्मुख सहतो
गारी । निजजन दुखित देखि तब दौरे नन्दी-

यान विसारी ॥ अभय कियो प्रभुदास आपनो
कृपा कटाक्ष निहारी । देवीसहाय मगन मुख
बोलो जैशङ्कर बलिहारी ॥ ६२ ॥

प्रभाती ॥

मैं शिवहेत जन्म जग लीन्हों ॥ टेक ॥
गौरीपति कृपाल शङ्करको तनमन सब दैदीन्हो ।
तबसे गये रोग तजि तनसे नाम सुधारस पीन्हो ॥
शिवपद पदम पराग पियन हित नेम निरंतर
कीन्हो । देवी सहाय सदा शिव को यश कहत
प्रेमरंग भीन्हो ॥ ६३ ॥

॥ प्रभाती ॥

हे विधि बृथा जन्म जग दीनो ॥ टेक ॥
गौरीपति के चरन कमल में मैं मन मधुपन
कीनो । तीरथ गयो न ज्ञान भयो उर भक्ति
भावसो हीनो ॥ देव अदेव भजत जाको नित
सो शिवनाम न लीनो । देविसहाय उमापति
को यश कहत प्रेमरंग भीनों ॥ ६४ ॥

॥ प्रभाती ॥

हे विधि कौन करम में कीन्हों ॥ टेक ॥ जाते
मोहि दयानिधि शङ्कर कर गहि दरसन दीन्हो ॥
सुनि सुनि हाल ग्वाल सवरी को उन सम
मोहि न चीन्हो । देवीसहाय सदा शिवको यश
कहत प्रेम रँग भीन्हो ॥ ६५ ॥

॥ प्रभाती ॥

जग पितुमातु महेश भवानी ॥ टेक ॥ गर्भवास
में मोहि बचायो सो सब सुनी कहानी ॥ तीनों
लोक उदर में जाके कहत वेद बुधवानी । तीनों
देव प्रगट जेहि कीन्हे तीनों गुण की खानी ॥
जहँ लग जीव चराचर जगमें तहँ शिव सक्ति
समानी । देविसहाय भजन शङ्कर को सुख
समूह की खानी ॥ ६६ ॥

॥ प्रभाती ॥

है शिवनाम नफा जग माहीं ॥ टेक ॥ जाके
लिये छुटै भवबन्धन पाप ताप नसिजाहीं । यह

बैपार पार जाने को शिव पद प्रीत सराहीं ॥
कर उखोध सोध करतलमें आपमें आप दिखा-
हीं । देवीसहाय सुन्यौ संतन सों नाम सरिस,
कछुनाहीं ॥ ६७ ॥

प्रभाती ।

मैं शिव सेवक भूउ कहायो ॥ टे० ॥ आनंद
वन बीथिनके भीतर कबहु न मोहि फिरायो ।
काम क्रोध मद लोभ न छूख्यो तृष्णा तरुण
नचायो । देवीसहाय को दोष न देख्यो प्रेम
मगन भ्रम छायो ॥ ६८ ॥

॥ भैरवी कृष्ण के जन्म की ॥

जो सुख नंद जसोदा पायो ॥ टे. ॥ सो सुख
चहत रहे ब्रह्मादिक जोग समाधि लगायो ।
जाको नेति नेति श्रुति गावत सो प्रभु प्रगट
खिलायो ॥ गोपुर सरिस लखत सुर गोकुल
सुख संपति सों छायो । देविसहाय शरण शङ्कर
की कृष्ण जन्म सुनि आयो ॥ ६९ ॥

॥ प्रभाती ॥

मो सम भयो अधम कोठ नाही ॥ टेक ॥ श्री
महेश पदपंकज तजी मन भ्रमत फिरत जग
मांहीं । कबहु न ध्यान धरत शंकरको नाम जपत
अलसाहीं ॥ छूटन ग्रंथि पंथ नहि सूझत आप
उलटि उरभाँहीं । देविसहाय सीख मन मानों
शिव सुमिरत दुख जाहीं ॥ ७० ॥

॥ प्रभाती ॥

अब कछु और ते' और दिखानी ॥ टे० ॥
जाके लिये जनम जग लीन्हो सो सब सुरति
भुलानी ॥ सुधा विहाय धाय विष पीवत भावत
काम कहानी । ताहूपै हरनाम लेत नहि ममता
मति लपटानी ॥ कबहुन सुयस सुन्यो शंकर
को सतसंगत नहिं जानी । अबहुँ भजो महेश
पदपंकज होय सकल अध हानी ॥ भये सफेद
केश तन निर्बल मुख द्युति अति कुम्हिलानी ।

देविसहाय अधम खल पामर शिव सुभिरत भये
ज्ञानी ॥ ७१ ॥

॥ भैरवी ॥

जबते भयो शरण दिनकरकी ॥ टे० ॥ तब
ते भयो सकल सुख मोकों खटक भटक गइ
मनकी । ये सविता शङ्कर स्वरूप हैं पीर हरत
निज जनकी ॥ उठि प्रभात रवि के पद पूजत
अटक रहत नहि धनकी । देविसहाय वसै
आनंद बन जहँ सरायँ सिद्धन की ॥ ७२ ॥

॥ प्रभाती ॥

को प्रभु दीनबन्धु दिनकरसो ॥ टेक ॥ उदय
होत दुख दूर होत हैं ताप तिमिर सब भरसो ॥
जो ध्यावत पावत फल चारो देत सदा शुभ
बरसो । देवीसहाय सरन ताही के ब्रह्मरूप
हरिहरसो ॥ ७३ ॥

॥ राग देश ॥

भज मन चन्द्रशेखर चरण ॥ टेक ॥ सगुण

निर्गुण रूप जाको नाम भंगल करन ॥ शेष
 सुमिरन करत जाको धरे रज सम धरन । सिद्ध
 श्री सनकादि नारद निगम आगम वरन ॥
 व्याध महा असाधु पामर अन्त लाग्यो मरन ।
 शीत वस शिवनाम सुमिरत मिटी जियकी
 जरन ॥ इन्द्र चन्द्र कुबेर विधि हरि रहत जाकी
 शरन । कहत देविसहाय शिव भज मिटै
 आवागमन ॥ ७४ ॥

॥ रागिनी देश ॥

शंकर दीनबंधु दयाल ॥ टे. ॥ जासु कृपा
 कटाक्ष कीन्हे मिटै बहु भ्रमजाल ॥ परी विपत
 मृकण्ड सुत को आनि घेखो काल । जानि
 निज सेवक दयानिधि दई वयस विशाल ॥
 धवल रूप अनूप शिवको भस्म भूषित व्याल ।
 तीन नयन त्रिशूल करमे चन्द्र सोहत भाल ॥
 नाम तें अघओघे नाशत होत जम उर साल ।
 दरस देविसहाय चाहत करो बेगि निहाल ॥ ७५ ॥

॥ राग देश ॥

शिव शिव रत संकट कटत ॥ टंक ॥ जन्म
जन्म के पापपुरातन आपही सब हटत । अटक
कछु न रहत ताको जो शिवा शिव जपत ॥
नाममें शिव रूप दरसत धन्यनर जे लखत । वेद
और पुराण के फल नाम में ही बसत ॥ देवि-
सहाय महेश पदरज प्रेम पूरन करत । तरत
भवसागर तेई जगयोनिसे नर छुटत ॥ ७६ ॥

॥ रागिनी भैरवी ॥

सोच ना करो रे मनमें भोला देने वाला है ॥
टेक ॥ गौरी अरधंग जाके भंग को अहारो है ।
हाथमें पिनाक लीन्हे सोई बैल वाला है ॥ गोरो
सो शरीर जाको और कंडकाला है । सोई अव-
घूत मेरो मोहि प्रतिपाला है ॥ महाविष पानि
कीन्हे नैन जाके लाला है । दुष्टन के नाशिवे
को तीजे नैन ज्वाला है ॥ देवी को सहाय तेरो

सेवक निराला है । वोही मेरो स्वामी जाके गले
मुण्डमाला है ॥ ७७ ॥

॥ भैरवी ॥

शिवके समान दूजो देत कौन दान है ॥टे॥
हरिको सुदर्शन दीन्हो मानो कोटि भानु है ।
आपतौ दिगंबर जाके नंदीसो विमान है ॥
ब्रह्मरूप जानि जाको वेद करै गान है । सोई
गौरीश तीनो पुरमें प्रधान है ॥ कालकूट देखि
के सुरासुरे मुरझान है । आयके महेश स्वामी
कियो विपपान है ॥ देविको सहाय सोई सेवक
सुजान है । हियमें निहारे शिव को सोई
ज्ञानवान है ॥ ७८ ॥

॥ भैरवी ॥

गौरी नाथ ध्यावों जाते जियको अराम है
॥टेक ॥ जमपुर जाने नहिं पैहै जपो जाने नाम
है : नंदी भृङ्गीलै करि जैहैं जहां शिवको
धाम है ॥ रजतके पहार जहां बटके बितान है ।

तहां ही गौरीश आगे गावैं सुर वाम है ॥ देवि-
को सहाय सदा शिवको गुलाम है । काशीवास
दीजै स्वामी यही मेरो काम है ॥ ७९ ॥

॥ भैरवी भैरोनाथ जी की ॥

भैरोनाथ भाई मेरे मोहूँ कों बुलाय हैं ॥टे०॥
जनम जनम के मेरे पातक नसाय हैं । आपतो
समुझ के मोंकों काशी में बसाय हैं ॥ शिवके
सनेही तेइ मेरे साथ आय हैं । करिहैं तिहारी
सेवा सुख उपजाय हैं ॥ खीर खाँड पूरी बरा
भातहू बनाय हैं । आपतो प्रसाद करिये बीजना
डुलाय हैं ॥ कोई तो शितार कोई ढोलकी
बजाय हैं । आपको पियारि प्रिया भैरवी सुनाय
हैं ॥ देवीको सहाय ऐसे उमिर बिताय हैं ।
करिहैं महेश पूजा भुक्ति मुक्ति पाय हैं ॥८०॥

॥ भैरवी ॥

नरजी बनाय शंभु करजा न कीजिये ॥टे०॥
जीवोंमें जगत मे जौलों ऐसी बित्त दीजिये ।

नेम प्रेम जामे निबहे नाम सुधा पीजिये ॥
 अबतो दयाकरि स्वामी दोष शोक छीजिये ।
 गौरीनाथ शोभा हियमे देखि र रीभिये ॥ जग
 है अपार ताके पार कैसे हूजिये । शिव कों
 कहावौ मेरो करगहि लीजिये ॥ देविको सहाय
 ताकी अरजी सूनीजिये । गरजी गरीब जाँचे
 मरजी करीजिये ॥ ८१ ॥

॥ भैरवो ॥

ऐसेही बितैहौ की चितैहौ चितलायके ॥टे०॥
 तात मात मेरे शंभू कहौ मैं रिसाय के । सरन
 तिहारी आयो कासों कहौ जाय के ॥ दीन के
 दयालु मेरी दीनता मिटायके । सुख को समूह
 दीजै दरस अघाय के ॥ अपनो समुक्ति के
 माँकों लीजै अपनाय के । जननी हमारी अंबे
 कहौ समुभाय के ॥ देवी को सहाय सदा नाम
 कहै गायके । काशी बास दीजै स्वामी बेगिही
 बुलाय के ॥ ८२ ॥

॥ प्रभाती ॥

शिवको निहारौ हिय में यहै योग की
गली ॥ टे० ॥ भटक मिटैगी तेरी मानेगा जो ये
कही ॥ गौरीनाथ ध्यावो प्यारे याही में भला
भली । सुख को निवास है है दुःख की दला
दली ॥ चरण कमलकी शोभा देखेगा भला
भली । जमपुर मार परिहैं काँटेंगे डला डली ॥
देवी को सहाय करो प्रेमसों मिला मिली । घट
२ छायो देखो सोई साम्ब है बली ॥ ८३ ॥

॥ प्रभाती ॥

दामको गुलाम डोलै कहै मैं तो रामको ॥ टे० ॥
भूठी मिठी बात बोलै जोरे धन धाम को ।
नामको बिसारै फिरै मागै खान पान को ॥
लम्पट लपेटे पट भरो अभिमान को । स्वामीको
निहारे नाही देखे गोरे चाम को ॥ देवी को
सहाय सोई साधु सदा काम को । आपतो
अमानी रहै करै सनमान को ॥ ८४ ॥

॥ रागिनी ठुमरी ॥

यही साल में हाल बिचार यही, आनँद-
वन को हम जावेंगे ॥ टे० ॥ जिनके हित जन्म
लियो जगमें, उनके दर्शन वहां पावेंगे ।
नन्दी भृंगी दोउ और चलें, पग २ पर पंथ बता-
वेंगे ॥ अघ जोरे जन्म करोरनतें, पुर पैठत
पाप लुटावेंगे । शिव के पद अङ्कित भूमि निर-
खि, सोई रज सीस चढावेंगे ॥ ऐहैं शिव सेवक
लेन हमें, हर हर कर कंठ लगावेंगे । देवीसहाय
काशी में जाय, शिव नाम निरन्तर गावेंगे ८५

॥ ठुमरी ॥

गुरु देव द्विजन को करि प्रणाम, आनँद
वनको हम जाते हैं । जिनके हित नेम प्रेम
कन्हो, उनही के हाथ बिकाते हैं ॥टेक॥ गावत
नित नाम शिवाशिवको, ममता अरु मोह मिटाते
हैं । काहु सों बात कही करुई करुणाकर हम
बकसाते हैं ॥ शिव सेवक तदगत शान्त रूप,

उनसों सनेह नित नाते हैं । देवीसहाय शिव
शरण पाय, नित ब्रह्मानन्द लुटाते हैं ॥ ८६ ॥

॥ ठुमरी ॥

शिवशङ्कर गौरी सङ्ग लिये, नन्दी विमान
पर आवन हैं ॥ टे० ॥ डमरू पिनाक लिये कर
में वरदान अभय कर राजत हैं ॥ इत दिव्य
विभूषण वरण अरुण, उत श्वेत विभूति सुहावत
हैं । गिरिसुता करण में मणि चपके उत कुंडल
तरल सुहावत हैं ॥ सिर जटा गंग अरुपिये
भङ्ग, हर चन्द्रभाल भलकावत है । ब्रह्मा अरु
विष्णु गणेश शेश सब, उमानाथ गुण गाव-
त हैं ॥ दिगपाल वधू कर चमर व्यजन, सब
देवसुमन भर लावत हैं । भृङ्गी शृङ्गीको नाद
करै, नारद मुनि वीन बजवात हैं ॥ नाचत
भैरव गण वीरभद्र, शारद शुचि गंग सुनावत
हैं । यह शोभा देविसहाय निरखि तुव, प्रेम
मगन गुन गावत हैं ॥ ८७ ॥

॥ ठुमरी ॥

शिवनाम कहो नर गाय गाय, सुख होय
 सदा जिय जरनि जाय । शिवहेत सचेत करो
 उपाय, पूजो पदपंकज मन लगाय ॥ गुरुदेव
 दयानिधि दियो बताय, भवबन्धन से नर छुटि
 जाय । देवीसहाय तन मन लगाय, घट भीतर
 दरसन करु अघाय ॥ ८८ ॥

॥ ठुमरी ॥

नर तन को पाय करु यह उपाय, भजु सांब
 सदाशिव गौरीशं ॥ टे० ॥ करपूर गौर करुणा
 उदार, सुरसरी विहार जाके सीशं । त्रै नयन
 ज्वाल अरु चन्द्र भाल, तन भस्म ब्याल ऐसे
 ईशं । अरधांग गौर गण ठौर २, पूजत पद
 पंकज सुर ईशं । देविसहाय उर रह्यो समाय,
 करुणा निधान शिव जगदीशं ॥ ८९ ॥

॥ ठुमरी ॥

गौरी शिव सुमिरो वार वार, कलिमल

कठोर जरि होत छार । सनकादिक शारद कियो
 विचार, शिवनाम वेद वेदान्त सार ॥ भटक
 मतकहि अत्र द्वार, द्वार, शिव पूजो करुणा-
 निधि उदार । देवीसहाय भवअति अपार, शिव
 शिव नामपै चढ़ि जात पार ॥ ९० ॥

॥ दुमरी ॥

गुरुचरण कमल को करि प्रणाम । गिरजा
 शिव को नित लेत नाम ॥ ८० ॥ रसनो शिव
 रट आठो याम । हर भजन बिना मुख सरो
 चाम ॥ नरतन ऐहैं फिर कौन काम । शिव
 नाम लेत नहिं लगत दाम ॥ रमि रह्यो सदा
 शिव सकल धाम । बेदन ने कह्यो शिव राम
 नाम ॥ देवीसहाय भजु सुख अराम । जब से
 शिवको मैं भयो गुलाम ॥ ६१ ॥

॥ दुमरी ॥

शिव शंकर संकट वेगि हरेँ, निजदीनन
 के दुख दूर करै ॥ ८१ ॥ करुणानिधान की वान

यही, शरणागत को प्रतिपाल करें । नित प्रात
 उमापति ध्यावत जे, तेई भवसागर पार परैं ॥ जे
 नाम सुधारस पान करें, तिनको जमदुत
 निहारि डरैं । देवी सहाय तन मन लगाय शिव
 आप में आप दिखाय परैं ॥ ६२ ॥

॥ ठुमरी ॥

गौरी शिवसुमिरौ चन्द्र भाल । भवबन्धनके
 छुटि जात जाल ।।टे।। क्षणभंगु देहको करो
 ख्याल । शिव भक्ति बिना नर भये बिहाल ॥
 उत दिव्यवसन भूषण विसाल । इत भस्म अङ्ग
 गले मुण्ड मौल ॥ शशि भानु बन्धि त्रै नयन
 ज्वाल । यज्ञोपवीत अति श्वेतब्याल ॥ पर्द-
 कंज मञ्जु नख ज्योति लाल । देवीसहाय
 लखि भयो निहाल ॥ ६३ ॥

॥ ठुमरी ॥

शिव नाम कहो करुणां करिके, कोउ लेन
 गयो छाती धरिके । शिवनाम से पाप जाय

जरिके, सब प्यार करे मानो घरिके । धनमें
धरि चित्त गये मरिके, ते प्रेत भए ममता करि-
के । देवीसहाय जप तप करिके, हम हाथ
विके गौरीपति के ॥ ६४ ॥

॥ ठुमरी ॥

शिव नाम अकाम जपै मनमें, नहि पाप
रहै तिनके तनमें । जिनके गौरीश बसे
उरमें, तिनके जपजोग सदा घरमें ॥ ऐसे शिव
भक्त होय कुलमें, तार जांय पितर तिनके पल-
में । देवीमहाय धन ते जगमें, जे आय बसे
आनँद बनमें ॥ ६५ ॥

॥ ठुमरी ॥

चौथेपन प्यार कियो शम्भु, आनँदबन
मोहिं बसावेंगे ॥ ६६ ॥ सुरसरि समीप धरिजती
रूप, समुझाय कह्यो सुख पावेंगे । लघु किंकर
कूर कपूत दीन अति, तनछीन जानि अपना-
वेंगे ॥ चित्त में चिन्ताकि चिता चमके, गौरी

पति आप बुभावेंगे । देवीसहाय काशी को
पाय नित ब्रह्मानन्द लुटावगे ॥ ९६ ॥

॥ दुपरी ॥

गौरीपति पीर हरो मेरी, दिन रैन रहत
आशा तेरी । हम आस्त नाथ पुकारति है, दुख
दोष हरो न करो देरी ॥ तुम दीनदयाल कहा-
वत हो, तनि दया दृष्टि दीजै हेरी । जब से
मोहि जन्म दियो जगमें, मैं शरण भयो शंकर
तेरी ॥ काशी में जाय जगजननि पाय, यश
गाय गाय दीहों फेरी । देवीसहाय तहँ दियो
बसाय, जहाँ भक्ति फिरत घर घर चेरी ॥६८॥

॥ दुपरी ॥

मन लागि रह्यो तुमहीं सों सदा तुम काहे-
न दरस दिखावत हौ । जे दास तिहारी आस
करैं तिनको तुम क्यों तरसावत हौ ॥ टेक ॥
करपूर गौर वेंपु बंयकिशोर यह रूप मेर मन

भावत हौ । अर्धांग गौर गङ्गाजि मौर मन-
सिज कर भस्म लगावत हौ । चित में चिन्ता
को जमे अंकुर ताको तुम तुरत नसावत हौ ॥
देवीसहाय उर रहे समाय आनन्दवन मोहि
बुलावत हौ ॥६६॥

॥ दुमरी खम्माच ॥

सदा शिव सदा करै कल्याण । अरे मन
मूढ़ तजो अज्ञान ॥टेक॥ जै मुनिवर परमास्थ
बादी करत सदा ते ध्यान । तिनके हृदय ज्ञान
अस उपजत पावत पद निर्वान ॥ जानि प्रदोष
आनि सुर संकुल त्यागे सकल विमान । सुरनर
मुनि प्रतिपालक स्वामी जै जै करत बखान ॥
पूजन बहु प्रकार गिरिजा शिव जुगल चरण
रति मान । विष्णु शंख मृदङ्ग इन्द्र कर बाजन
गगन निशान ॥ देवीसहाय उमापति निर-
खत कोटि उदय शशिभान । शेष गणेश बखान-
नत महिमा गावत वेद पुरान ॥ १०० ॥

॥ हुमरी खम्माच ॥

यह तन गौरीपति को धाम, प्रेम सो लिया
करो शिवनाम ॥ टेक ॥ बिराजत दल सहस्र
अभिराम, होय अजपांजप आठोजाम । चरण
को सलिल सुधा है नाम, ताहि पीवो कर भरि-
भरि जाम ॥ करत जोगी जन जाको ध्यान,
होय जग जीवन को कल्याण । बसै देवीसहाय
वा ठाम, करै प्रभु पूरन मोर काम ॥ १०१ ॥

॥ हुमरी खम्माच ॥

मैं मन मूढ़ तोही समुभायो ॥ टेक ॥ तू खल कूर
कुटिल कायर अति करत आप मन भायो ॥
जन्म अनेक विषय विलास करि तापै तूं न
अघायो । सो वासना मिटी नहि तेरी त्रिजग
योनि फिर आयो ॥ तब अति शोच पोच उर
तेरे दारुन ताप तपायो । हम प्रभु नाम लेत
जग देख्यो सुन्दर नरतन पायो ॥ देवीसहाय
सुलभ मारग यह श्री गुरु देव बतायो । अब

तो बसु गौरीश चरण में अचल सुथान
सुहायो ॥१०२॥

॥ भैरवी खेमटा ॥

मनभावे हमें काशी की गली, विश्वनाथ
पद पूजा भली ॥ टेक ॥ स्वांस २ पर शिव
दरसन जहाँ, सिद्ध बिराजें थली थली । भैरव-
काल करत कोतवाली, पाप ताप करि डारै
मली ॥ शोभा सदन मदन छवि वारों, जहाँ बसै
हिमवान लली । देवीसहाय धन्य आनन्दवन,
जहँ जमकी कछु नाहिं चली ॥ १०३ ॥

॥ भैरवी खेमटा ॥

छल छाड़ो करो मन मेरी कही. शिव शिव
सुमिरो सार यही ॥ टेक ॥ आनन्दवन जन
जानि बसै हैं, भवबन्धन छुटि जावै सही ॥
सुरसरि सिद्ध समाज बसै जहाँ, शुद्ध बुद्धि है
जावै तही । देवी सहाय सकल सुख सन्मुख
विश्वनाथ मेरी बहियाँ गही ॥ १०४ ॥

॥ खेमटा की भैरवी ॥

* मान लीजै हमारी पूजा ॥ टेक ॥ चन्दन
धूप दीप तुलसीदल बेलपत्र के कुजा ॥ ममता
मोह विवस मतवारो ताते तुम्हें नहि बूझा ।
जापर कृपा कटाक्ष करत तुम ताही को कछु
सूझा ॥ जन्म जन्म के पाप कटत सब शिव
पद पङ्कज छूजा । देवीसहाय कहत सब सों
यह शिव सम देव न दूजा ॥ १०५ ॥

॥ खेमटा की भैरवी ॥

भोले बाबा बसो मोरी नगरी ॥ टेक ॥ तुमरे
बयल को मेवा खियैहौं तुम को पियैहौं भांग
भरि गगरी ॥ जे गिरजापति जानत नाही
तिनके धरम करम गए विगरी । देवीस-

* दोहा-सदा जात अधरान में, जानि समय स्वच्छन्द
दशन हित गोरुर्ण दे, संग शिष्य शुचि वृन्द ॥ १ ॥ पूर्व मह-
न्त पधारिगो, भयो नवल इक मन्द ॥ इपां करि महरोज सा,
दियो कुलुफ करि बन्द ॥ २ ॥ तिहि औसर गायो भजन, हंसि
यद देवीसहाय ॥ सुनतहि निज दरसों दियो, हुलुफ महेश
गिराय ॥ ३ ॥

हाय मगन निशिवासर शिव शिव जपत पग
पगरी ॥ १०६ ॥

॥ रागिनी धमार ॥

शंकरही को भारी भरोसो ॥ टेक ॥ श्रुति
सिद्धान्त सार यह मोसों बार बार गुरुदेव
कहोसो । उनहीं को ध्यावत जस गावत
उनहि को नाम जपत खरोसो ॥ काम क्रोध
खल पास न आवत पाप ताप सब जात जरो
सो । देवीसहाय मगन निशिवासरशिव सुमिरत
मनहोत हरोसो ॥ १०७ ॥

॥ धमार ॥

अब शिव सुमिर उमिर जग थोरी ॥ टे० ॥
बिना शिवनाम ज्ञान नहिं है है जतन करो मन
लाख करोरी । जाको बेद नमत निस वासर
सो महेश दूजो जग कोरी ॥ तन मन से
गौरीश भजन कर यम यातना मिटे सठ तोरी ।

देवीसहाय सुयश शङ्कर को सबसों कहत
निहोर निहोरी ॥ १०८ ॥

॥ वहार ॥

शिव सुमिरे न बयस बिहाय गई । नर
तन को पाय तोपै कछु न भई ॥ विषइनके
साथ विष बेल बई । परनारि निहारत मोह भई ॥
जब जरा जोर कर घेर रही । तृष्णा भई तरुण
नचाय रही ॥ देवीसहाय गुरुदेव दर्ई । शिव के
पद पंक्रज प्रीत नई ॥ १०९ ॥

॥ भैरवी ॥

संकट मोचन नाम तुम्हारो, बेगि हरो
दारुण दुखभारो । अब विलम्ब कीजै नहि
शङ्कर किंकर कर कपूत पुकारो ॥ निज जन
दुखित देखि करुणानिधि पाप पहाड़ पकरि
कि न टारो । देवीसहाय दास अपने को खोलि
पलक छिन में निखारो ॥ ११० ॥

॥ गजल ॥

शिव नाम होय लिया नहीं बरबाद जन्म
 किया । सतसंग सुधा विहाय तूं विष धाय
 धाय पिया ॥ गो बांध के राखी नही गणि-
 कों को दान दिया । द्विज देवता पूजे नहीं धन देखि
 देखि जिया ॥ धन धाम सकल अराम ये
 सब छूट जायगे यहाँ । तन तूल सम जर जा-
 यगा देखे खड़ी प्रिया ॥ यह देह देवालय समु-
 ऋ शिव जीव देव पिया । देवीसहाय लखो
 सदा कर शुद्ध बुद्ध हिया ॥ १११ ॥

॥ गजल ॥

वाराणसी के बासकी ल्यारी करा भली ।
 चिन्ता कगे उस कालकी वो है बड़ा बली ॥
 परिवार बाग अनूप हैं छोटी बड़ी कली ।
 आवे अचानक काल जब काहूकी ना चली ॥
 सुरलोक से सुन्दर सदन देखो भला भली ।
 शिव देह धर बिचरै वहां व्है है मिला मिली ॥

देवीसहाय बिनोद विद्या होत थली थली । काशी
पुरी में जाय शिव दूँदों गली गली ॥ ११२ ॥

॥ गजल ॥

दुख दूर कीन्हे साँव सब काशी बसायके ।
बहु जन्म जन्मों के मेरे पातक नसाय के ॥
हम दरस के लोभी दरस दीन्हे बुलाय के ।
आनंद वनबासी हमें दीन्हे मिलाय के ॥
शिवको सुजस बुधबेद सब कहते हैं गाय के ।
हम दास हैं तेरे रहे आशा लगाय के ॥ देवी-
सहाय हमेश शिव सेवक कहाय के । संसार
सागर से हमे लीन्हे बचायके ॥ ११३ ॥

॥ गजल ॥

गौरीश को सुमिरन करो करजोर जोर
निहोर । त्रैताप आपहिं जायगे सुख होयगो
चहुँ ओर ॥ संसार सागर देख तूँ याको नहीं
कहिं छोर । प्रभु पारं आप लगाय है सब कर्म
बन्धन तोर ॥ सतसंग को सेवो तजो तृष्णा

तरंग करोर । इनसे सरै कछु काज नहिं शिव
ध्यान करो नित भोर ॥ देवीसहाय लगी रहै
शिवभक्ति में मन मोर । अब दीनबन्धु दया-
करो चितवो कृपार्की कोर ॥ ११४ ॥

॥ गजल ॥

हम तो उमा महेश के दासों के दास हैं ॥
॥ टे० ॥ शिव शिव करै सुमिरन सदा हिय में
हुलास हैं । हमको छुटावेंगे वही हमको तो
आस हैं ॥ शिव नाम के लीन्हे सकल पापों के
नास हैं । दरसन हमे देते नहीं रहते तो पास हैं ॥
देवीसहाय सकल जगत् शिवको प्रकाश हैं ।
जबध्यान कर देखूँ तो उर अन्तर निवास हैं ११५

॥ गजल ॥

हमको उमा महेश जी दरशन दिया करै ।
निज दास की आशा सदा पूरण किया करै ॥
करपूर गौर स्वरूप उर अन्तर रहा करै । पर
लोक को साधन सदा मोसों कहा करै ॥ पद

कंज मंजु महेश के मन में बसा करै । तिन
को मिलै शिवधाम जे तन् मन् कसा करै ॥
देवी सहाय हमेश जे शिव शिव जपा करै ।
जगजोनि से छुटिजायँ वे शम्भु कृपा करै ११६

॥ गजल गंगाजी की ॥

सोहै सुधा से सौगुनी गंगे तुम्हारी धार ॥
तुम ब्रह्मरूप सनातनी हौ सत्य को अवतार ॥
धारा धुकारे धूम सुन जमपुर मिटी पुकार ।
पापी चले सुरलोक को दिये नर्क से निवार ॥
रज रेणुका लैलै पवन पावन कियो संसार ।
जप जोग सब करने लगे भये पुण्यके संचार ॥
बहु तनय सगर नरेश के द्विज दोष तें भये
छार । तिनको दिया शिव लोक तुम कैलाश
बास बिहार ॥ जे पाप रूप पहाड़ थे तिनको
दिया तुम टार । तेरे किनारे मोक्षका लागा
रहे बजार ॥ देवी सहाय भयो शरण ताको
करो निस्तार । गौरीश को दर्शन मिलै वर दे-

हु मात विचार ॥ ११७ ॥

॥ गजल गंगाजी की ।

शोभा सदा देखा कारों गंगे तुम्हारे तीर ।
 तुम बेदसार सुधामई धीवों तुम्हागे नीर ॥
 नित प्रातकाल लगी रहै तेर किनारे भीर ।
 कोई धूप दे पूजे तुम्हें कोई चढ़ावे चीर ॥
 जब दूरसे देखा तुम्हें सुरधेनु को क्या छीर ।
 तेरे किनारे रेणुका मणिजाल मानो हीर ॥
 देवीसहाय नहाय के निर्मल कियो शरीर ।
 काशी बसावो मातु तुम मेठो हमारी पीर ॥११८॥

॥ गजल ॥

गंगे तेरी तरंग में है ब्रह्म का निवास ।
 तुम आदि शक्ति स्वरूप हौ रहती सदा शिव
 पास ॥ तेरे किनारे जो करें जप जोग पूजा
 न्यास । तिनको सराहैं देवता जे हो रहे तुव
 दास ॥ अघ ओघ में लिपटे हुवे ताको
 तिहारी आस । ऐसे पतित पावन किये तिन

को दियो कैलास ॥ देवी सहाय नहायके हिय
में भयो हुलास ॥ ११६ ॥

॥ गजल ॥

गंगे गरीबों पर करो नित गौर और
सहाय । बहु जन्म के अघ ओघ जे तुम
मातु देहु बहाय ॥ जे जान जन अपने ति-
न्हे नित दरस देत बुलाय । पीवे तुम्हारा नीर
ते तन तेज पुंज दिखाय ॥ बहु दास आस
लगाय तन त्यागे किनारे आय । नन्दी विमान
चढ़ाय के निजपुर दियो पहुंचाय ॥ देवी-
सहाय को देहु बर वारानसीको जाय । गीरीश
को सुमिरन करे नित प्रेम प्रीत लगाय ॥ १२० ॥

॥ पद गंगा जी के ॥

गंगे भले गरीब निवाजे ॥ टेक ॥ तेरे दरस
परस मञ्जन तें पाप आप तें भाजे । तेरे तीरे
जीव तन त्यागे सुर पुर जाय बिराजे ॥ जे नर
नीर नेम सों पीवत रोग रहित तन

ताजे। देवीसहाय भजत निसबासर भक्ति भाव
के काजे ॥ १२१ ॥

॥ पद ॥

गंगे तुम समान कोउ नाहीं ॥ टेक ॥ तेर
दरस दूर से देखत पाप पहाड़ बिलाहीं । करि
प्रणाम मज्जत तन तुम में सब तीरथ मिलि-
जाहीं ॥ गं० ॥ शेष सुरेश धनेशहु ध्यावत नाम
जपत हरखाहीं । देवीसहाय बसै आनँदवन यह
आसा मन माहीं ॥ १२२ ॥

॥ पद गंगाजी का ॥

गङ्गे तुम्हें भजैं ते नीके ॥ टेक ॥ दरसन से
दुख दूर होत है पाप कटै जल पीके । तेऊ तुम्है
सराहत जननी जे करें पान अभीके ॥ उठि
प्रभात सुरसरि पद सुमिरत सुजस होय तिनही
के । देवीसहाय यहै बरे मांगत दास देहु
शिवजी के ॥ १२३ ॥

॥ रागिनी चंचरीक ॥

जै जै जग जननि मातु मेठो संताप पाप,
 करो दया दीन जानि त्रिपुर सुन्दरी । ध्यावौं
 तुव चरण कमल, हृदय करो अमल विमल,
 देहु निज प्रसाद हिय हुलास होयरी ॥ तेरो
 जगमें प्रकाश, सुर नर मुनि करत आस, तेरी
 शक्ति पाय शेष सीस महि धरी । मघवा
 मिरदंग थाप, निरत करत रमा आप, गावत
 देवीसहाय राजशङ्करी ॥ १२४ ॥

॥ छन्द चंचरीक ॥

ऐहो जगदंब अम्ब, अब ना कीजै विलम्ब करो
 दया दरस दे गिरीशनंदनी ॥ शुम्भ औ निशुम्भ
 मारि महिषासुर उदर फारि, रक्तबीज चाबि चण्ड
 मुण्डखंडिनी । तेरो जग है स्वरूप, तूही शची
 रमा रूप, तूही आधार शक्ति जक्तवंदिनी ॥
 सुरहित अवतार धार हरो सकल भूमि भार,
 काशीवास दीजै शिव बाम अंगिनी । देवीसहाय,

सदा सेवक तेरो कहाय, बेगि विपति हरो चन्द्र
मौलि पोषनी ॥

॥ चाल होली की ॥

शिवपद प्रीतलगाई । राह गुरुदेव बताई ॥
पूजौ देव देवतन करिके शील सनेह बढ़ाई ।
काम क्रोधको करहु कलेवा, तषणा तरुण जराई ॥
भस्म तन लेहु रमाई । शिव० ॥ प्रेमनीर
नहवाय नाथको भावकि भस्म लगाई । फि-
किके फूल चढ़ाय सीस पर, धरमकि धूप दि-
खाई ॥ ज्ञानदीपक देहु जगाई । शिव० ॥ मन
मालामे समाय किए जप पाप पुरातन जाई ।
यह नर देह देवालय शिवको, तहां बसत नित
आई ॥ दासको देत दिखाई ॥ शिव० ॥ देवीसहाय
जोग जपके फल शिवहि समर्पि सिहाई । आशा
अतर लगाय गाय यश, पखो चरण अकुलाई ।
लियो तव प्रभु अपनाई ॥ शिव० ॥ १२६ ॥

॥ होली महादेवजी की ॥

आनँदवन जाऊँ, तहाँ सुख धूम मचाऊँ ॥
 मणिकर्णिका घाट के ऊपर नित उठ गङ्गा
 नहाऊँ । गुरुपद बंदि पूजि गिरिजा सुत, तारक
 नाथ मनाऊँ ॥ मन्त्रा सोइ निस दिन गाऊँ ॥
 आनँ० ॥ वेद पुराण बखानत महिमा तुव पुर
 पुन्य प्रभाऊँ । ज्ञान विराग ज्ञानवापी जल,
 शुद्ध मोक्षको ठाऊँ ॥ तहाँ कलि मल हि वहाऊँ
 आनँ० ॥ भक्ति अवीर प्रेमको रँग ले बीथिन में
 बरसाऊँ । विश्वनाथको पूज बिबिधिविधि, चरन
 कमल मन लाऊँ ॥ उमापति हृदय बसाऊँ ।
 आनँद० ॥ देवीसहाय कहावत तुमरो शिव
 सेवक सतभाऊँ । भीतर बाहर तुम निरखत हो,
 तुमसों कहा दुराऊँ ॥ उहाँ भव भेषज पाऊँ ।
 आनँद० ॥ १२७ ॥

॥ होली की चाल ॥

शिव सुमिरन जिन जाना, सोइ तन ब्रह्म

समाना ॥ साठ सहस्र वर्ष तप कीन्हो नारायण
 भगवाना । ह्व प्रसन्न शङ्कर वर दीन्हो, जगपालन
 को ज्ञाना ॥ होहु सबसे बलवाना ॥ शिव० ॥
 रावण भक्त भयो शंकरको तासु सुयश जंग
 जाना । चौसठ चतुर जुगी सुख भोग्यो, मन्थो
 रामके बाना ॥ गयो सुरपुर दैताना ॥ शिव० ॥ भारी
 भाग भरथरी को जिन तज्यो राज मद माना ।
 त्याग्यो भोग जोग चित दीन्हो, भयो विमल
 उरज्ञाना ॥ सदा शिवपद रतिमाना ॥ शिव० ॥ देखी
 सहाय दास अपनेको आनँदवनहि बसाना ।
 तारक मंत्र सुनाय श्रवण में, आवागमन
 मिटाना ॥ मिले नंदी सो विमाना ॥ शिव० ॥ १२८ ॥

॥ होली ॥

यह तनते नहि जाना, मिले जामे भग-
 वाना ॥ बहुतक जन्म करम वश बीते मिला
 न तोहि ठिकाना । सत संगतको स्वाद न
 जान्यो, पर नारिन में लुभाना ॥ फिस्त ज्यों

श्वान भुलाना । यह० ॥ अंतर वेद वेद अस
 भाखत कर्म क्षेत्र शुभ थाना । तहां दर्ई दिज
 देह दयानिधि, सुरसरि नित्य नहाना ॥ नहीं
 बनि आवत ध्याना । यह०॥ योगी योग ध्यान
 करि देखत ज्ञानी सबहि समाना । भक्ति भाव
 बस प्रभु उर आवत, प्रेम में प्रगट दिखाना ॥
 करै श्रुति सन्त बखाना । यह० ॥ देविसहाय
 दास अपने को देहु नाथ बरदाना । आनँद-
 बन वीथिन में डोलों, तजौं मान अपमाना ॥
 करौं शभु गुणगाना । यह० ॥ १२९॥

॥ चाल होली की ॥

शिव सुमिरन नहिं जाना । किये मन बहुत
 बहाना ॥ गर्भ बासमें बहुत जनमकी सुधि
 करि अति पछिताना । करिहौं धरम कर्म
 जग सोई, जासों होय उर ग्याना ॥ आय
 माया में भुलाना । शिव० ॥ खेले ख्याल बाल
 लीला करि भूँख प्यास पहिचाना । तरुण भए

तरुणी रसमाते, काम कलामे समाना ॥ नारि
के नेह बिकाना । शिव० ॥ भये सपेद केस तन
निखल जरा कियो उर थाना । तृष्णा अति
बलवान भई तब, कूँचके बजत निशाना ॥
नयन जब नेक दिखाना ॥ शिव० ॥ देवीसहाय
कहत कर जोरे लघुकिंकर अज्ञाना । अपनो
जानि दयानिधि स्वामी, करौ हीये-में थाना ॥
हरौ ममता अभिमाना । शिव० ॥ १३० ॥

॥ चाल होली की ॥

• उन्हीं सों सनेह लगायो ॥ जाकी जोति
अपार जगत में अलख पुरख करि गायो ।
सो महेश संतन हितकारण, सगुण स्वरूप
बनायो नाथ गिरिजाको कहायो ॥ उन० ॥
ब्रह्मादिक गाँवत यश जाको बेदन बिरदसुना-
यो । कमलापति नित सहस्र कमल से शिवपद
पङ्कज ध्यायो ॥ दियो बर चक्र सुहायो । उन० ॥
सागर सम स्याही कर सुन्दर सुरतरु कलम

बनायो । शिवको सुयश लिखन को सारद.
 पृथ्वीसो पत्र बनायो ॥ पार उनहूँ नहि
 पायो । उन० ॥ देवीसहाय शिवा शिव सुमि-
 रत जिन सब जन्म बितायो । तिनके अन्त
 कालपर शङ्कर, विमल ज्ञान दरसायो ॥ मोक्ष
 को धाम बतायो । उनही सों० ॥ १३१ ॥

॥ होली ॥

आनंदवन वसिहों जाई ॥ विश्वनाथ जहँ
 तात हमारे अन्नपूरणा माई । भैरव दुंढिराज
 दोऊ भैया, रहिहौ चरण चितलाई ॥ होय मोहि
 सुख अधिकारि । आनँ० ॥ शेष गनेश बखानत
 महिमा तुव पुरकी प्रभुताई । कीट पतंग देह
 जे त्यागें, मोक्ष होत श्रुति गाई ॥ जीव को
 सुख अधिकारि । आनँ० ॥ करिहौ चरण कमल
 की सेवा गिरिजापति की जाई । जामें होय
 विमल चित मेरो, सो प्रभुकरो सहाई ॥ कसक
 जियकी मिटिजाई । आनँ० ॥ यह परिवार ति-

हारो स्वामी अभय करो अपनाई । देवीसहाय
यहै वर माँगत, जासों मिटै दुचिताई ॥ सकल
कलिमल नसिजाई । आनँद० ॥ १३२ ॥

॥ होली ॥

गिरिजोपति मो मन भायो ॥ द्वादश दल
को कमल हृदयमें तहँ निज रूप दिखायो ।
असरन सरन वेद जेहि गावैं, भक्ति प्रेमवस
आयो ॥ देखि उर आनँदछायो । गिरि० ॥ वाम
अङ्ग गिरिराज पियारी आप विभूति रमायो ।
तीन नयन सिर गङ्ग मुकुट लखि, चंद्रभाल
भलकायो ॥ जुगल चरणनसिरनायो ॥ गिरि० ॥
कुण्डल तरल गरल की शोभा मरकत मणिहि
लजायो । पंच वदन अरु चार भुजा जाके,
सो घट भीतर पायो ॥ सकल भ्रम मोह
मिटायो । गिरि० ॥ देवी सहाय भ्रम्यो बहुजग
में उन्हें कहीं नहि पायो । मन थिर करि प्रभु
पदरति मानी, आपमे आप दिखायो ॥ जन्म

अरु मरण मिटायो ॥ गिरिजा० ॥ १३३ ॥

॥ होली भगवती की ॥

जै जै जै गिरजा महारानी ॥ स्वाहा स्वधा
स्वरूप तूँही हौ तूँही रमा ब्रह्माणी । तेरोइ
ध्यान धरत सुर नर मुनि, आदि शक्ति जिय
जानी ॥ सदा शंभू सनमानी ॥ जै जै० ॥ हिम
पुर बालबिनोद करत तुम तहँ सुर अस्तुति ठा-
नी । अभय किये सब देव दया करि, प्रगटी कला
भवानी ॥ बधो महिषासुर दानी ॥ जै जै० ॥
मङ्गल करनि अमङ्गल हरणी करणी कविन
बखानी । वेद पुगन मंत्र जंत्रन में, तूही आप
समानी ॥ तोहि जानै ते ज्ञानी ॥ जै जै० ॥
देबी सहाय भजत जस तेरो धरौ सीस निज
पानी । अपनो जानि दया करि देखो, देहु विमल
बर बानी ॥ मोहि अपनो सुत जानी ॥ जै जै
जै० ॥ १३४ ॥

॥ होली ॥

पियके सँग खेलिले होरो ॥ साधन रंग प्रेम
 पिचकारी ज्ञान गुलाल मलोरी । तृष्णा तेल
 जरायके काजर, निज नैनन में दयोरी ॥
 लयो संतोष बटोरी । प्रिय० ॥ पांचो मोत प्रीत
 अतिराखैं तिन हित भवन बनोरी । नवोद्धार
 तहँ देव विराजत, दसयोंद्वार पिय कोरी ॥
 जाहि लखि काल डरोरी । पिय० ॥ सोहंनाद
 बजत निसवासर निरत करत मति मोरी । ध्यान
 धमार रिभाय पियाको, बिनती करत करजोरी ॥
 किये मनको इक ठोरी ॥ पिय० ॥ देवीसहाय
 सकल जग झूठो इन्द्रजाल समझोरी । सतचित्त
 है महेश त्रिभुवनपति, ताही को नाम जपोरी ॥
 यहै गुरुदेव कह्योरी ॥ पिय० ॥ १३५ ॥

॥ होरी ॥

गिरिजा शिव देत दिखाई ॥ हाट बाट घर
 बाहर तनमें रहे सकल प्रभु छ्वाई । नेम प्रेम शिव

हेत करत जे, तिनको परत लखाई ॥ यहै श्रुति
संमति भाई ॥ गिरि० ॥ बाय अङ्ग गिरिांज
पियारी शांभा बरणि न जाई । सचो रमा दोउ
पांन खवावत, देव बधू सब आई ॥ करत पूजा
मन लाई ॥ गिरि० ॥ गौर शरीर विभूति चंद्र
छवि गङ्ग जटा छहराई । कुंडल झलक कपो-
लन पै दुति, नासा सुभग सुहाई ॥ देखि
मन रह्यो लुभाई ॥ गिरि० ॥ देवी सहाय उमापति
आगे राग रागिनी आई । लेकर बीन बजावत
गावत, भक्ति प्रेमदरसाई ॥ मैंहूँ चरणन रज-
पाई ॥ गिरिजा० ॥ १३६ ॥

॥ होरी ॥

गिरिजा शिव की बलि जैहों ॥ मनबुधि
चित्त समेटि पकरि के शिवचरणन में लगैहों ।
तब व्हे है अनुराग हृदय में, सुख समूह में
पैहों ॥ सदा शरणागत रहैहों ॥ गिरि० ॥ सुनि-
हों जहँ शिव भक्त होय कोउ तुरन तहां चलि

जैहों । जन्म अनेक जमनिका जियकी नाम
 से धोय बहैहों ॥ सकल भ्रम मोह मिटैहों ॥
 गिरी० ॥ रैहों प्रेम मगन निसवासर विमल विमल
 गुनगोहों । है है विमल हृदै जब मेरो, मणि
 मय वसन बिछैहों ॥ तहाँ गौरीश बसैहों ॥
 गिरि० ॥ देवी सहाय भक्तिवर लैके शिवजी
 के हाथ बिकैहों । सेवक जानि दरश मोहि दी-
 हैं, तब सब सोच नसैहों ॥ फेर जग जन्म न
 पैहों ॥ गिरि० ॥ १३७ ॥

॥ होली ॥

शिव कै सरनागत रैहों ॥ मोद मृदङ्ग तमूर
 तनको स्वांस सितार बजैहों । गैहों नाम शिवा
 शिवको नित, सुरति की सुरति बनैहों ॥ तुस्त
 त्रिकूटि पै बसैहों ॥ शिव० ॥ हृदय उमंग रंग
 केसर को आसा अतर लगैहों । अबी गुलाल
 सनेह सीलको; उनही पै बरसैहों ॥ और न
 कहूं चलि जैहों ॥ शिव० ॥ शिवपद में अनु-

राम फाग में निज मति ताही नचैहों । रँग
भीने पग निरखि पियाके, मन मधुकर को
लगैहों ॥ उतर भवसागर जैहों ॥ शिव० ॥
देवीसहाय जोग जप के फल शिवहि समर्पि
सिहैहों । पाप जराय कीच कारी करि, हर
विमुखन के लगैहों ॥ दास शङ्कर को कहैहों ॥
शिवको० ॥ १३८ ॥

॥ होरी ॥

साँवरो मथुरा जब आयो ॥ ग्वालवाँल सब
सङ्ग सखा लिये वदलाऊ को बुलायो । देखन
चहन नगर की शोभा, सबको मन हुलसायो ॥
चलन गणराज मनायो ॥ साँव० ॥ रजकरह्यो
जो कंस राय को सो मारग में पायो । वाने
अरुणनयन क्रिये प्रभुसों, जमपुर मारि पठायो
संसय मन नेकन लायो ॥ साँव० ॥ वसन बि-
चित्र दिये प्रभु सब को जो जाके मन भायो ।
मधु मंगल तब रामकृष्ण को, नील पीत पहि-

रायो ॥ जरी पटुका बंधवायो ॥ साँव० ॥ तब
 लागि आय कूबरी चंदनसों अतर मुगंध लगा-
 यो । हसि मुसुकाय पकरिकर ताको, दाविचरन
 भटकायो ॥ तुरत सुंदर तन पायो ॥ साँव० ॥
 प्रेम मगन विनय अनेक करि राजकाज विस-
 रायो । ताकी भक्ति देखि नंदनंदन, वर दीन्हों
 मन भायो ॥ तुरत संकेन बतायो । साँव० ॥
 घग्घर खबर भई मधुपुर में नंद सुवन दोउ आ-
 यो । जो जैसे तैसे उठि धायो, गेहकाज विस-
 रायो ॥ लाभ नयनन को पायो । साँव० ॥ देखि
 रूप सब मगन भये यों मनहु रंक धन पायो ।
 भई प्रसन्न सकल ब्रज बनिता, सुख समूह उप-
 जायो ॥ प्रेम नयनन जल छायो । साँव० ॥
 देवी सहाय उमा महेश दोउ कृष्ण रामकरि गा-
 यो । ऐसो रूप बिलास रहस हित, गौरीनाथ
 बनायो ॥ सकल ब्रज सोच मिटायो ॥ साँव-
 रोम० ॥ १३६ ॥

॥ चाल होली की ॥

शिवसे जो सनेह लगावै ॥ उठि प्रभात
 गुरुवरन सुमिरिके दल सहस्र मन लावै । दम
 वस राखि करै प्रभु पूजन, सोई शिव भक्त
 कहावै ॥ दरस घट भीतर पावै ॥ शिव० ॥ दृढ़
 विश्वास होय उर तवही सत संगत जेहि भावै ।
 गावै नाम उमा शिव को नित, आनद उमंग
 बढ़ावै ॥ आप शीकै औ रिक्कावै ॥ शिव० ॥ क-
 पटी कुटिल कुकर्म निरत जे इनको देखि बरावै ।
 सज्जन सङ्ग रहै निसवासर, प्रेम नीर बरसावै ॥
 आप पीवे औ पियावै । शिव० ॥ देवीसहाय
 नामकी नौका भवसागर में तरावै । ज्ञान विराग
 केवट दोउ सुन्दर, प्रीति पवन सो बहावै ॥ फेर
 जग जन्म न पावै । शिवसे० ॥ १४० ॥

॥ होली ॥

मन मेरे मूढ तैने शिव सनेह नहि जाना ॥
 बालापन सब खेल गमायो बैसही नादाना ॥

तरुण भए तरुणी संग मोहे भूल गयो उर
 ज्ञाना ॥ मन० ॥ वृद्धापन तन कंपन लागो
 देह रही नहि ताना । तृष्णा अति बलवान
 भई तब, कूँच के वजत निसाना ॥ मन० ॥
 मधुमाखी समान जग लिपटो छन सुख देखि
 भुलाना । नरतन दियो करम सुरभक्तहित, आप
 उलटि उभाना ॥ मन० ॥ देवीसहाय उमापति
 को जम करत निरन्तर गाना । उठि प्रभात
 हियमाहि निहारत चरण कमल को ध्याना ॥
 मन मेरे० ॥ १४१ ॥

॥ होली ॥

शिवसों न सनेह लगायो ॥ गर्भवास में
 जठर अग्नि से जो प्रभु तोहि बचायो । ताको
 नाम भूलिगयो पामर, निमक हराम कहा-
 यो ॥ बृथा जननी जग जायो ॥ शिव० ॥
 करम मलीन करत निसि बासर सत संगत
 विसरायो । गायो सठ परनार निरखि के,

लम्पट नाम धरायो ॥ मूढ़ मन लाज न लायो
 ॥ शिव० ॥ केते पतिन पवित्र किये शिव
 जाय अमर पद पायो । तिनहुँसे मोहि अधम
 जानिके, दीनबन्धु बिसरायो ॥ दरस चरण
 को न पायो ॥ शिव० ॥ देवीसहाय उमा-
 पति पदगहि चूकमाफ़ करवायो । प्रेम मगन
 शरीर सुध नाही, तब गिरजा समुभायो ॥
 जानि निज जन अपनायो ॥ शिव० ॥ १४२ ॥

॥ चाल भंभौटी की होली ॥

शिव शिव सुमिरन की मेरे उर में पडी
 हयवान ॥ टेक ॥ सोवत जगत धरत धरणी
 पग सुमिरत शिव, भगवान । उन्हीं मोहि
 जनम जग दीन्हो उन्हीं सोपहिचान ॥ शिव० ॥
 पूजन भजन करत उन्हीं को उन्हीं को सन
 मान । सुनत प्रभाव सदाशंकर को सफल
 भयो तन जान ॥ शिव० ॥ उन्हीं को नाम
 निरन्तर लीन्हें होत सकल अघहान । प्रेम

विवश आवत उर अंतर गाय सुनावत तान
॥शिव० ॥ उनकी कृपा कटाक्ष कियेते होत
विमल उर ज्ञान । देवीसहाय सुखी सोई
जगमें करत सदा शिवध्यान ॥शिव० ॥ १४३ ॥

॥ होली भंभौटी ॥

शिवसों सनेहो किय मैंने मुक्ति पदारथ
हेत ॥ टेक० ॥ तरुण उमर मुखरेख उठत
कछु मन हरिलीन्हेलेत । व्याल कपाल माल
मुंडन की चन्द्रमाल छविदेत ॥ शिव० ॥ गौर
शरीर विभूत विराजत नीलकंठ तने श्वेत ।
देवी सहाय उमापति मेरे हिय में कियो है
निकेत ॥ शिवसो० ॥ १४४ ॥

॥ रागिनी धमार ॥

शिवशिव सुभिरत सब दुख जाहीं, सोइ
मेरे वान परी उरमाहीं ॥ टेक० ॥ बेद पुराण
भनत जस जाको, सो गौरीपति आप दिखाहीं ।
नाम सुधारस पीवत जे नर, तिनके पाप समूह

नसाहीं ॥ शेष सुरेश धनेशहु धावत, नाम ज-
पत मुनिमन हरखाहीं । देवीसहाय शिवाशिव
सुमिरत, भवसागर विनुश्रम तरि जाहीं ॥ १४५ ॥

॥ धमार ॥

शिव शिव नामके लिये जाय जिय की
भटक । सुख होय सदा कछु रहै न अटक ॥
नित ध्यान समय पद देखों ललक , कहाँ
भूलो फिरत शिवतेरे निकट ॥ सुनि पाप ताप
सब जै हैं सटक । यमलोक शोक की रहैना
खटक ॥ देवीसहाय मुख ताही के भलक ।
जाकोनाम न बिसरत एक पलक ॥ १४६ ॥

॥ चाल डफ की होली ॥

मेरी तोहे लाज बैलवाला ॥ टेक० । और
नको धन धाम देत हौ आद दिगंबर मृग-
छाला । कालकूट ज्वर जरत सुरासुर जग
हित पीयो विषप्याला ॥ गौशरीर विभूति
विराजै गरल कंठ सोहै काला । मुनिमन् मधुप

ससै जामे नित चरनकमल नख दुति लाला ॥
गंग तरंग चंद्र की शोभा नयन तीसरे में
ज्वाला । देवि सहाय सदा जस गावो करै
कृपा डमरू वाला ॥ १४७ ॥

॥ होली डफ की ॥

गौरी शिव सुमरो होरीमें ॥ टेक० ॥ घर
घर से सेवक सब आए लै गुलाल भर भोरी
में । होरिगावै शिवहि रिभावै धाय मलत मुख
रोरीमें ॥ जो गिरिजापति जानत नाही पकर
जैहैं चोरी में । देवी सहाय सुयश शङ्कर को
सबसो कहत निहोरी में ॥ १४८ ॥

॥ होसी झंझोटी की ॥

होरी देह धरे मानो गोकर्णेश्वर द्वार
टेक ॥ चहुँदिससे सेवक सब धाये आये
प्रभु दरवार । बरसत अवीर कुमकुमा केसर
रंगकी परत फुहार ॥ होरी० ॥ बाजत ताल
मृदंग तमूरा बीणा और सितार । देवधू सब

देखन आईं मोहि गए सुरभार ॥होरी०॥ भूत
नाथ भैरोगण भृंगी सबको करत सहाँर ।
देवी सहाय सखासंग लीन्हे अब चितवे ।
त्रिपुरार ॥ होरी देह० ॥ १४९ ॥

॥ राग होली ॥

अब न छुटै शिव प्रीति तुम्हारी ॥ टेक॥
सोवत जगत धरत धरणी पग तुम हिय रहत
निहारी । तुम्हरो ज्ञान ध्यान प्रभु तुम्हरो
तुमही सदा हितकारी ॥ बेगि सुधि लेत हमारी
॥ अब० ॥ गर्भवास में मोहि मिलेथे अश्व
लात जबमारी । जननी दुखित देखि करुणा-
निधि, छिन में बिथा निवारी ॥ किये पितु
मातु सुखारी ॥अब०॥ जिनके भक्ति भाव नहि
तनमें ते निन्दक व्यभिचारी । बेद पुराण कानि
नहीं मानत, गुरुपद प्रीति विसारी । होत
बहु जन्म दुखारी ॥ अब० ॥ देवीसहाय असी
वरुणाविच जहां बसत श्रुतिचारी । तहां बास

दै देहु दया निधि, तुव जस कहीं पुकारी ॥
अरज सुनिये त्रिपुरारी ॥ अवनछूटै० ॥ १५० ॥

॥ होरो गंगाजीकी ॥

गंगे तरंग निहागी, देखिभय भाजन भरी
॥टेका॥ निशि दिन शिवके सीस विराजत
सुधा सरिस बरवारी । शीतल किये अंग सब
शिवके, जहर लहर निरवारी ॥ सदा गौरीश
पियागी ॥ गंगे० ॥ तेरी धार धूम सुनि जननी
भाजे पाप पुकारी । पतित प्रमत्त पवित्र किये
तुम, दिये सगरसुत तारी ॥ मात द्विज दोषनि-
वारी ॥ गंगे० ॥ तेरे तीर आय खगपति ने व्या
ल भख्यो विष धारी । ताको रूप चतुर्भुज
हैके, उनहि पै करी सवारी ॥ भयो बैकुण्ठ
विहारी ॥ गंगे० ॥ देवीसहाय दास अपने को
भवसागर से उवारी । आनंद बन वीथिन में
डोलों, यह वर देहु विचारी ॥ मिलै मोकों
त्रिपुरारी ॥ गंगे तरंग ॥ १५१ ॥

॥ होरी ॥

गंगे गरीबन केरी, लेत सुध करत न देरो
 ॥ टेक ॥ तेरे दास दरस हित आवत तेरोइ ध्या-
 न धरेरी । पगपग पर सुमिरत सुरसरिकां, मञ्ज-
 तमगन भयेरी ॥ करत नितनेह नएगी ॥ गंगे० ॥
 तेरे दरस परस मञ्जनते कोटिन पतित तरेरी
 गये अशोक लोक हरिहरके, जिन तन तीर
 तजेरी ॥ तिन्है शिव कृष्ण करेरी ॥ गंगे० ॥
 तेरी रेणु धेनु सुर तरु सम जे जन जानि
 रहेरी । तिनके पुन्य पुरातन भारी, तेरेइ चरण
 गहेरी ॥ फिरत रज सीस धरेरी ॥ गंगे० ॥ देवीस-
 हाय जनम से जननी शिवपद प्रेम पगेरी ।
 आनँदवन अपने समीप तेहि, दीजै वास
 सवेरी ॥ ऋट्टै भव बंधन बेरी ॥ गंगेगरी० ॥ १५२ ॥

॥ होरी ॥

मेरी महरानी गंगेरानी ॥ टेक ॥ निसदिन
 शिवके सीस विराजत बेदबड़ाई भानी । दारु

एतप भागीरथ कीन्हो आनि मुक्ति निसानी ॥
हरिद्वार हरिपद दसरन करि दक्ष जग्य पहि-
चानी । मुनिजन मज्जि कहन अस लागे जम
पुर गह खसानी ॥ तीरथ राज प्रयाग दरसते
हिय में अनि हुलसानी । यमुना सरस्वती
दोऊ मिलके बेनीनाम बखानी ॥ काशी पुरी
अधिक शोभा लखि वास कियो घर जानी ।
साठि हजार सगरसुत तारे सागर जाय समानी ॥
देवी सहाय-दरस को लोभी कृपा करो सुतजानी ।
कैते अधम पतित तुम तारे शारद कहत लजानी ॥
मेरी महरानी० ॥ १५५ ॥

॥ रागिनी पुरबी ॥

मेरे घर हरदम हर बैठे मैं नाहक जग दूढ़
फिरोरे ॥ टेक ॥ जौन मकान जरै नहिं डूवै ताही
में रहत प्रकाश करे रे । नाम अनन्त अजन्म
अनादी सतचित औ आनन्द भरेरे ॥ खीर
खाँड़को भोजन मांगत और मगावत दही बडे-

रे । उठि प्रभात नित मोसों माँगत भाँग पिया-
 बहु पड़े पड़े रे ॥ जपतप नेमधरम के फललै
 शिवसन्मुख हम भेट धरेरे । देवीसहाय भाव
 भव निरखत बाँधिदई शिव भक्तिगरेरे ॥१५६॥

॥ पुरवी ॥

जग अमार यह सार समुझ शिव नाम
 सजीवन मूरे ॥ टेक ॥ नामसे धाम मिले हरि
 हर को पाप होत सब दूर रे । नामसे जीव
 अचल पद पावत सुख संपति भरपूर रे ॥ कलिमें
 नाम समान कछु नहिं भक्ति ज्ञानको मूल रे ।
 ऐसे शिवपद जानि बिसारत तिनके करम की
 भूलरे ॥ परनिन्दा परनारिन हेरत तेई जगत
 में सूर रे । ऐसे संत मिले जब मोकों लैहों चरण
 की धूर रे ॥ देवीसहाय भजनके कीन्हे भाग
 भयो अति भूर रे । अब मति सोच करो मन
 मेरे शिव मिलि जैहैं जरूर रे ॥ १५७ ॥

॥ रागिनी अलैया ॥

अब शिव पार करो मोरी नैया ॥ टेक ॥
 औघट घाट अगाध महाजल बल्ली लगै न
 खिवैया । बारि बरोबर बारि रह्योहै तापर अति
 पुरवैया ॥ थरथरात कंपत हिय मेरो शिवकी देत
 दुहैया । देवीसहाय प्रभात पुकारत शिव पितु
 गिरजा मैया ॥ १५८ ॥

॥ अलैया ॥

है शिव नाम अनूपम नैया ॥ टेक ॥ जाके
 जपे मिलै सुखसंपति भवसागरकी तरैया । गुरु
 पद भक्ति मनोहर बल्ली ज्ञान विरोग खिवैया ॥
 संयम नेम सुरत की डोरी हर जनपार जवैया ।
 देवीसहाय भक्ति वर मांगत चरण कमल बलि
 जैया ॥ १५९ ॥

॥ मलार ॥

घन आवैरी रुमभूम आँनन्दबन वीथिन

बरसै । कंचन भवन महेश उमाके अति उतंग
 नभ परसैं ॥ विश्वनाथ पद पंकज पूजै पाप
 पुरातन भरसै । देवीसहाय को देहु दरस शिव
 बिन दरसन जन तरसै ॥ १६० ॥

॥ कीर्तन ॥

शिव कहो शम्भु कहो शिवापतिईश कहो
 गौरीनाथ शंकरको सुमिरत रहुरे । हर कहो
 शूली कहो मनमें महेश कहो, काशी विश्व
 नाथ कहो केते सुख लहुरे ॥ गिरिको विहारी
 कहो गंगा सीसधारी कहो, विषको अहारी
 कहो यही गाढ़े गहुरे । काशीजी को बासी
 कहो सुखको निवासी कहो, तीनों तपनासी
 अविनासी क्यों न कहुरे ॥ १६१ ॥

छंद ।

हे दीनबन्धु दयाल शंकर जानि जन

अपनाइये । भवधार पार उतार मोकों निज
समीप बसाइये ॥ जाने अजाने पाप मेरे आप
तिनहि नसाइये । करजोर जोर निहोर मागों
बेगि दरस दिखाइये ॥ देवीसहाय सुनाय शिव
को प्रेम सहित जे गावहीं । जगयोनि से छुटि
जायं ते नर सदा अति सुख पावहीं ॥ १६२ ॥

॥ दोहा ॥

बारवार विनती करों, धरौं चरण पर माथ ।
निजपद भक्ति भाव मोहि, देहु उमापतिनाथ ॥
गुरुचरणन शिरनायके, विनवत दोउ करजोर ।
शिवशङ्कर के चरणमें, लगो रहे मन मोर ॥
भजन करो भोजन करो, गावो ताल तरंग ।
निस दिन लौ लागी रहे, पारवती शिवसंग ॥

श्रीधवाजपेयीदेवीसहायजी सुतसूनुमहेशदत्तवाजपेयी विरचित

बंद ।

देवी सहाय महेश कीरति गायसुरतरु सम
 कही । थिखुद्धि करि उर राखि शंकर प्रेमसौं
 पढ़िहैं सही ॥ जो शान्तचित हरचरण रत बुध
 मोक्ष फल सुखसों लही । सुनि चित्रगुप्त समो-
 दताके कर्म की फरिहैं वही ॥ ५ ॥ पुनिजो
 सकाम ललाम लौकिक नारि नर नित गाइहैं ।
 सो सकल इच्छित कामना दुर्लभहु वेगिहि
 पाइहैं ॥ भव सिन्धु गोपद सरिस तरि शिव
 लोक अन्त सिधाइ हैं । गण राज सम गण
 राज मा दुलराइ ताहि अघाइ हैं ॥ ६ ॥ नहि
 साधिवेके योग्य जो जप योग यग्य करोरिकै ।
 सो शैवमनोरंजनि पढ़े गौरीश देत निहोरिकै ॥
 यह अरज सुकवि महेश सबसों करत द्यौ कर
 जोरिकै । किन सजगव्है उर धरहु सीख कुबु-
 द्धिको भ्रम तोरिकै ॥ ७ ॥

समाचार पत्र ।

श्री गुरु देविसहाय निज, काल आगमन जानि ।
 त्यागि मास यस विमल तन, भैरवनशन व्रत ठानि ॥ १ ॥
 हर हर हर कहि शंभु कहि, महादेव कहि धीर ।
 ब्रह्म रंध्रके द्वारसों, कीन्हों त्याग शरीर ॥ २ ॥
 वेद वेद निधि विधु प्रमित, संवत फागुन मास ।
 शुक्र तृतीया भौमयुत, पायो काशी वास ॥३॥ १६४४

॥ कवित्त ॥

धाए ख्याल त्यागि बाल वृद्ध व्है विहाल सब,
 बनिता विसारपूत भूषण नएनए । आइ योगि-
 वृन्द वन्दत पदारविन्द, दण्डी दण्ड भूलि
 सिरनावत ठण्ठण ॥ नरपुरवासीलैउसासी अकु-
 लायभगे, भारीदुखपाय फूल डालिनलएलए ।
 पण्डित अखिल गुनमंडित विचारि कहैं, देविके
 सहाय आज शंकर भयेभये ॥४॥

चढ़िचढ़िछज्जनउच्चचौतरन, लोगसुखपावतसुरं

गरंगगेरिगेरि । नाचैँ दैँदैँ तारी किलकारी सब शैव-
 गण, सुखविमान निज नैननसो हेरिहेरि ॥
 पान पकवान फल फल भांतिभांतिनके, लैलै सब
 आवत लुटावत है फेरिफेरि । देवीके सहाय जब
 शंकरस्वरूप पायो, गावती विबुध वाम नभ
 बीच टेरिटेरि ॥५॥

स० । दुन्दुभि भेरि मृदंगउपंग, फिरंग घने
 मुहचंगहुवाजे । शंख घड़ी डमरू करताल. यथा
 भुवित्यो नभ मंडल गाजे ॥ देव अदेव त्रिदेव
 महेश, जुरे सबई निज साजि समाजे । या
 छिन देबिसहाय गहे कर, मुक्तिलली करियान
 बिराजे ॥ ६ ॥

हारिही मति शारदकी अरु, नारद दाबिरेहे-
 अंगुरीरद । त्यो मन् माहिंरहे छकिके हरि, शेष
 सुरेश विरंचि धनप्रद ॥ प्रेम उमंग हरिणेहर,
 मन्दभये तजिवेगनदीनद । मुक्ति लली

जव देविसहाय, करौ निजदूलह त्यागि
सवैमद ॥८॥

॥ दोहा ॥

पारद में सुवरण यथा, सरिता सिन्धु समाय ।
त्यौं महेश तनतेज मय, प्रविशे देविसहाय ॥९॥



॥ विज्ञापन ॥

सर्व सज्जनों को विदित हो कि इसीपुस्तक को पहले देविसहाय जी ने भैरोनाथ जोशी द्वारा छपवाया था परन्तु उसने अपनी बुद्धिमत्ता से सो- धो जो शिवचरित प्रकाश नाम रखा और उनसे कुछ भी सलाह न लिया इसकारण से ग्रन्थ अत्यन्त अशुद्ध होगया उसे देख वाजपेयी जी अत्यन्त रुष्ट भये और उससे कहा कि तुमने हजार कापी छपवायो है उसे बेच लेना और फिर कभी मत छपाना तदुपरान्त हमको पुस्तक छपवाने की आज्ञा दी तब हमने छपवायके उनको दिखाया उसे देख अत्यन्त प्रसन्न भए और कहाकि अब तुम्ही इसे छपवाया करना और रजिष्टरी भी हमारे नाम से करवाय दिया तबसे हमी छपाते और बेचते हैं और किसीको छपानेका अधिकार नहीं है इति ।

विज्ञापक

पाण्डित मोतीराम औदीच्य

शारदा प्रकाश पुस्तकालय

मुहाल नं० २४ घर नं० १५ काशीजी

श्रीगणेशाय नमः ।

शैवमनोरंजनी

द्वितीय भाग ।

॥ प्रभाती ॥

जय जय जय गणराज सन्त सज्जन हित-
कारी । सिद्धि सदन सुकरि बदन एक रदन
धारी ॥ जय० ॥ चन्द्रभाल अति विशाल सोहत
मणि माल लाल मटकि चलत चाल पायल भन-
कारी ॥ जय० ॥ कंकण कुंडल अमोल किंकिणि
कटि मधुर बोल चारु गात नैन लोल मोदक
अहारी ॥ जय० ॥ निज जन दुख देत टाल
सघन विघन जाल ज्वाल खल दल कोहौ करा
ल कालहू से भारी ॥ जय० ॥ देवी को सहा
य एक मांगत वरदान गाय सुमिरो नित श्रीम-
हेश शंकर त्रिपुरारी ॥ जय० ॥ १ ॥

॥ भैरवी ॥

गुरुपद कमल विमल उरमाही ॥ टेक ॥

निरखत नखर भव सागर, पलभरमें तरिजाहीं ।
 छूटत लोभ मोह ममता मद, काम कथा न
 सुहाहीं ॥ गुरु० ॥ अजपा जप फल होत निर-
 न्तर, व्यापत अध तन नाही ॥ देविसहाय महेश
 रूप लखि, चित्त अधिक हरखाहीं ॥ गुरुपद० ॥ २ ॥

॥ अर्जी ॥

दीनबंधु करुणा निधान शिव मेटहू पीर
 हमारीरे । आस सबन की छांडि नाथ मैं आयो
 सरण तिहारीरे ॥ तुमही मान पिता तुमही प्रभु
 तुमही बंधु हितकारीरे । तुम्हरी कृपा कशक
 किये से नसहि मोह दुख भारीरे ॥ पूजन भजन
 बनत नहि कबहुं लंपट अति व्यभिचारीरे ।
 सो अपराध क्षमहु गिरिजापति आस्त मोहि
 निहारीरे ॥ अधम उधारण नाम तुम्हरो कहत
 वेद निरधारीरे । तातें करुणा करो कृपाल अब
 लीजे मोहि उबारीरे ॥ देवीसहाय महेश भक्ति
 वर मागत देहु पुरारीरे । यह परिवार तिहारो

स्वामी करहु सदा रखवारीरे ॥ ३ ॥

॥ रागिनी भैरवी ॥

भजु मन अन्नपूरणा माई ॥ टेक० ॥ जासु
प्रभाव भनत निगमागम अन्त रस्त सकुचाई ।
जो ध्यावत पावत फल चारौ मम ॥ मद छुटि
जाई ॥ भजुमन० ॥ काशीपुरी प्रेम सों पालत
अन्न देत हरखाई ॥ शंकर अंक निशंकविराजन
गोद लिये गणराई ॥ भ० ॥ शचीरमा शारद
जाकी नित करहिं विविधि सिवकाई । देखि
सकत नहिं दुखित देव द्विज देत विपति भर
साई ॥ भजमन० ॥ ताकी शरण गहत किन
पामर मिटहिं सकल दुचिताई । देवीसहाय महेश
उमायश कहत न विधि हरि गाई ॥ भज मन
अन्नपूरणामाई ॥ ४ ॥

॥ रागिनी भैरवी ॥

जे गुरु चरण लखत उर माहिं ॥ टेक ॥ ते
अंजपाजप फल बिन कीन्हे पावत नित सक

नाहीं ॥ जे गुरु० ॥ आनद मगन रहत निस-
बासर पापपहाड़ बिलाहीं ॥ जे गुरु० ॥ अन्त
समय नखर भवसागर पल भर में तरजाहीं ॥
॥ जैगुरु० ॥ देवीसहाय महेश परम पद पाय
अधिक हरखाही ॥ जे गुरु चरण लखत उर
माहीं ॥ ५ ॥

॥ ठुमरी खम्माच की ॥

मधुप मन शिव पदपङ्कज लाग ॥ टेक ॥
अन्य देव रति कीरति गुणगण किंशुकतरु सम
त्याग ॥ मधुप० ॥ दस भ्रमरिन के संग बसत
है इनके रस मत पाग ॥ म० ॥ जहँ न होय
हर चरित श्रवन कछु तुरत तहांसे भाग ॥ मधुप० ॥
देवीसहाय महेश कृपा करि तत्र दीहै अनुराग ॥
मधुप मन शिवपदपङ्कज लाग ॥ ६ ॥

॥ ठुमरी खम्माच की ॥

करोरे मन शिव पदपङ्कज प्रीत ॥ टेक ॥
तिय सुत बन्धु धाम धन परिजन कोऊ न तेरो

मीत ॥ करोरे० ॥ इनको संग त्याग अब पामर
बैस गई सब बीत ॥ करोरे० ॥ ऐ हैं काल कुटिल
अनचक जब पल में ली हैं जीत ॥ करोरे० ॥
देवीसहाय महेश भजन तब करि है तोहि
अभोत ॥ क० ॥ ७ ॥

॥ ठुमरी ॥

आत्मा बीरेश्वर भजु दयाल । नसि जाय
सकल भ्रम मोह जाल ॥ टेक ॥ कचलाल भाल
नशि पाल व्याल । तन भस्म जटित अरु रूप
बाल ॥ आत्मा० ॥ दोऊ अधर अरुण रददुति
विशाल । हँसि हँसि शिशुके कछु करत ख्याल
॥ आत्मा० ॥ कटि किङ्किणि कुण्डल मणिन
माल । भुज कटक लटक लखि चलतचाल ॥ आ
त्मा० ॥ विश्वानरें मुनि पर है कृपाल । दै सुवन
दहन कीन्हो निहाल ॥ आत्मा० ॥ देवीसहाय
अस प्रभु सम्हाल पैहौ महेश पद दरस हाल ॥
आत्माबीरेश्वर० ॥ ८ ॥

॥ लावनी ॥

जय जय जय गौरीनाथ दीन हितकारी ।
हरलेहु बेगि हर भारी पीर हमारी ॥ टेक ॥
मैं शोक सिंधुमें मगन नाव नहिं बेरा । है केवल
केवल ब्रह्म भरोसा तेरा ॥ कोऊ करत न मोर
सहाय चहूँदिस हेरा । अस जानि जगत के
जनक करहु निखेरा ॥ त्रयलोक दहन निज
करउ हलाहल धारी ॥ ह० १ ॥ ब्रह्मा अरु
विष्णु सुरेश शेष सुरनायक । यम वरुण कुबेर
कृशानु शचीश सहायक ॥ नैस्तिय और ईशान
जानिनिज पायक । नित धरत तिहारो ध्यान
संत सुखदायक ॥ बहु दिये तिन्हें बरदान गंग
सिरधारो ॥ हर० ॥ २ ॥ जो भयो जासु जग ईश
ईश तुम कीन्हो । तुम चक्रसुदर्शन नारायण
को दीन्हो ॥ ते भये सकल जगपूज्य तुम्हैजिन
चीन्हो । अरु अन्त समय भवनाथ रूप तब
लीन्हों प्रभु करहु अभय मोहि कृपा कटाक्ष

निहारी ॥ हरलेहु० ॥३॥ मैं कुटिल अज्ञ अभि-
मान युक्त दुरभागी । सतसंग हीन मलीन कर्म
अनुरागी ॥ नहिं जपत तिहारो नाम विषयरस
त्यागी । अब देहु नाथ निज भक्ति अलौकिक
मागी ॥ देवीसहाय सुमिरै महेश त्रिपुरारी
हरलेहु० ॥ ४ ॥ ६ ॥

॥ रेखता तरजोवन्द ॥

जो धरते ध्यान शंकर का वही भव पार
जाते हैं । पकड़ कर मुक्ति कन्या का स्वयं शिव
रूप पाते हैं ।

॥ दोहा ॥

कोटि जन्म के पुण्य जत्र, उदय होत एक रंग ।
छूटत मन की मलिनता, अरु भावत सतसंग ॥

॥ शैर ॥

उपजती भक्ति फिर उससे नहीं पातक सतावे
है । जो धरते० ॥

॥ दोहा ॥

भक्ति जनत बैराग्य सुत, वह जब होत प्रचण्ड ।

मनते ममतां पट भटक, करि डारत बहु खण्ड ॥

॥ शैर ॥

प्रगटता ज्ञान तव उरमें सवी समदृष्टि आते
हैं ॥ जो धरते० ॥

॥ दोहा ॥

पूर्ण होत सम दृष्टि जब, जात अविद्या रैन ।
लहत सहज निर्वाण पद, जहां निरंतर चैन ॥

॥ शैर ॥

पर ऐसे संत दुनियां में बहुत अब कम
दिखाते हैं । जो धरते० ॥

॥ दोहा ॥

निमिषन गुरु पद रति करत, चाहत विषय कुसंगे ।
कस न डसहिं तेहिं कोह करि, दालिद दुःख भुजंग ॥

॥ शैर ॥

तदपि नर बल गहैं उनका तो पलभर में
जिलाते हैं ॥ जो धरते० ॥

॥ दोहा ॥

देवीसहाय महेश गुण, गावो हिय हरषाय ।

कलि में और उपाय नहीं, कलिमल सकत नसाय ॥

॥ शैर ॥

उन्हें कुछ दर नहीं यमका जो हरदम हर
मनाते हैं । जो धरते ध्यान शङ्कर का वही भव-
पार जाते हैं ॥ १० ॥

॥ हुमरी ॥

हमारे प्रभु शङ्कर साम्बदयाल । दलत
सकल भ्रममोहजाल ॥ टेक० ॥ सीस मुकुट
शुचि गंग विराजै । श्वेत भस्म भूषित तन
राजै । लसत रुचिर उर मुण्डमाल ॥ हमारे० ॥
कुण्डल तरल गरल छवि छाजै । कोटिन मन्म-
थकी दुति लाजै । सोहत शुभ उपवीत व्याल ॥
॥ हमारे० ॥ पंचबदन भुजचार अनोखी । गज
छाला ओढे अति चोखी । तीन नैन शशि
भानु ज्वाल ॥ हमारे० ॥ वाम अंग गिरिराज
दुलारी । श्रीमहेश बहु आयुध धारी । देवी
सहाय लखि भो निहाल ॥ हमारे प्रभु० ॥

॥ ठुमरी ॥

सकल जग देख्यो, स्वारथरत लेख्यो, न
 भावै शिव बिन कछु मोरे जियरे ॥ टे० ॥
 पंच बदन दृग तीन चार भुज रे, विगजै सीस
 गंगा, सुभुजन भुजंगा, बसो है वहोनंगा हमारे
 हिय रे ॥ सकल० ॥ नर तन पाय परमपद
 साधकरे, जपत नाम जोई, लहत सुख सोई न
 आवे दुख कोई, हूताके नियरे ॥ सकल० ॥
 जप तप योग बनत नहिं कलि में रे, विसारि
 भम फांसी, बसौ चलि कासी, करो न लखि
 हाँसी, बिरानी तियरे ॥ सकल० ॥ भवसागरे
 भय भोम बिदारन रे, महेश पद काहीं, विमल
 उर माहीं, निरखि होत देवीसहाय सियरे
 ॥ सकल० ॥ १२ ॥

॥ ठुमरी ॥

शिव सुमिरन सब पाप ताप दुख दालिद
 दूरिहटन अपनाहीं ॥ टेक ॥ सहज उपाय

करहु यह नखर एहि कलिकाल बनत तप-
 नाहीं ॥ शिव० ॥ तात मात सुत सुहृद बंधु-
 जन तियधन धाम जानि सपनाहीं ॥ शिव०॥
 मान सिखावन मोर मूढमन तज ममता मद
 मोह सदाहीं ॥ शिव० ॥ देवी सहाय
 महेश शरणगहु है जगसार नाम जयनाहीं ॥
 ॥ शिव० ॥ १३ ॥

॥ ठुमरी खम्माच की ॥

शिव सुयश निरंतर गाइये ॥ टेक ॥ बसिय
 सदा आनदवन भीतर नितउठि गंग नहाइये
 ॥ शिव० ॥ रहियदूर अबलन के दलसों सत
 संगत चित लाइये ॥ शिव० ॥ दस भूमरिन
 के भमभूल्यो निज मन मलिंद समुझाइये
 ॥ शिव० ॥ देवीमहाय महेश परमपद विनश्रम,
 लहि हरखाइये ॥ शिव० १४ ॥

॥ ठुमरी काफी पूरवी ॥

ध्यावो ध्यावो मनगौरीनाथ ॥ टेक ॥ सकल

जग भूठोई करत, यह मेरोतेरो, मेरो तेरो तिय
 सुतधाम, धन आवै नहिं काम ॥ ध्यावौ० ॥
 जाकौ सठ चाहत, न चाहत सो तोहिंखल,
 तदपि न मलदल बिसराय, बिसरायभजत अघा
 य, शिवपदसुखधाम ॥ ध्यावौ० ॥ देवीसहाय
 सब पातक नसाय, ताके धरत महेशपदध्यान,
 प्रतिपल प्रतिछिन, तजि अभिमान, नरपावै मन
 काम ॥ ध्या० ॥

॥ हुमरी ॥

शिव न भजे सब बीति उमरिया । करत
 रह्यो बहु व्यसनरगरिया ॥ टेक ॥ बालापन
 मन खेल सुहान्यो अरु नरही कछुकाहूकी खब-
 रिया ॥ शिवन० ॥ तरुण भयो मदमोह मढ्यो
 तन भावत नवतरुणी की सेजरिया ॥ शिवन० ॥
 बृद्धापन ममता पटओढै चलि न सकत नहि
 परत नजरिया ॥ शिवन० ॥ देवीसहाय महेश

भजनकर मिलि जै हैं शिवलोक डगरिया ॥
शिवन० ॥ १६ ॥

॥ डुमरी ॥

बसब सदा शिव तोरी नगरिया । करब
दरस करि सुफल नजरिया ॥ टेक ॥ कोटिन
जन्म रह्यो भूमभूल्यो अब पाई तुव धाम डग-
रिया ॥ बसब० ॥ तुवनगरी तनजीव तजत
जो करत देव सब ताकी चकरिया ॥ बसब० ॥
सुमिरत नाम अखिल अधभागत विमलहोत
मति निपटगमरिया ॥ बसब० ॥ देवीसहाय महेश
कृपा तें छूटि गई जिय खटक फिकिरिया ॥
बसब० ॥ १७ ॥

॥ डुमरी ॥

कसन बसत सठ शम्भु नगरिया । करत
बृथां निज मूढ़ उमिरिया ॥ टेक ॥ सब तीरथ
जहं पाप तजन हित, बसत सदा करि देखु
नजरिया ॥ कसन० ॥ चारि पदारथ लुटत रैन

दिन, ज्ञान खानि विद्या की बजरिया ॥
 कसन० ॥ श्रीगौरीश रची करुणा करि, यह
 अनुपम निज धाम डगरिया ॥ कसनं. ॥ देवी
 सहाय कह्यो गुरु मोसों, बसु महेशपुर त्यागि
 फिकिरिया ॥ क० ॥ १७ ॥

॥ भैरवी ॥

हे शिव शरण गही हमतेरी ॥ टेक ॥ शर-
 णागतप्रतिपालक स्वामी पीर हरौ प्रभु मेरी ॥
 हेशिव. ॥ अधम उधारन नाम तिहारो कहत
 बेद बुध टेरी ॥ हे शिव. ॥ वेगि दयानिधि
 त्रास हरौ मम नेक नेह सों हेरी ॥ हेशिव. ॥
 देवीसहाय महेशभक्ति बर मागतदेहु सबेरी ॥
 हे शिव. ॥ १६ ॥

॥ सोरठा ॥

शंकर अब सुनिये मेरी टेरे ॥ टेक ॥ दुःख
 सिंधु चहुंदिस बढ़ि आयो सोचरह्यो उर घेर ।
 त्रासमितै तुवदास की तबही खोलि पलक जब

हेर ॥ शंकर० ॥ जातेमिटै सकल दुचिताई सोई
करहु सबेर । देवीसहाय पुकारत आरत कर महेश
मतदेर ॥ शं० ॥ २० ॥

॥ भंभौटी ॥

दयानिधि डूबत राखिलियो ॥ टेक ॥ मन
मेरो मगछाडि चलन हित पूरण प्रैज कियो ।
करि तुम कृपा जानि निज सेवक औसर नाहि
दियो ॥ दयानिधि० ॥ अब प्रभु करहु सोय
जिमि होई निर्मल मोर हियो । यदपि कुपूत
तदपि सुत तेरो भव निधि भीम भियो ॥ दया
निधि० ॥ भखि कुसंग विष नर पामर मै पुनि
केहि भांति जियो । जब तव नामसुधा आलस
बस कछु कछु नाथ पियो ॥ दयानिधि० ॥
देवीसहाय धन्य गुरु पदरज परसतपाप छियो ।
छूटिगई सिगरी दुचिताई भयो अपाप जियो ॥
दयानिधि० ॥ २१ ॥

॥ खेमटा पूरवी ॥

भोलेबाबा दरस अब दैद्यो लागल मोर जि-
यखा ॥ टेक ॥ बाएं अंग में गौरी बिराजै
सोहै चन्द्र लिलखा । जटामुकुट में गंग छटा
छवि छाजै कंठ जहखा ॥ भोलेबाबा. ॥ मुंड
माल गज खाल सलोनी ब्यालों के उपह-
खा । स्वेत भूतिवर अभय शूल अरु डमरू
लीन्हे करवा ॥ भोले० ॥ गौर शरीर तीन दृग
सुन्दर स्वर नीरद उनहखा । एक सुवन शिषि-
बाहनगामी एक उन्दर असवरवा ॥ भोलेबाबा. ॥
देवीमहाय कह्यो गुरु मोसों ऐसो रूप उदखा ।
सो महेश निरखत उर अन्तर मैहूं आठ पहरवा ॥
भोलेबाबा दरस० ॥ २२ ॥

॥ खेमटा पूरवी ॥

भोलेबाबा दया करि मोको राखो अपनी
नगरिया ॥ टेक० ॥ शिव शिव नाम जपौं निस-
बासर जबलौ मोरि उमरिया । आनद मगन रहौं

निसिबासर छूटै मोह फिकरिया ॥ भोलेबाबा० ॥
 वेद पुराण सकल यश गावत काशी मुक्तिबज-
 रिया । चरथिर जीव तजै तन कोई नन्दी पावै
 सबरिया ॥ भोले० ॥ उपजै विमल विवेक ज्ञान
 मति सुधरै निपट गमरिया । सूभे रूप अनुपम
 तुम्हरो भ्रसै पाप पँजरिया ॥ भोले बाबा० ॥
 देवीसहाय महेश उमावर लीजै बेगि खबरिया ।
 दीन जानि निज सेवक स्वामी फेरो नेक नज-
 रिया ॥ भोलेबाबा० ॥ २३ ॥

॥ खेमटा ॥

गौरी नाथ शरण मन गहुरे ॥ टेक ॥ छाँड़ि
 सकल जियकी कुटिलाई उनहि को नाम निर-
 न्तर कहुरे ॥ गौरीनाथ० ॥ विषयिन सों नहिं
 भाषन कीजै सज्जन संग रैन दिन रहुरे ॥ गौरी
 नाथ० ॥ ह्वैहै विमल हृदय तब तेरो पैहै सहज
 सदा सुख बहुरे ॥ गौरीनाथ० ॥ देवीसहाय अन्त

बिनही श्रम परम महेश धाम तूँलहुरे ॥ गौरी
नाथ० ॥ २४ ॥

॥ खेमटा ॥

ऐसेइ कहत सुनत दिन बीते ॥टेक॥ कबहुं
न ध्यान ध-यो शंकर को कबहु न तज्यो मोह
मद हीते ॥ ऐसेइ० ॥ कबहुन संग कियो संतन
को फन्द जाल हकनाहक कीते ॥ऐसेइ०॥ अबहुं
चेत मूढ़ मन मेरे जैहैं अन्त समय सब गीते ॥
॥ ऐसेइ० ॥ देबीसहाय महेश नाम जपि पलमें
खल भवसागरं जीते ॥ ऐसेइ० ॥ २५ ॥

॥ खेमटा ॥

जो करवैहौ करब हम सोई ॥ टेक० ॥ उर
प्रेरक करुणानिधान तुम बिन मरजी तुव कछु
नहिं होई ॥ करब हम सोई जो करवैहौ करब
हम सोई० ॥ याही ते मम पुण्य पाप के तुम
भागी मेरो नहिं कोई ॥ करब० ॥ जन्म मरण
दुख छूटत ताको तुम मय लगत जगत प्रभु

जोई ॥ करव० ॥ भजहु महेश मिटै ममतामद
देवीसहाय चहत बर दोई ॥ करव ॥ २६ ॥

॥ भंभौटी ॥

जे नर मूढ न शम्भु सनेही ॥ टेक० ॥
अहंकारखस कर्म अशुभशुभ मानत कृन अपने
ही ॥ जे नर० ॥ तिनको संग त्याग रे पामर
यदपि परम प्रिय गेही ॥ जे० ॥ सुपनेहु प्रेम
करै शंकर सों ताहि समुझ निज देही ॥ जे
नर० ॥ देवीसहाय महेश भजन करि अधम
अनेक तरेही ॥ जे० ॥ २७ ॥

॥ वसन्त ॥

जहँ शंभु भक्ति तहँ ऋतु वसन्त । औरौ
अनेक विधि सुख अनन्तर ॥ टेग० ॥ शुभ
चरित कथा कीर्तन बिहार । सतसंग रंग केसर
फुहार ॥ जहँ शंभु० ॥ अनुराग बांग आनँद
समीर । बंधु सन्त समागम भौर भीर ॥ जहँ
शंभु० ॥ नव भक्त भक्ति लतिका नवीन ।

शुक कोकिल ख शिव ख प्रवीन ॥ जहँ शंभु०
 उर लख महेश पद नख विशाल । देवीसहाय
 सोई पुष्प जाल ॥ जहँ शंभु० ॥ २८ ॥

॥ वसन्त ॥

शिव फाग मचायो गौरि संग । उत शक्ति
 बृंद इत गण उतंग ॥ टेक० ॥ सब मत्त भये
 करि पान भंग । लगे करन विविध लीला सु
 ढंग ॥ शिव फाग० ॥ बाजत उपंग मुंहचंग
 चंग । कर ताल बीन डमरू मृदंग ॥ शिव
 फाग० ॥ गावत नाचत फरकाय अंग । बहु
 भाँतिन छूटत दिव्य रंग ॥ शि० ॥ अस
 श्रीमहेश की लखि तरंग देवीसहाय उपजत
 उमंग ॥ शि० ॥ २९ ॥

॥ होली ॥

जो चाहौ सुख भाई । भजो शिव नाम सदाई
 ॥ टेक० ॥ नाम प्रताप बरनि को पावै गनिका
 शुभ गति पाई । बालमीक भये मुनिवर ज्ञानी,

रामायण जिन गाई ॥ परम पद बाट बनाई ।
 जो चाहौं ॥ कलि में नाम समान कछु नहिं
 दूजो और उगाई । प्राणायाम नेम व्रत संयम,
 साधन में कठिनाई ॥ परत यह प्रगट लखाई ।
 जो चाहौं ॥ आलसहू बस नाम उचारै भव
 सागर तरि जाई । जे नर नेम प्रेम सों नितही,
 जपत हिये हरखाई ॥ सकै करि कौन बड़ाई ।
 जो चाहौं ॥ देवीसहाय महेश उमा यश कहत
 सुनत मन लाई । सज्जन संग रहत निसबासर,
 कपट कुकर्म विहाई । राह गुरुदेव बताई ॥ जो
 चाहौं ॥ ३० ॥

॥ होली ॥

शिवपद पंकज ध्यावै । नाम नित नेह सों
 गावै ॥ टेक० ॥ पर अपवाद सुनै नहिं सपने
 पर तिय देखि बरावै । पर धन धाम लोह तृण
 समुझै, परम पुनीत कहावै ॥ पाप सब धोय
 बहावै । शिवपद० ॥ दृढ़ विश्वास होय तब

उरमें सतसंगत मन भावै । छूटहिं कुमति
 कुपन्थ कुटिलता, भक्ति भाव सरसावै ॥ दरस घट
 भीतर पावै । शिवपद० ॥ आनंद मगन रहै
 जीवन भर दुखनियरे नहि आवै । कामक्रोध अरु
 मोह लोभ मद, फिर नहिं ताहि सतावै ॥ अगम
 भवनिधि तरिजावै । शिवपद० ॥ देवीसहाय
 बिना गुरुपदरज को असमति उपजावै । परसत
 जाहि अखिल अव भागत, सहज महेश मिलावै ॥
 जन्म अरु मरण नसावै । शिवपद० ॥ ३१ ॥

॥ होली ॥

होरीहोय रही शिव बीरेश्वर दरवार ॥ टेक ॥
 सेवक सरस हृदय जु रि धाये तिय धन धाम विसार ।
 प्रेम मगन तन मन सुधि नाही घेरि लियो प्रभु
 द्वार ॥ होरी होय० ॥ कोई नाचत करताल
 बजावत छेड़त कोइ सितार । डफ मिरदंग ढोल
 धुनि धुधुकत गावत राग धमार ॥ होरी होय० ॥
 छूटत केसररंग सुगन्धित मनहुं पिथूष फुहार ।

अबीर गुलाल लाल नभ कीन्हों मोहि गई
सुखारं ॥ होरा होय० ॥ देवी सहाय महेश फाग
यह परम पुनीत उदार । जो गावै पावै फल चारो
ठगि न सकै ठग चार॥ होरी होय रही शिव० ॥३२॥

॥ होरी आदीलय ॥

योहीं जन्म गमायो । शिव यश कबहु न
गायो ॥ टेक ॥ जन्म अनेक विषय रस भोगे
ताहु पै न अघायो । गर्भवास की भूल गई सुधि
पुनि ममता लपटायो ॥ योही जन्म० ॥ काम
क्रोध मद लोभ मोह बस निजरूपहिं बिसरायो ।
स्वान समान फिरत भ्रम भूल्यो परधन धाम
सुहायो ॥ योही० ॥ बीत गई सो बीत जान दे
अबहुं कछु न नसायो । भज गौरीश कटै भव-
बन्धन यह निगमागम गयो ॥ योही जन्म० ॥
देवीसहाय पाय नरतन जो शिव शरणागत
आयो । ताहि महेश कलेश काटि सब वर दीन्हो
मनभायो ॥ योही जन्म० ॥ ३३ ॥

॥ होरी ॥

शिवपद प्रीति करी जिन तेई परम सुजान
 ॥ टेक० ॥ पर अपवाद सुनत नहिं सपने करत
 सदा सनमान । परतिय पर धन धाम न हेरत
 यह उनकी पहिचान ॥ शिवपद० ॥ आठहु
 सिद्धी रहैं करजोरे तजत मोहैं अभिमान । काम
 कुटिल कछु करि न सकत फिर प्रगटत उर वि-
 ज्ञान ॥ शिवपद. ॥ आप तरैं तारैं निजकुल
 सब गावत बेद पुरान । मन बाणी जहँ पहुँचत
 नाहीं पावत सो शुभथान ॥ शिवपद० ॥ देवी-
 सहाय कह्यो गुरु मोसों जो चाहै निखान । बस
 आनदवन तज ममता मद कर महेशपद ध्यान ॥
 शिवपद ॥ ३४ ॥

॥ होली ॥

अन्नपुरणामाय हमारी । मेठहु पीर अनाथ
 बिचारी ॥ टेक ॥ तैं जगजननि कहावत जन
 नी याही से आयो शरण तिहारी ॥ अन्न० ॥

निज सुत कूर कुपूत कुपन्थी त्यागत नाहि
कबहूं महतारी ॥ अन्न० ॥ दूरि करो जनकी
दुचिताई नेक सनेह निगाह निहारी ॥ अन्न० ॥
देबीसहायमहेश भक्तिवर मागत देहु गिरीशदु
लारी ॥ अन्न० ॥ ३५ ॥

॥ होरी श्री गंगाजी की ॥

गंग उतंग तरंग तिहारी । पाप पहाड बि
लात निहारी ॥ टेक ॥ बेद पुराण विमल यश
गावत, सीस चढ़ाय लई त्रिपुरारी ॥ गंग० ॥
साठिहजार सगर सुत तारे, और अनेकन पा-
तक हारी ॥ गंग० ॥ जे तन तीर तजत बड़
भागी, आवत लेन गिरीश मुरारी ॥ गं० ॥
देबीसहाय यही बर मागत, देहु मिलाय महेश
पुरारी ॥ गंग० ॥ ३६ ॥

॥ होली संस्कृत को ॥

कृतं यन्मया ज्ञानतोषः पुरारे । त्वया प्रेक्ष
णीयं न तन्मन्मथारे ॥ टेक ॥ बलं केवलं तेस्ति

नान्योमदीये, ऽधुना रक्षणे तत्परो ऽप्यन्धकारे
 ॥ कृतं० ॥ शरण्योसि हि त्राहि दीनं जनं स्वं,
 निमग्नञ्च मान्दुःखसिंघावपारे ॥ कृतं० ॥ अ-
 सौ कुत्सितो नेक्षणीयो दयातो, गतिर्मे कथंस्या
 त्कृतेस्मिन्विचारे ॥ कृतं० ॥ कदाप्यर्चितो नो
 तथापि त्वदीयो, भवातो दयालुःस्वतो मय्यसारं
 ॥ कृतं० ॥ महेशेन देवीसहायस्य सूनोः सुते-
 नेष्ट मेतत्प्रदृष्टङ्गजारे ॥ कृतं य० ॥ ३७ ॥

॥ होली संस्कृत ॥

समर्थोस्ति बोद्धुं भवानीपतिन्त्वाम् जनः
 को विभो शूलपाणे त्रिलोक्याम् ॥ टेक ॥ न
 वेदां न देवा न शास्त्राणिसम्यक्, विदन्तीन्दु-
 मौले निधे प्रोद्धिभानाम् ॥ समर्थो० ॥ कथंवे-
 द्विविज्ञानहीनो मलीनो, ऽतिदीनोजनो ध्यान-
 गम्यं मुनीनाम् ॥ समर्थो० ॥ स एवाभिजानाति
 यस्योपरि त्वं, न्दयालुर्दयासागरे ज्याऽखिला-
 नाम् ॥ समर्थो० ॥ स्वतोतो यमारे स्मरारे पुरारे

विधे ह्यन्धकारे ह्यसारे नुकम्पाम् ॥ समर्थो० ॥
 स्व भक्तान् परित्रायसेविप्लवेभ्यो, महाविघ्न
 कारी शहेदुर्जनानाम् ॥ समर्थो० ॥ जगत्सृष्टिसं-
 हाररक्षाकरस्त्व, म्प्रसन्नः सदा सर्वदः सर्वके
 षाम् ॥ समर्थो० ॥ न चादि नचान्तं न मध्य
 म्प्रसिद्धं, समृद्धिप्रदं ब्रह्म विश्वादिकानाम् ॥
 समर्थो० ॥ जगन्मोहितं सर्वं मेतत्त्वयैव,
 समं सन्मुनीन्द्रैर्वितन्य स्वमायाम् ॥ समर्थो० ॥
 शरण्योसि संरक्ष मग्नम्भवाब्धौ, महाकाल क्वा-
 लान्तकोश प्रभोमाम् ॥ समर्थो० ॥ महेशं हि
 देवीसहायस्य सुनोः, सुतं सम्प्रदाये शहे भक्ति
 नौकाम् ॥ समर्थो० ॥ ॥ ३८ ॥

॥ घाँटे ॥

नाहक जन्म गमायो हो रामा ॥ कछु न
 न कमायो ॥ टेक ॥ बालापन मायावस पामर
 खेल खान मन लायो हो रामा ॥ कछु न० ॥
 तरुण भयो तन तमक बढी अति तरुणी साथ

सुहायो हो रामा ॥ कछु न० ॥ बृद्ध भयो कोऊ
करत न आदर ममता ज्ञान भुलायो हो रामा
॥ कछु० ॥ देवीसहाय महेश भजौ अब अन्त
समय नचिगायो हो रामा ॥ कछु न० ॥ ३९ ॥

॥ घाँटे अष्टपदी ॥

शिवपद नेह न जान्यो हो रामा । जन्म
सिरानो ॥ टेक ॥ भखि कुसंग विष मत्त भयो
सठ निज न रूप पहिचान्यो हो रामा ॥ जन्म० ॥
परतिय परधन धाम हरन हित निसदिन रहत
लुभान्यो हो रामा जन्म० ॥ नर तन लहि पर-
मारथ साधक अनरथ पथ सुख मान्यो हो रामा
॥ जन्म० ॥ पूजन भजन नेम व्रत संयम कहत
सुनत अलसान्यो हो रामा ॥ जन्म० ॥ पर
उपकार करत सपने नहि पर अपवाद सुहान्यो
हो रामा ॥ जन्म० ॥ ताहू पै नहिं लाज धरत
उर सब से बनत सयान्यो हो रामा ॥ जन्म० ॥
अबहूँ भज हर चरण सरोरुह कछु नहि तोर

नसान्यो हो रामा ॥ जन्म० ॥ देवी सहाय
महेश भजन बिन मिलहि न तौहि ठिकान्यो
हो रामा ॥ जन्म० ॥ ४० ॥

॥ घाँटो गंगाजो की ॥

केतिक पतित उधारे हो रामा । सुरसरि
भारे ॥ टेक० ॥ सो विधि विष्णु नहीं कहि
पावत गिनती गिन २ हारे हो रामा ॥
सुरसुरि० ॥ नवत तिन्है सब सुर निस बासर
वसत जे तीर तिहारे हो रामा ॥ सुरसरि० ॥
कोटिन खल तव नाम श्रवण तें हरिहर
लोक सिधारे हो रामा ॥ सुरसरि० ॥ देवीसहाय
महेश भक्तिवर मागत देहु सकारे हो रामा ॥
सुरसरि० ॥ ४० ॥

॥ घाँटो श्रीगुरुदेव की ॥

गुरु के चरण चित लावे हो रामा ॥ सब
सुख पावै ॥ टेक० ॥ जन्म २ के पाप पुरातन
यम याचन नसि जावे हो रामा ॥ सब० ॥

छूटहि कुमति कुसंग कुटिलता सतसंगत नित
 भावे हो रामो ॥ सब० ॥ आनँद उमँग वढ़ै
 निसवासर भक्तिभाव दृढ़ आवै हो रामा ॥ सब० ॥
 देवीसहाय महेश अन्त तेहि आनँद वनहिं
 बसावे हो रामा ॥ सब० ॥ ४२ ॥

॥ कजरी ॥

सब जग झूठाहै मन मेरे गहू तू शिवश-
 ड्कर की आस ॥ टेक० ॥ जाको नाम लिये
 दुख दालिद कबहुं न आवत पास ॥ सब० ॥
 छूटि जात जग के दृढ़ बंधन हिय में होत
 हुलास ॥ सब० ॥ भोगि भोग सब अन्तसमय
 नर पावत काशीबास ॥ सब० ॥ देवीसहाय
 कह्यो गुरु मोसों करमहेश विश्वास ॥ सब० ॥ ४३ ॥

॥ कजली ॥

तजि मन गौरीपति को नमवाँ काहे जग
 में फिस्त भुलान ॥ टेक० ॥ कोटिन योनि कष्ट
 सहि बौरे पायों नर तन आन ॥ तजि० ॥ ताहू

पै हर भजन करत नहिं गर्भवास विसरान
 ॥ तजि० ॥ बालापन बालन संग खेले हित
 अनहित नहिं जान ॥ तजि० ॥ तरुण भयो
 तरुणी मन भावत बाढ्यौ अति अभिमान ॥
 तजि० ॥ तृष्णा तुरंग चढ्यौ वृद्धापन ममता
 मति लपटान ॥ तजि० ॥ तन कंपत मुख
 बात न आवत इन्द्रीगण सुरभान ॥ तजि० ॥
 नाती पूत अनखसों बोलत तदपि न उपजत
 ज्ञान ॥ तजि० ॥ उन्हीं में लव लीन रहत है
 करत न शिव गुण गान ॥ तजि० ॥ अबहूँ
 चेत चलतकी वेरियां रेपामर नादान ॥ तजि० ॥
 देवीसहाय त्यागि दुचिताई कर महेश पद ध्यान
 ॥ तजि० ॥ ४४ ॥

॥ कजली ॥

भोले बाबा तोरे दरशन बिन मोर जिय
 खा लागै ना ॥ टेक० ॥ शिव २ नाम जपे
 निसबासर दुर्मति जागे ना ॥ भोलेबाबा० ॥

तुम्हरी कृपा कटाक्ष होत जब नर दुख पागै
 ना ॥ भोलेबाबा० ॥ भजन करत नहिं कहत
 मूढ़ मति पातक भागै ना ॥ भोलेबाबा० ॥ देवी
 सहाय महेश भक्ति तजि कोउ वर मागै ना ॥
 भोलेबाबा० ॥ ४५ ॥

॥ कजली ॥

नाहीं माने रे जियखा बिन शिवशङ्कर देखे
 मोर ॥ टेक० ॥ आदि शक्तिहैं पारवतीजी वाम
 अङ्ग की ओर ॥ नाहीं० ॥ दीनदयाल दयाकर
 अब तो विनवत दोऊकरजोर ॥ नाहीं० ॥ बेगि
 हरो दारुण दुख मेरो निरखि कृपा क्री कोर ॥
 नाहीं० ॥ देवीसहाय महेश जनमसे हाथ बिकाने
 तोर ॥ नाहीं० ॥ ४६ ॥

॥ कजली ॥

देखे कहुं भोला कहुं काशी गलियन में ॥
 टेक० ॥ तरसत बीती सब हमरी उमिरिया दर-
 शन जाके चाहूँ काशी गलियन में ॥ देखे० ॥

देवी सहाय महेश दास तव अत्र वनि पाहूँ आयो
काशी गलियन में ॥ देखे कहूँ ॥ ४७ ॥

॥ गज़ल ॥

गौरीशका सुमिरन सदा मनमें किया करो ॥
हर चरित अमृत अनूप कानों से पिया करो ॥
टेक० ॥ जे कुटिल हर पद विमुख लंपट मोह
मद माते । नित संग से उनके मेरे प्यारे भिया
करो ॥ गौरीश० ॥ जप योग संयम दान जो
कुछ बन पड़े तुम से । तजि कामना फल शंभु
को उस्का दिया करो ॥ गौरीश० ॥ नर देह
दुर्लभ फिर न पाओगे न भूलो यार । सतसंग
जल धोय नित निर्मल हिया करो ॥ गौरीश० ॥
देवीसहाय अपार भवनिधि का जो चाहो
पार । तो श्रीमहेश का नाम दम् पर दम् लिया
करो ॥ गौरीश० ॥ ४८ ॥

॥ गज़ल ॥

गौरीश को सुमिरन सुगम करते रहो

हरबार । कलिमल अचल जल जलकै सब
 आपी से होंगे छार ॥ टेक० ॥ कामादि
 ग्राह कराल है संसार सागर में । शिव नाम की
 नौका बिना कैसे पड़ोगे पार ॥ गौरीश० ॥ अंगी
 अंगी सुहृद जन साथ यह कोई न जायंगे ।
 कोई घाट तक कोई बाट तक कोई घरी के द्वार
 ॥ गौरीश० ॥ यमराज के इजलास में चल्ती
 नहीं कानून । पछताओगे पीटोगे सिर जब
 लेंगे वह इजहार ॥ गौरीश० ॥ देवीसहाय
 महेश भजतज कुटिल लम्पट प्रीति । घटमें
 दरस पाओगे भट जाओगे शिवदरबार ॥
 गौरीश० ॥ ४६ ॥

॥ लावनी ॥

शरण आयो शङ्कर तेरी । भलो अब हरौ
 पीर मेरी ॥ टेक० ॥ भक्तभय भञ्जन हौ भग-
 वान । असुर पुर माख्यो एकै बान ॥ विमल यश
 गावत वेद पुरान, करत नहि वार देत वरदान ॥

॥ दोहा ॥

कालकूटज्वर असुर सुर, नर मुनिवर अकु-
खान । विकल विलोकि त्रिलोक तुम, कियो
हलाहल पान ॥ विपति प्रभु सब की निखेरी ॥
भला अब हरो पीर मेरी ॥ १ ॥ भाल शशि
सीस गंग की धार । गोद गिरि सुता बैल
असवार ॥ वदन शुभ पञ्च भुजा है चार ।
डमरू वर अभय शूल खरधार ॥

॥ दोहा ॥

भस्म ब्याल नृ कपाल गज, खाल व्याघ्र
को चर्म । यह विभूत गौरीश तिहारी, कोइ न
जानत मर्म ॥ थके हरि ब्रह्मादिक हेरी ॥
भला अब हरो पीर ० ॥ २ ॥ निरन्तर जपै
तुम्हारो नाम । होय सब उसके पूरण काम ॥
छुटे अज्ञान लहै विश्राम । त्यागि तन पावै
निश्चल धाम ॥

॥ दोहा ॥

जो चिंत दै चीन्हें तुम्हें, सो न परै भव
कूप । निर्विकार अद्वैत अज, होय आप ही
रूप ॥ रहैं सिधि अणिमादिक चेरी ॥ भला
अब० ॥ ३ ॥ दयानिधि तुमसमान नहिं और
खुब मैं देखा करके गौर ॥ तुम्हीं व्यापे हौ हर
हर और । उमावर देवो के सिर मौर ॥

॥ दोहा ॥

जय महेश करुणायतन, यतन हीन मोहि
जान । कर अवलम्बन दीजिये, अपनो बालक
मान ॥ अरज देवो सहाय टेरी ॥ भला० ॥

॥ छन्द ॥

शिवपद पङ्कज मधुप मन नहिं होत पुनि
पछिताय है । यम याचना से कौन बिन हर
भजन तोहि छुड़ाय है । तिय धाम धन सुत
सुहृद परिजन संग कोइ न जाय है । निजकर्म
के अनरूप रे सठ भोग पुनि पुनि पाय है ॥

दवीसहाय महेश गुणगण प्रेम सों जो गाय
है । सोइ कर्म बन्धन तोरि सब शिवलोक अन्त
सिधाय है ॥ ५१ ॥

॥ छप्पै ॥

कबहुं शम्भु सिर इन्दु गहन हित हाथ
बढ़ावत । कबहुं षडानन संग जंग करि फैल
मचावत ॥ कबहुं गौरि की गोद मोद सों मोदक
पावत । कबहु सुण्ड फटकार मातु पितु मन
हुलसावत ॥ यह कवि महेश याचत तुम्हें
सुनहु अरज शंकर नँदन । अस बालरूप मम
हिय सदन बसहु सदा करिवर वदन ॥ ५२ ॥

कबहुं मोद युत गोद गौरि लै अति दुलरा-
वत । कबहुं मृदुल कर पकरि बिहसि मग ठुमुक
चलावत ॥ कबहुँ विनय के बचन रचन की
भांति सिखावत । कबहुं विविधि रंग बसन रनन
भूषण पहिरावत ॥ नित भखत बिघन मोदक
हरषि निरखि शम्भु पुलकत जिन्हे । निग-

मागमार्थ के बोध हित कवि महेश सुमिरत
तिन्हें ॥ ५३ ॥

॥ कवित्त ॥

तूही चण्ड मुण्ड खण्ड खण्ड दण्ड खण्ड ही
में, कीन्हें उदण्ड दण्ड सूर अति भारेगी । तूही
रक्तबीज चाबि चूसि चूसि मैया, देवन के दाह
सां उखाह मन धारेगी ॥ प्रबल प्रचण्ड तूही
पौरुष अखण्ड वारे, शुम्भ औ निशुम्भ भूमि
भण्डल में डारेगी । भनत महेश एक अचरज
बड़ोई यह, जो न तू हमारे दुख दालिद
बिदारेगी ॥ ५४ ॥

॥ कवित्त ॥

आठो याम एरी मात तूही निज दासन
के मेटत कलेश देत सम्पति घनेरी है ।
भनत महेश सोई परम पवित्र जग, जापै
तूँ नेकहूँ निगाह भरि हेरी है ॥ आफत
अखण्ड अण्ड वण्ड चण्ड दण्डही में, खण्ड

खण्ड डारत करि करत न देरी है । कौन कहि
पावै अम्ब महिमा अपार तेरी, काटत सबेरी
कर्म बन्धन की बेरी है ॥ ५५ ॥

अमित अनोखे चोखे गाय नहिं पाये गुण,
यद्यपि विरंचि त्रिष्णु बहुधा विचारेरी । केते तुम
मारे केते चावि चावि डारे खल, केतिक पछारे
केते उदर विदारेरी ॥ भनत महेश केते अधम
अजान तारे, केते निज दासन के पातक
प्रहारेरी । केतिक सम्हारे अम्ब काज देवबृन्दन
के, अमल अशेष रूप केतिक तिहारेरी ॥५६॥

चारो ओर सुख के समूह घेरि घेरि रहे, तवते
कहूँ न दुख दालिद निहारेरी । कीधौँ चावि
डारे कीधौँ अवनि पछार अम्ब कीधौँ ललकारे
कीधौँ आपही सिधारेरी ॥ औरौ एक अद्भुत
सो परत लखाई मोहि करत मिताई शत्रु पुंज
बलभारेरी । अरुण वरण चारु चरण सरोजन के,
जवते महेश आयो शरण तिहारे री ॥ ५७ ॥

(पुनः)

सिद्धन की सिद्धि बुद्धिवन्तन की बुद्धि
 तूही, धनद की निद्धि आदि शकर की शक्ति
 है । शेष औ सुरेश विधि भानु विधु विष्णु
 आदि, देवन प्रभुत्व देत मातु तुव भक्ति है ॥
 मुण्ड शूल खप्पर कृपाण कर लह लह, लप
 लप लपकत जीभ लपकति है । अट्ट अट्ट
 हँशि रिपु वृन्द भखि गट्ट गट्ट, भट्ट पट्ट
 काटत महेश की विपत्ति है ॥ ५८ ॥

कबित्त भगवतीके सिंह का वर्णन ।

क्षोभित दितिज बल सजल सुरेश जूके,
 उरमें स्व गर्जनि सौं धीर धरवैया है । प्रबल
 प्रचण्ड मारतण्ड के समान तेज, दानव दुरन्त
 दल शोण को पिवैया है । मैया तुव नाम नीर
 निर्मल सिवैयन के, धामसुख सम्पति सुपूत
 करवैया है । भनत महेश अम्ब अम्बर जवैया
 सिंह, वाहन तिहारो दुःख दालिद खवैया है ५९

॥ कवित्त ॥

सुखद कलत्र मित्र वसन विचित्र बहु
भूषण लजैया लहे रविकी प्रभाके हैं । यान
रथ प्योदे गज तुरंग सुरंग वारै, मरुत लजैया
अति कदम चलाके हैं ॥ सुकवि महेश पुत्र
पवन करैया कुल, करत भलैया शत्रु कुण्ठित
कजाके हैं । हीयमें वसाय बिसराय कुटिलाई
जिन, चरण सरोज ताके शैल की सुता के
हैं ॥ ६० ॥

॥ कवित्त ॥

सुन्दर सुहात चित्त विलसि विलास इत,
होत अधिकारी अन्त अद्भुत समाके हैं । तीन
नैन गंगसिर माल उर मुण्डन की सुकवि महेश
यान नन्दीगण वाके हैं ॥ गावती विचित्र
गान अप्सरा सुहावन सौं, बन्दत पदार विन्द
देव वृन्द थाके हैं । हीय में वसाय बिसराय

कुटिलाई जिन, चरण सरोज ताके शैल की
सुता के हैं ॥ ६१ ॥

॥ कवित्त ॥

एरे मति मन्द क्यों न त्यागि दन्द फन्द,
सबै सेवत स्वछन्द है अनन्द की सुराशी है ।
काँटे मोह फांस औ छुटावै यम त्रासहू तै,
सुखको निवास करै ज्ञान की प्रकाशी है ॥
महिमा महेश कहि पावै ना हिरण्यगर्भ, अघ
ओघ नाशी बसै यामै अविनाशी है । अर्थ
धर्म काम मोक्ष चारौ की विकाशी यह, कलि
में सुकामना की काम धेनु काशी है ॥ ६२ ॥

॥ कवित्त ॥

काहेकौ बिसारे मूढ़ डोलत महेश पद,
परम पवित्र क्षोभ लोभ के हरैया हैं । माया
की मरोरनि के मोह भक्तभोरनि के काम की
करोवनि के पल में बरैया है ॥ आठौ याम
रक्षण करैया साधु भक्तन के संकट कटैया उर-

धीर के धरैया हैं । धर्म के बढ़ैया शुद्ध बुद्धि
उपजैया निज, रूप दरसैया भवसिन्धु के तरै-
या हैं ॥ ६३ ॥

॥ कवित्त ॥

साधै योग जप तप देव अवराधै बहु,
इन्द्रिन के द्वार बांधै मनहूं गहा करै । जटन
बढ़ावै फल कन्द मूल खावै सब, तीरथ
नहावै नित कानन रहा करै ॥ भनत महेश
ध्यान अचल लगावै नर, ऊरध चढ़ावै प्राण
क्लेशहू सहा करै । चारो वेद भाषै और राखै
सम दृष्टि गुरु, पदरस चाखै जोन तदपि कहा
करै ॥ ६४ ॥

॥ कवित्त ॥

सलिल सराहत सुरासुर सु ऋषिवृन्द तांप
तृण नासिवेको दारुण अनल है । शम्भु सीस
बासिनि बिकासिनि सकल तत्व, नाम जो
अपत पद पावत अचल है ॥ धारकी धुका-

रही सौं तरि तरि जात जीव, लखि लखि होत
 यम उर खलबल है । भनत महेश बांह गहि
 मम मात गंग, काटि मलदल किन करत
 अमल है ॥ ६५ ॥

॥ सवैया ॥

भाल निशाधिप बाल छजैं, कचलाल
 अनुपम घूँघर वारे । ब्याल विभूषण माल
 कपाल, हुताशन से दृग हैं अरुणारे ॥ बारा-
 णसी कुत बाल विशाल, शरीर महेश के लाल
 दुलारे । टालत हैं भ्रमजाल कराल सो भैरव
 काल कृपाल हमारे ॥ ६६ ॥

॥ संस्कृत कवित्त शिवजी की ॥

स्फटिकशिलाऽनुकारिमूर्ति भृतिभूषिताङ्ग,
 मधिजटमति तुङ्गधारजन्हुजाधरम् । त्वाऽभय-
 शूलवरभरशशिभानुवन्धि, वीक्षण सुभोगिवृन्द
 भूषणंकृपाकरम् ॥ व्याघ्रगजचर्मवस्त्र मुण्डमालि-
 कण्ठेकाले, मादिकारणा महेश एषवै सदाह-

रम् । वन्देत्वा मनन्त मद्धितीय ममरेश शशि,
मीप्सितप्रदञ्च भक्तवत्सल मुमावस्म् ॥ ६७ ॥

॥ पुनः ॥

भक्तजन वल्लभ गिरीश निर्जरेश दीन,
दीनताऽपहारिनागहारसर्वकारकम् । बृषभविमान
दान दत्त दत्तयज्ञ ऋपु, कामऋपु, पुरऋपु
यमऋपु तारकम् ॥ योगिंबृन्द बन्दित पदार-
विन्द सुखकन्द, गुह गणपतिसुत परशक्तिदार-
कम् । कुत इहरे महेश भजसि न शिव मघ
नाशनङ्, कृपा धन म्महेश्वर म्बिपाकरम् ॥ ६८ ॥

॥ पुनः ॥

विमुक्तिदं सुभुक्तिदं म्प्रयुक्तिदं समुक्तिदं,
प्रभुत्वदं परत्वदं वरत्वदं इकृपाकरम् । भवापह
म्भयापहं यमापहं ज्ञापाहं, स्मरापहं म्पुरापह
ञ्च शङ्कर म्महेश्वरम् । विधीन्द्रविष्णु पूजितः
ञ्च वेदशास्त्र सूचित, म्महेश सम्भजस्व भक्त-
रक्षणोचितम्परम् । अहीन्द्र कालिका भरङ्कपा-

लमालिका धर, भ्रिमोह जालिकाहरङ्गिरीश
वालिकावरम् ॥ ६६ ॥

॥ कवित्त ॥

जै जै श्रीगजानन गणाधिपमें भर्जों तोहि,
दीजै सुख संपति अनेक अपनायके । गाऊँ
गुणगौरव गभीरनहूँ तेरेजिमि, ऐसी मति मेरे
हिय राखिये टिकायके ॥ कीजिये सनाथ नाथ
जानिके अनाथ मोहि, भनत महेश निजरूप
दरसायके । छीजिये कलेशु प्रभु राखियेनलेश
कछु, पारको दिखैयै दास आपनो बनायके ७०

॥ अथ नव दुर्गा के कवित्त ॥

॥ सवैया ॥

शंकर ब्रह्म उपेन्द्र सुरेन्द्र, नरेन्द्रन मैं रहि
मातु तुहीरम । तोर प्रभाव न जानि परै जग,
व्यापिरही सबमें सबके सम ॥ कौन महेश सकै
कहि कीरति, शेषहुँ हारि रहे कहिके थम ।
शैल समान हरौ दुख दालिद, शैलसुता

हरौ दुख दालिद, शैल सुता तुवदास भये
हम ॥ ७१ ॥

॥ कवित्त ॥

कारज जुटाय दुख दोषहू हटाय सब सि-
द्धिसौं मिलाय होउ ज्ञान गूढ कारिणी । तृष्णा
को घटाय आस फांसहु कटाय मम सुख सो
सटाय पातु पाप ताप हारिणी ॥ भनत महेश
मोहि तेरोई भरोसो मातु दयादृष्टि देखिये अनूप
रूप धारिणी । मेटिकै अँदेश औ कलेश छार
छार करि, कीजिये सहाय दास जानि ब्रह्म-
चारिणी ॥ ७२ ॥

॥ कवित्त ॥

ऋद्धि सिद्ध आठोयाम देत नित सेवकको,
पाप के पहाड तिन्हें काटिवेको कत्ता है । स्व-
र्गहू अकाश औ पताल भूमि सातौ सिंधु,
ब्रह्मादिक देवन में व्यापो जासु सत्ता है ॥
आफत अखण्डकरै छार छार पलमाफ, भनत

महेश फाँसफारै जिमिलत्ता है । भूलि चित्रघ-
 ग्टामूढ सेवै और टण्टा सब, मोह मद्य पीके
 भयो नाहक क्यों मत्ता है ॥ ७३ ॥

॥ कविष्ठ ॥

सम्पति सुजानन को ज्ञानिन को ज्ञान
 देत, मानिन को मानदेत मातु तूं सदाई है ।
 कामिन को कामदेत कुलजा को कानिदेत,
 कविता कवीन हूं को आपही सिखाई है ॥
 देतविद्या विद्वानन को शुद्धि बुद्धि साधुन को,
 भनत महेश सिद्धि सिद्धनने गाई है । ऐसी
 कृष्माण्डनी के ध्याऊँ मैं चरण कमल, देवनकी
 चार चार आपदा हटाई है ॥ ७४ ॥

॥ कवित्त ॥

महिमा अपार जाकी पावैनहि वेदपार,
 सहसानन गाईपै गाय नाहि पाईहे । भाललि-
 खी सेवक के खोटी गति वेशाजौन, ताहि मेदि
 आपदेत नीकी लिखवाई है ॥ आठौ याम रत्नै

और भक्त दुख दोषन को, भनत महेग होत
दासपै सहाई है । सगुण रूप धारि कीर्ति श-
म्भु की बढाइवेको, जक्त में प्रसिद्ध भई षण्मुखकी
माई है ॥ ७५ ॥

॥ कवित्त ॥

खड्गचर्म पाशदण्ड मुण्ड शून्त घण्टा हाथ,
तासु शब्द घोर देव शत्रु दुख दाई है । कोटिन
पतंगनको रोमरोम तेजजाके, तीन नैन चाप
कर बसत सदाई है ॥ माई सुत आपनेके चित्त
में सुहात जौन, भनत महेश देत तासों मिल
वाई है ॥ ध्यात्रौ कात्यायना को ध्यानबीच
मन लगाय, छाई तीनलोक में जाकी प्रभुनाई
है ॥ ७६ ॥

॥ कवित्त ॥

जाके पद पंकज सुर सिद्ध सदा ध्यावे हैं,
थापै करि ध्यान चित्त आपने विमल में । जा
गत अखण्ड जोति जाकी सब लोकन में,

सूक्ष्मरूप वाली तौन व्यापी जल थल में ॥
जाको नाम लीन्हे पाप ताप दुरात इमि, भनत
महेश जिमि सिंह मृग दलमें । काल रात्रि
नाम याको कालहृकी काल सोई, काटै जम
जाल औनिहाल करै पलमें ॥ ७७ ॥

॥ कवित्त ॥

सूरज सुरेश शेष सुगिरि सुमेरु शशि,
सम्भू सनकादि सिद्ध साधक समाधिरत । सात
सिन्धु सात द्वीप श्रीपति समीरसन्त स्वमन
समेटि जेते स्ववश सदा करत ॥ सेवत समस्त
समरत्थ तुवपाद पद्म, पावत प्रसाद परमा-
रथ नहा परत । मात महागौरी लघुबालक
महेश निज, क्योंन अपनाय मेटि दालिद
समादरत ॥ ७८ ॥

॥ कवित्त ॥

अरि को नसावै सुख सम्पति वसावै ग्रह
दुखको खसावै औ रसावै रस रागमें । पूरव

की करणी कूशैली करि ब्रारधार आप लिखि
देत शुभ सेवकके भाग में ॥ जाविधि प्रचण्ड
तेज तेरे रोमरोम प्रति, तैसो ना महेश लख्यो
रुद्र मै न आग में । माता सिद्धि दाता जन
कारज को सिद्ध करो, तुहीं सिद्धि देत सदा
दान जाप जाग में ॥ ७९ ॥

॥ स्वैया ॥

जो सुमिरै इनको चित दै, तेहि के दुख
दालिद पास न आवत । अन्त तरै भव सागर
को नर, भोगि यहाँ सुख जो मन भावत ॥
दुर्लभ जो पद योगिन को, जगदम्ब महेश
तहां पहुँचावत । आठहूँ याम निशंक रहै, भय
भीम नहीं कबहूँ ढिग आवत ॥ ८ ॥

॥ कवित्त ॥

अम्बु के बबूला जिमि अंबु में विलाय
जात, तिमि एक दिन सठ आपहू बिलाय है।
कहत जो मेरो तात मात भ्रात नारि सुत, मेरो

धन धाम ग्राम काम सो न आय है ॥ पंच
भूत पंची कृत पोषत शरीर जौन, तौनहूं महेश
पंच तत्व में मिलाय है । तासों त्यागि भ्रमं
भज भव के सरोजपद, माया में भुलाय किमि
कांरज नसाय है ॥ ८१ ॥

॥ कवित्त ॥

एरे मन्दमति गति आपनी बिसारि किमि,
कुगति में जाइवे को मन हुलसांत है । नारिन
के हेतु वनि नागर छबीलो पुनि, द्वार द्वार
गणिकन केरे अठिलात है ॥ जाके हित जन्म
दियो जग में महेश विधि, ताहि बिसराय तू
नेकहू ना लजात है । सपनेहूँ भावेनाहि धर्म-
की कहानी तोहि, पर अपवाद सुनि अतिहर-
खात है ॥ ८२ ॥

॥ कवित्त ॥

सोहै सीस गंग चन्द्र भाल तीजे नैन ज्वाल,
मुंडन की माल व्याल कुंडल सम्हारे है ॥ अंग

भस्म भूषित मृगेन्द्र चर्म परिधान, किये विष-
पान बाम और गौरि धारे है ॥ जाके रोम रोम
को अखण्ड चण्ड तेज लखि, कहत महेश कोटि
मारतण्ड हारे हैं ॥ सोई अवधूत भूत नाथ
भव भय हर, जन सुख कर स्वामी सुभग
हमारे हैं ॥ ८३ ॥

॥ कवित्त ॥

सब के व्है ईशपै रमा मैं निज भस्म अङ्ग,
गौरी पति बनि के जरायो काम आप है । जाके
धन पति नित जोरे कर ठाढे रहैं, ताके गजखाल
वस्त्र भूषण सुसाँप है ॥ नाम के लियेसे धाम
पावत महेश ध्रुव, दुख दोष दालिद दुरत
दूरि आप हैं । ऐसे अवधूत भूत नाथ निज
जन लखि, देत सुख सम्पति दलत पाप ताप
हैं ॥ ८४ ॥

॥ कवित्त ॥

चन्द्रमाल सुविशाल माल गले मुँडन की,

भुंड भुंड मंडित प्रचंड प्रेत दल है ॥ व्याल
 कर काल कचलाल कटि किंकिणी हैं, नचत
 क्वणित ख लहत अखिल हैं ॥ हांस सुत्रिलास
 युत करत महेश सुत, सुनत गगन महि कपत
 अचल है ॥ प्रवल अनल जल विकल सुतेज
 लखि सकल दलन खल भैख कुशल हैं ॥८५॥

॥ कवित्त ॥

वेद सु पुराण शास्त्र छन्द स्वरूप तूही, यंत्र
 मंत्र तंत्र बुद्धि जोतिष रमल है ॥ सुरनर मुनि
 वर लखत सुध्यान धर, तूही मातु संतन की
 दूरी कर मल हैं ॥ व्यापित सकल जल थल
 सु अनल तोसों, तुहीतो महेश जूकी हृदय
 कमल है ॥ तूही जन रंजनि विभंजनी कलुष
 पुंज, खल दल गंजनि निरंजनि विमल हैं ८६
 आपहि से भाग्यो वहेँ रोग दोष दुःख
 मेर, मानौ मात मोपै कर आपनो धरोसो है ।
 संताप औ पाप भय भीत व्हेँ दुरानै अब; देखो

अम जाल जात त्याग के डरोसो है ॥ संपति
अनेक भांति पैहों में प्रसाद तेरे, भनत महेश
मोहि धीरज परोसो है ॥ सुनिहौजरू टेरमेरी
जगदम्ब अम्ब, करिहौ बिलम्ब नाहिं जिय में
भरोसो है ॥ ८७ ॥

दिग्गज भहराने कोल कूश्म कहराने, शेष
लहराने महि डोलि उठी शंका में । सविता
थराने दिगपालहू डराने सब असुर पराने
चरण चापै चमंका में ॥ भनत महेश बीर
बाकुरे हराने मन सूरहू बराने हिय हारि के
हुमंका में ॥ काँपि उठो मेरु हले सातहू
समुद्र साँच, जननी बाराही जू के एकही
फलंका में ॥ ८८ ॥

कुण्डल ललित अति चलित नयन युग,
भृगुटि कुटिल गज गमन लजायोरी ॥ विविध
वसन करसाग सुस्यामतनु, मणिन जटित
सिर मुकुट सुहायोरी ॥ मंद मुसुकान अध-

रान दुति दंतन की, विगत मयंक मुखे
चन्द्र छवि छायोरी ॥ ऐसे एक बालक अचा-
नक जनकद्वार, कठिन महेश जू को धनुष
उठायो री ॥ ८६ ॥

विविध विलासन के हासन हुलासन के,
शोभित सुवासन के दासन की लाजके । जन
दुख नासन के बैरि वृन्द त्रासन के, निगम
प्रकाशन के भासन सुकाज के ॥ ध्रुव शुभ
आसन के तुल्य पाक शासन के, गुरु गूण
शासन के रासन सुराज के ॥ सुरुच सुवासित
महेश अंक आसित ये, चरण करण दुंदिराज
महाराज के ॥ ६० ॥

पावत पिशूष नहीं ऊख की बखान कहाँ,
तुव नीर सम सुरधेनु को न छीर है ॥ भजत
महेश तेहिं तजत न पल एक, तेरेई प्रभाव जाँत
जहर की पीर है ॥ पाप के पहाड़ काटि काटि
आठ बाट, करिभूषण भुजंग देत हरित्वक चीर है ॥

अंग राग भूति बैल वाहन त्रिशूल शशि, जो
सुधीर आय तीर त्यागत शरीर है ॥ ६१ ॥

॥ सवैया ॥

सब आश लतानित नाम जपे, नव फूल
मनोरथ के वरसैं ॥ यम किंकर औरि न देख सकै,
न महेश भली रज जे परसैं ॥ लखि तुंग तरंग
नि अँगन सौं, कढ़ि पाप भुजंग महा भर सैं ॥
तव अम्बु रती कहु गंग पिये, कृत भंग अनंग
हिये दरसैं ॥ ६२ ॥

अथ पञ्चरत्नस्तोत्रम् प्रारम्भः ।

निजजना न्नियुनक्ति निजान्तिके । किल
विधूय मला न्वहुजन्मनाम् ॥ इहविधाय सुखां
नखिलान्शिवे । प्रकृतिरेवहि ते सहिते दृशी
॥ १ ॥ अतिभरा धरणी दितिजैः कृता । लघु
तमाविहिताशु तदा तदा ॥ अहह किन्न करोषि
कृपा मयि । भवप्रिये भववृन्द विवन्दिते
॥ २ ॥ यदि मनः कुटिलं समलं खलं । गुण-

विहीन मिमामनुमातिहि ॥ कथ मनेक विवेक
विरोधिनः । तव समीप ममापरमा ययुः ॥ ३ ॥
किमु नभे गणन म्परिकल्प्यते । कलि कलङ्क
कित कुत्सित सूनुषु ॥ इति विचार्य्य समा
कुलतामधः । परिनयन् गिरिनन्दनि नन्द माम्
॥ ४ ॥ अथ न चान्य वरम्परियाच्यते । वरद
पत्नि सपत्न विपत्ति दे ॥ चरणपङ्कजरेणु सुग-
न्धिभाग् । अयि भवानि भवामि भवेभवे
॥ ५ ॥ देवीसहाय सुतसूनु महेशशर्मा । धर्माऽ
भिहीन परिपीन मलीन कर्मा ॥ तेनेदमल्पम-
तिना स्तव मीशकान्ते । कान्तानने पितमिया
दुपहार तान्ते ॥ ६ ॥

अथ बृहस्पतिकृतशिवताण्डवस्तोत्रम् ।

आंगिरसउवाच ।

जयशङ्करशान्तशशाङ्करुचे, रुचिरार्थदसर्वद-
सर्वशुचे ॥ शुचिदत्तगृहीततमोपहृते, हृदिभक्तजनो
द्धततापतते ॥ १ ॥ ततसर्वहृदंवरवरदनते, नत

वृजिनमहावनदाहकृते ॥ कृत विविधचरित्रतनो
 सुतनो, तनविशिख विशोषणधैर्यनिधे ॥ २ ॥
 निधनाद्रिविर्जितकृतनतिकृत्, कृतिविविध
 मनोरथपन्नगभृत् ॥ नगभर्तृ सुतार्पितवामवपुः,
 स्ववपुः परिपूरित सर्वजगत् ॥ ३ ॥ त्रिजगन्म
 यरूपविरूपसु दृक् दृगुदंचनकुञ्चन क्रतहुतभुक्
 भवभूत पते प्रमथैकपते, पतितेष्वपिदत्तकरप्रसूते
 ॥ ४ ॥ प्रसूताखिलभूतलसंवरण, म्प्रणवध्वनि
 सौधसुंधांशुवर ॥ धराजकुमारिकयापरया, प-
 रितः परितुष्टनतोस्मिशिव ॥ ५ ॥ शिव देव-
 गिरीश महेशविभो विभवप्रदगिरीश शिवेशमृड।
 मृडयोडुपतिध्रजगत्त्रितयं, कृतयंत्रणभक्तिविघा-
 तकृताम् ॥ ६ ॥ नकृता तत एष विभेमिहर,
 प्रहराशु ममोध ममो घमते ॥ नमतो तरमन्नद-
 वैमिशिवं शिव पादनतेः प्रणतोस्मिततः ॥ ७ ॥
 विततेऽत्र जगत्यखिलेऽघहरे, हरतोषण मेव परं
 गुणवत् ॥ गुणहीन महीनमहावलयं प्रलयान्तक

मीशनतोस्मिनतः ॥ ८ ॥ इतिस्तुत्वा महादेवं
 विरामाङ्गिरः सुतः ॥ व्यतरच्च महेशानः स्तु-
 त्यातुष्टोवरान्बहून् ॥ ९ ॥ श्रीमहादेवे उवाच ॥
 बृहतातपसानेन, बृहतांपतिरेथ्य हो । नाम्ना बृह-
 स्पतिरिति, ग्रहेष्वर्च्यो भवद्विज ॥ १० ॥ अस्मा-
 ल्लिङ्गार्चनान्नित्यं, जीवभूतो सिमेयतः ॥ अतो
 जीवइति ख्यातिं त्रिपुलोकेषुयास्यसि ॥ ११ ॥
 वाचाप्रपंचैश्चतुरै, निप्रपंचोयतः स्तुतः ॥ अतो
 वाचा प्रपंचस्य पतिर्वाचस्पतिर्भव ॥ १२ ॥
 अस्य स्तोत्रस्य पठना, दपि वागुदीयाच्चयम् ॥
 तस्य स्यात्संस्कृतावाणी त्रिभिर्वपै स्त्रिकालतः
 ॥ १३ ॥ समुत्पन्नेमहाकार्ये, नसबुद्ध्याप्रहीय
 ते । यः पठिष्यत्ययंस्तोत्रं, वायव्याख्यंदि
 नेदिने ॥ १४ ॥ अस्य स्तोत्रस्य पठना,
 न्नियतम् मम सन्निधौ ॥ न दुर्वृत्तो प्रवृत्तिः
 स्या दत्रिवेकमतां नृणाम् ॥ १५ ॥ अयं स्तोत्रं
 पठन् जन्तु, जातुपीडां ग्रहोद्भवाम् ॥ नप्रा

प्यति ततो जप्य, मिदं स्तोत्रं ममाग्रतः ॥ १६ ॥
 नित्यं प्रातः समुत्थाय, यः पठिष्यति मानवः ॥
 इमां स्तुतिं हरिष्येऽहं, तस्य बाधा सुदारुणा
 ॥ १७ ॥ त्वत्प्रतिष्ठितलिङ्गस्य पूजां कृत्वा प्रय-
 त्ततः ॥ इमां स्तुतिमधीयानो मनोवाञ्छामवाप्स्य-
 ति ॥ १८ ॥ इति समाप्तः ॥

॥ अथ गौरीशाष्टकं प्रारम्भः ॥

भज गौरीशं, भज गौरीशं गौरीशं भज मन्दमते
 जडभव दुस्तर जलधि सुतरणं, ध्येयं
 चित्तं शिव हर चरणं ॥ अन्योपायं नहि नहि
 सत्यं, गेयं शंकरं शंकरनित्यम् ॥ भज० ॥ १ ॥
 दारापत्यं क्षत्रभित्तं, न्देहङ्गेहंसर्वं मनित्यं ॥
 इति परिभावय सर्वासारं, गर्भं विकृत्यास्वप्नवि-
 चारम् ॥ भज० ॥ ३ ॥ मल वैचित्ये पुनरा-
 वृत्तिः पुनरपि जननी जठरोत्पत्तिः ॥ पुनर-
 प्याशा कुलितं जठरं किं नहि मुञ्चसि कथमे-
 चित्तम् ॥ भज० ॥ ३ ॥ माया कल्पितं मैन्द्रं

जालं, नहि तत्सत्यं दृष्टि विकारं ॥ ज्ञाते तत्त्वे
 सर्वमसारं, मा कुरु मां कुरु विषय विचारम् ॥
 भज० ॥ ४ ॥ रज्जौ सर्प भ्रमणारोप, स्तब्दद्ब्रह्म
 णिजगदारोपः ॥ मिथ्या मायामोह विचारं मन-
 सि विचारस्य वारंवारम् ॥ भज० ॥ ५ ॥ अध्वर
 कोटी गंगा गमनं, कुरुते योगं चेन्द्रियद
 मनम् ॥ ज्ञान विहीने सर्व मतेन नभवतिमु-
 क्तिर्जन्म शतेन ॥ भज० ॥ ६ ॥ सोहं हंसो
 ब्रह्म वाहं, शुद्धानंदस्तत्त्व परोहं ॥ अद्वैतोहं संग
 विहीने, चेन्द्रिय आत्मनि निखिलेलीने ॥ भज०
 ॥ ७ ॥ शंकर किंकर माकुरुचिन्ता, चिन्तामणि-
 ना विरचित मेतत् ॥ यः सद्भक्त्या पठतिहि
 नित्यं, ब्रह्मणि लीनो भवतिहि सत्यम् ॥ भज० ॥ ८ ॥
 इति श्रीशंकराचार्यविरचितं गौरीशाष्टकम् ।

शिवगीतम् अर्थात् संस्कृत शिवजी की

गजल ।

शिव पाहिमा मनिशं शरण्य तवा इन्द्रिमूल

बलम् । भववारिधौ पतितम्प्रदर्शय पादपोतम-
 लम् ॥ १ ॥ जगदीश जागरितञ्जगत्कुरुकौ
 शलेसततम् ॥ शतधाविभिन्न दृशा ममाह मि-
 तिभ्रमङ्गमितम् ॥ २ ॥ तव मायया जितया
 जितं जन मीश लुप्त विदम् ॥ सुतदारदेह
 निवास वित्त सुहृद्विषक्तहृदम् ॥ भवयावदेव-
 तवाङ्घ्रिचिन्तनतो जगद्विमुखम् नहितावदस्ति
 शिवंशतन्तुयजीतनाथमखम् ॥ ४ ॥ महिपार
 मम्बुज भूपभृत्यमरानचापुरलम् ॥ यदनुस्मृत
 म्प्रगतंश्रुतं न्तवनाथहन्तिमलम् ॥ ५ ॥ हरहृ
 त्सरोजनिविष्ट मङ्घ्रिसरोज मिष्टद्रिशम् ॥ तव-
 चिन्तया चिर मातनोति शिवंशिवेशभृशम् ॥ ६ ॥
 जप योगयज्ञस्ताय जन्तिजनानयन्ति सुखम् ॥
 भवदीय भावनया विना शिव शुद्धयाधिम-
 खम् ॥ ७ ॥ जगदुद्भव स्थित संयमायधृतं वपु-
 स्त्रितयम् ॥ त्वयकाञ्ज विष्णु महेशनाम कता-
 नताहि वयम् ॥ ८ ॥ जनपाल माल निशा

धिपाल विशाल दृक्त्रयशम् ॥ जगतोविधेहि
 दयानिधे हित कृन्निधेहि दृशम् ॥ ६ ॥
 जयदेवशूल कराद्रिनाथ कपालमाल दृढम् ॥
 गिरिजाधवाक्ष फणीन्द्रहार पुनीहिमामघृणम् ॥
 ॥ १० ॥ अधवानसाविति यत्त्रयासमुपेक्षि-
 तोहमहम् ॥ हरनामतेकिमुसार्थकन्नमहेश-
 पुण्यवहम् ॥ ११ ॥ यदि मा तमोगुणि-
 नङ्गिरीश नुमन्यसेसमलम् ॥ किमुनागहा-
 रकपाल माधरमित्तिदं सकलम् ॥ १२ ॥ यदि
 मन्यसे प्रकृतेर्गुणैरदतादयं सुकृतम् ॥ तदनुप्रवे-
 शनमेविभोकिमुदेवनाभिकृतम् ॥ १३ ॥ बहवो-
 घवन्तइतो विभोस्वभतारिता भवता ॥ किमुपेक्षि-
 तोहमधीतवास्मियथास्वकानवता ॥ १४ ॥ क्रनुया-
 मिक्किङ्करवाणि हायतवाङ्घ्रि वारिभवम् ॥ अभि-
 सृत्ययत्तवयन्तिधामशरण्य मुक्तजवम् ॥ १५ ॥
 शिवनान्यमत्रभवन्तमीश विनात्मनोजनकम् ॥
 अवलोकयामि जनाश्रयंशरणम्त्रजामितुकम् ॥

॥ १६ ॥ पितुरीशपुत्रामिवात्मजंबृणुमामतो ज-
नकः ॥ जगतीत्थमेवनिरीक्ष्यतेयदयत्रजनो-
गमकः ॥ १७ ॥ शरणम्त्रजाभिशरण्यमीशभव-
न्तमिष्टद्रिशम् ॥ परिपाहिमामघिनंविशस्यमना-
हसेतिभृशम् ॥ १८ ॥ भववन्धनच्छिदमङ्घ्रि-
वारिज मानतो भवते ॥ शिरसासुरादिभिरीडितं
सकलेशभक्तपते ॥ १९ ॥ करुणेक्षणेन निरी-
क्षणीय उमाधवा हमधी ॥ नहिविस्मरस्वमहे-
शमा मखिलाधहन्ननधी ॥ २० ॥ निरुपद्रवायशि-
वायशान्ति करायशन्ददते ॥ अगुणाय सन्धु-
त्तविग्रहाय नमोस्तुयज्ञकृते ॥ २१ ॥ रविवंश-
जन्माधीश राज्य पुरप्रसाद इदम् ॥ व्यतनो-
द्घघ्नमभीष्टदं शिव रम्य सद्म पदम् ॥ २२ ॥

इति

॥ श्रीदेवीसहायवियोगजशोक्कानन्ददर्पणम् ॥

विघ्नान्तकं विमलबुद्धिप्रदं गणेशम्, भृ-
ङ्गावली विलसितेन्दुरुवाहनञ्च । बालेन्दु

शेखर चतुर्भुज मीप्सिताप्त्यै, नागानन झिरि
 सुता तनयं स्मरामि ॥ वेदाब्धिरत्न विधुस-
 म्मित विक्रमाब्दे, तातीयिकार्युत फाल्गुन
 शुक्लपक्षे ॥ वीरश्वरान्तिक मवाप्य महास्म
 शाने, देवीसहाय इतईश पुरं हरंस्परन् ॥ १ ॥
 ब्रह्माण्डमार्गगतप्राणममुंयथाजनाः, वाराणसी
 मधिगताः शुशुचुः सुवृत्तमः ॥ श्रीविश्वनाथ
 पदपद्म परागषट्पदाः, वेदान्तगाखलुसमासतया
 तथाब्रुवे ॥ २ ॥ हा सर्व सत्वसमदृष्टि प्रसन्नमूर्ते
 हा धर्ममूल भवबन्धन भेदशूल ॥ हा शम्भुभक्ति
 शुचिसोमलताश्रयत्वं, देवीसहाय प्रविहाय गतः
 कथन्नः ॥ ३ ॥ हेविश्वनाथ करुणाकर शूल-
 पाणे देवीसहाय इह सिंहसमो वनेन ॥ वात्र-
 ज्यमान पुरुष द्विपराज तोऽमी, स्थास्यन्ति
 धर्मतरवः कथमद्य हाहा ॥ ४ ॥ देवीसहायप्रि-
 य भक्तिलयाऽवलेयम्, भक्तिस्तवाद्य स्मणी-
 तरुणीव दीना ॥ कंयास्यतीह शरणं पुरुष-

म्बरेण्यं, हाहन्तहन्त गिरिजेश महेश शम्भो
 ॥ ५ ॥ शम्भ्वङ्घ्रि पद्य रसिक भ्रमराभिलीना,
 भोभोबुधाः कमलिनीव महेश भक्तिः ॥ नोचे-
 द्विकाशमयतान्तु किमत्रत्रिन्म, देवीसहाय
 सुरविर्हिगतोऽधुनाहा ॥ ६ ॥ तच्छिष्यवर्गसुत
 सुनुसुनाजनास्ते, संस्थाप्ययानमगन्मणिकर्णि
 कान्तम् । इत्थम्बिलप्यशिवदंशिवविश्वनाथं प्र-
 क्रम्यत्रात्र कथयामियथातथाहम् ॥ ७ ॥ इति-
 श्रीमहेशदत्तावाजपेयिविरचिते श्रीदेवीसहाय-
 वियोगजशोकाऽनन्ददर्पणम् समाप्तम् ॥

॥ विशेष द्रष्टव्य ॥

सर्व सज्जनों को विदित होकि इसी पुस्तक को पहिले देवीसहायजीने भैरोनाथ जोशी द्वारा छपवाया था परन्तु उसने अपनी बुद्धिमत्ता से सोधा श्री शिव चरित्र प्रकाश नाम रक्खा श्री उनसे कुछ भी सलाह न लिया इस कारण ग्रंथ अशुद्ध हो गया उसे देख बाजपेईजी अत्यन्त रुष्ट भए और उससे कहा कि तुमने हजार कापी छपवाया है उसे बेच लेना और फिर कभी मत छपवाना तदुपरान्त हमको पुस्तक छपवाने की आज्ञा दी तब हमने छपवाय के उनको दिखाया उसे देख अत्यन्त प्रसन्न भये और कहा कि अब तुम्ही इसे छपवाया करना और रजिस्टरी भी हमारे नाम से करवाय दिया तब से हमी छपाते और बेचते हैं और किसी को छपवाने का अधिकार नहीं है ।

अतएव कोई महाशय इस ग्रन्थ को किसी प्रकार उलट पुलट करके छपवाने का उद्योग कदापि न करे क्योंकि नफा के एवज में नुकसान न उठाना पड़े इतिशम् ।

सदनुगृहीत

शा. प्र. पु.

विज्ञापक—

परिणत मोतीराम औदीच्य ।

श्रीगणेशायनमः ।

शैवमनोरंजनी

तृतीय भाग ।

॥ कवित्त गणेशजी का ॥

सिद्धिके सदन गजवदन विशाल तन,
दरश कियेते बेगि हरत कलेश को । अरुण
परांग को ललाटमों तिलक सोहै, बुद्धिके नि-
धान रूप तेज ज्यों दिनेश को ॥ मंगल करण
भव हरण शरणगये, उदित प्रभाव जाको विदित
त्रैलोक्य को । जेते सुभ काज तामे पूजिये प्रथम
ताहि, ऐसो जग वन्दन सुनन्दन महेश को ॥

॥ भैरवी खेपटा ॥

नित वसो हियमें मेरे गुरुके चरन, जामे
सदां शिव दे दरशन ॥ टेक ॥ गुरुकी कृपा
कटाक्ष कियेते दिन दिन लागी बुधि सुधरन ।
गुरु महाराज की सेवा कीन्हे सुर नर मुनि सब

होय परसन ॥ गुरु पदमे अनुराग करो मन
तत्र शिव सुनि है तेरी वचन । देवीसहाय कह्यो
गुरु मोसों निस दिन शिव शिव का सुमि-
रन ॥ २ ॥

॥ अर्जी ॥

हे शंकर करुणा निधान शिव सुनिये अरज
हमारी रे । बार बार कर जोर जोर हम आरत होय
पुकारीरे ॥ भवसागर में जन्मपायके भयो मोहि
दुख भारीरे । करिये कृपा जानि निज सेवक
लीजे वेगि उबारीरे ॥ गिरिजा नाथ हरो दुख
मेरो आयो शरण तिहारीरे ॥ विपत विदारण
नाम तुम्हारो वेद पुराण पुकारीरे । देवीसहाय
दास अपने को दरश देहु त्रिपुरारीरे । आनद
वन में वेगि बुलावो चितवो पलक उधारीर ॥३॥

॥ लावनी आत्मा वीरेश्वर जीकी ॥

हे आत्मा वीरेश्वर महाराज खबर ल्यो मेरी ।
दुख हरो उमापति नाथ शरण में तेरी ॥ में

दोन दुखी हों नाथ विपत मे घेरी । चितदे
 चितवो महाराज कमल मुख फेरी ॥ तुम दीनन
 की सुधि लेत करत ना देरी । दुख० ॥ १ ॥
 मेरी बड़ी लालसा तुम्हरे दरसन की है । सदा
 रहों तुव पास यहै बासना मन की है ॥ दिन
 रैन चैन नहिं परत बिना तुम विन है । क्या कहौ
 तुम्हारा हिया सदा शिव धन है ॥ मोहि जान
 अजान नाथ करत शिव देरी । दुख० ॥ २ ॥
 ब्रह्मा अरु विष्णु गणेश शेष सब ध्यावैं ॥ तु-
 म्हरे पद पंकज पूजि सकल सुख पावैं ॥ सब
 वेद पुराण पुकार प्रगट जस गावैं । भक्तन
 हित आय महेश कलेश नसावैं ॥ अब काहे
 लगावत बार हमारी वेश ॥ दुख० ॥ ३ ॥ जे
 भक्ति भाव उर आन सुयश यह गावैं । ते
 परम अभय पद पाय हिये हरखावैं ॥ जे गुरु
 चरणन चित लाय सुथ्यान लगावैं । तव
 होय प्रसन्न शिव आप मैं आप लखावैं ॥

देवीसहाय यह अरज दरस हित देरी ॥ दुख
हरो० ॥ ४ ॥

॥ भैरवी ॥

अब मन बसी हमारे काशी ॥ टेक ॥ निस
वासर शिव सुमिरण कीन्हे नेकन होत उदा
सी । असी वरुण के बीच वसतु है विश्वनाथ
अविनासी ॥ अब० ॥ सुर पुर सरिस सदन
सब करे मुक्ति द्वारपर दासी । देविसहाय सुना-
वत शिवको तुम अंतर घट बासी ॥ अब
मन० ॥ ५ ॥

॥ भैरवी ॥

प्रभु मेरे सुनो दासकी विन्ती ॥ टेक ॥ तेरे
चरण कमल में निसदिन लागी रहै मेरी प्रीती ।
काम क्रोध मद मोह मिटावो हरो सकल अघ
कीती ॥ प्रभु० ॥ दीनबंधु यह नाम तिहारो
श्रुति पुराण कह नीती । देविसहाय कहै निस
वासर शिव सुमिरण की रीती ॥ प्रभु मेरे० ॥ ६ ॥

॥ भैरवी ॥

शिवजी सहाय करो अब मेरो ॥ टेक ॥
शोक सिन्धुने आय दयानिध कियो चहुँ
दिस घेरो । अपनो दास जानिये मोकों
दया दृष्टि करि हेरो ॥ शिवजी० ॥ आयो
नाथ शरण में तेरे दीन दुखी हूँ तेरो । देवी-
सहाय बसे आनंद वन द्रश्य करे नित
तेरो ॥ शिवजी० ॥ ७ ॥

॥ भैरवी ॥

शिव शंकर जी को जो सुमिरै । भवसा-
गर से तेइ पार उतरै ॥ टेक ॥ जिनके शिव
भक्ति नही उरमे दुख देखि देखि नित वो कहै ।
तनमे मनमे जिनके वो बसें सुख संपत पाय
करै लहरै ॥ शिव० ॥ गुरु देव दया करि जाहि
लखै तिनको गौरीश दिखाइ परै । देवीसहाय
काशीमे आय तन त्याग करै जनमें न
मरै ॥ शिव० ॥ ८ ॥

॥ भैरवी ॥

हमारे प्रभु ऐसे गरीब निवाज ॥ टेक ॥
 दीनन की सुधि वेगि लेत हैं, करत सफल
 सब काज । संकट हरत दासको अपने, राखत
 जनकी लाज ॥ हमारे० ॥ भक्तिभाव अनु-
 राग देत है दानिन के सिस्ताज । देवि सहाय
 कहत कर जोरे दरस देउ महाराज ॥ हमारे० ॥६॥

भैरवी खेमटा ॥

भोले बाबा हमारे गोरे बरन, तोहीसो मोरी
 लागी लगन । जाके चरन कमल की सेवा
 ब्रह्मादिक सब आये करन । बाम अंग गिरजा
 महारानी सोई मेरे मन को कियो है हरन ॥
 भक्ति भाव दै हैं प्रभु मोकों याही ते आयो
 सांब सरन । देवीसहाय कह्यो गुरु मोसो शिव
 शंकर को ध्यान धरन ॥ १० ॥

॥ गजल ॥

लगालो चरण अपने में सदाशिव सांब तुम

मुझको । मैं पाउं भक्ति वर अब तो दरस देनाजी
 तुम मुझको ॥ प्रेमप्रीतकी डोरी बहुत दिनसे
 लगीमोरी । जरा अबतो दया कर्के निहारो नाथ
 तुम मुझको ॥ आशा तजी सकलकेरी भयो मैं
 अब शरण तेरी । भरोसा आपहीका है सम्हारो
 नाथ तुम मुझको ॥ कामक्रोधकी ढेरी हियेमे
 आनकरधेरी । अपार अपनी मायासे उबारो नाथ
 तुममुझको ॥ हरो भ्रम जालका फाँसा करो
 हियमें मेरेवासा । देवीसहाय दर्श दीजे उमापति
 नाथ तुम मुझको ॥ लगालो० ॥ ११ ॥

॥ प्रभाती ॥

राखिये महँराज लाज आनदवन बिहारी,
 दयादृष्टिसे हरो सकल अर्धओघ भारी ॥ टेक ॥
 वंदत चरणारवृन्द जोहत मुखारवृन्द, कमलनैन
 मेरीओर देखिये उधारी । राखिये० ॥ मनमे
 बसजाहु मेरे लागुँ मैं चर्ण तेरे, प्रेममें दिखावो
 नाथ आस है हमारी ॥ राखिये० ॥ भक्तिभाव

दीजिये वेगिकृपा कीजिये, अरजि सुनिलीजिये
 शंभुजटाधारी ॥ राखिये० ॥ शरणमें बोलाय-
 लीजै दरश दिखाय दीजै, देविको सहाय मेरे
 शंकर त्रिपुरारी ॥ राखिये० ॥ १२ ॥

दुमरी खम्माच ॥

सदाशिव चरन कमल रति मान, तुमारा
 भला करै भगवान ॥ जे मुनिवर पूर कहि
 सम्हारै करहि सदा तुव ध्यान । तिनके विमल
 बिबेक होत उर मिटै मोह अज्ञान ॥ नेम प्रेम
 शिव हेत करत जे तिनकी कीर्ति बखान ।
 अन्त काल प्रभु लोक जायके पावत पद
 निर्वान ॥ देवीसहाय उमापति को जस बेदन
 कीन्ह बखान । ताते जगत पवित्र भयो है ऐसे
 शंभु सुजान ॥ १३ ॥

॥ श्रीगुरुदेवकी लावनी ॥

श्रीगुरुचरण कमलमे निशदिन मन को
 खूब लगाये हैं । उन्हीको भक्ति, मिली है शिवकी

वो शिवभक्त कहाये हैं ॥ सेवा पूजा गुरुकी कर
 के उर आनन्द बढाये हैं । कृपानीर से, निरमल
 हियकर कलिमल धोय बहाये हैं ॥ भौसागरसे
 पारजानको नामशिवाशिव पाये हैं । उसीको
 सुमिरण करते निसदिन गुरुमहराज बताये-
 हैं ॥ उन्हीको० ॥ १ ॥ वेद पुराण गुरुकी
 महिमा जानत सोई गये हैं । पापीके मनमें,
 नहिभावै पुकार पुकार सुनाये हैं ॥ बड़े भाग्यसे
 गुरुकीसेवा जोजनसे बनिआये हैं । उन्हीसे-
 राजी, है शंकर उनहीके मनभाये हैं ॥ जिन-
 की कृपाकटाक्ष कियेसे शंभुजी अपनाये हैं ।
 ऐसे गुरुके चर्ण, कमलमें निसदिन शीश
 नवाये हैं ॥ गुरु शिवमें कछु भेद नहीं है जिन
 अस बुद्धि बनाये हैं । उन्हीको० ॥ २ ॥ उनके
 गुण कहाँलगि बरणो बेदहु पार नहि पाये हैं ।
 शेष गणेश, औ नारद शारद महिमा देखि लजा-
 ये हैं ॥ मन वाणीको गम्य जहाँ नहि ब्रह्मा-

विष्णु थकाये हैं । मो पामरकी, कौन चलावे
 निज मनको समुभाये हैं ॥ कृपा करके गुरुदेव
 हमारे शिवके भजन सिखाये हैं । निसदिन
 मगन रहौं मैं उसमें भौबंधन छुटवाये हैं ॥ अपने
 संग राखिके निसदिन मनका भरम नसाये हैं ॥
 उन्हीको० ॥ ३ ॥ गुरुमें प्रीत नहीं है जिनकी
 वृथा वो जगमें जाये हैं । विषै वासना में, वो
 फसके निसदिन पाप कमाये हैं ॥ परनिंदा पर
 धन परदारा इनहीं संग लुभाये हैं । जिनके
 खातिर, जगत में आये उनहीको बिसराये हैं ॥
 जमदूतन की मारखायके फिर फिर वो पछिताये
 हैं । जन्म मरण दुख, पायपायके बहुतै कष्ट उठा-
 ये हैं ॥ देवीसहाय अपने हियमें शिवको स्वरूप
 बसाये हैं ॥ उन्हीं को भक्ति० ॥ ४ ॥ १४ ॥

॥ लावनी आत्मा वीरेश्वरजीकी ॥

आत्मा वीरेश्वर के दरशन जो नेम प्रेमसे
 करते हैं । कृपाकटाक्षसे, शिवशंकरजी उनके

दुखको हरते ह ॥ प्रेमप्रीतसे पूजा करके भव सागरसे तरते हैं । जमराजा तो, आपी उनसे निसदिन डरते रहते हैं । नाम सुने से कोटिन पातक जिनके भयसे जरते हैं । ध्यान कियेसे, आपी घटमें भक्तनको लख परते हैं ॥ पूरण-भक्त वही है जिनको पल भर नहीं विसरते हैं । कृपा० ॥ १ ॥ उनकी सेवा उन्ही को मिलती गुरुपदको जो ध्याते हैं । परनिन्दा परधन परदारा इनको खूब बचाते हैं ॥ गुरुकी कृपा नीरसे अपने मनका मैल छुडाते हैं । प्रेम रंगमें वो फलके नित आनंद हृदय बढाते हैं ॥ भक्तिभाव अनुराग रंगमें मनको खूबरंगाते हैं शिवके चरण कमल बिन देखे औरन कछू सुहाते हैं ॥ उन की आस लगाये निसदिन जहां कहीं वो फिर ते हैं ॥ कृपा० ॥ २ ॥ कलियुगमें तुमरी महिमा को सब कोई नहिं जानेंगे । जिनके ऊपर, कृपा तुम्हारी उनही तो पहिचानेंगे ॥ बड़े भाग्य है

उनके जो जन सेवा तुम्हरी पावेंगे । तुम्हरे
 गुणको, प्रेम प्रीतसे निसदिन जो नर गावेंगे ॥
 तुम्हरे चरण कमल में अपने मनको वास करा-
 वेंगे । दीनदयाल दयाकर उनको बेगहि दरस
 दिखावेंगे ॥ गुरु पदमें अनुराग बढ़ाये निसदिन
 जो जन रहते हैं । कृपा कटाक्षसे ० ॥ ३ ॥ तुम्हरे
 ऐसे दानीशंकर सुने नहीं नहि देखे हम । ब्रह्मा
 विष्णु असुर सुन नर मुनि सबै बरदान दिये
 हौ तुम ॥ तुमरे शरणमें आये हैं हम हमरौ
 दुःख हरो अब तुम । दीननको अपनाते हौ तो
 हमहूँको अपनावो तुम ॥ आपतो ऐसे दानीहो
 के हमरी बेर क्यों होतेहो सुम । हमतो आस लगा
 के आये सब दिन के हौ दानी तुम ॥ देविसं-
 हाय महेश उमाको ध्यान हृदयमें धरते हैं ।
 कृपाकटाक्षसे ० ॥ ४ ॥ १५ ॥

लावनी ।

शिव शंकर के चरण कमलमें गुरुके बिना

लगावे को । बार बार यह, चंचल मनको उनके
 बिन थिर करावै को ॥ शिवका नाम मार है कलि
 में भवसागर तर जावे को । नरतन प्राय, उपाय
 यही है उनके बिनावतावै को ॥ सकल वासना
 जगकी भूठी गुरुके बिना हटावे को । कामादिक
 ऐसे बैरिनसे उनके बिना बचावै को ॥ चिंता
 अग्नि लगी उर अंतर गुरुके बिना बुझावे को
 ॥ बार बार० ॥ १ ॥ सुन्दर मूरत गौरी शंकर
 मेरे मन में भाये हैं । आप हमारे हियमें आके
 आपसे वो समाये हैं ॥ गौर अंगकी छवि नहिं
 भूले भस्म सर्वांग रमाये हैं । व्यालनके, भूषण
 की सोभा देखनको ललचाये हैं ॥ जटा सीसमें
 पिंगल सोहै गंगधार लहराये हैं । माथे में है
 तिलक चंद्रमा सीतलता अतिझाये हैं ॥ नैनन
 की है सुन्दरताई गुरुके बिना लखावे को ॥
 बार बार० ॥ २ ॥ वाम अंगमें गौरि विराजै
 कोमल जिनकी बानी है । सदा दया दास पर

करती दया सिंधुकी खानी है ॥ सकल जगत
की कारज करतीं वोही आदि भवानी है । सुर
नर मुनि, के दुःख हरण को सबकी अस्तुति
मानी है ॥ बड़े बड़े अपराधिन के वो काटत नरक
निसानी है । मेरी आस लगी शंकर से सो
सब तुपने जानी है ॥ मेरो मन तरसत है जननी
तुम बिन दुःख छुडावे को । बार बार० ॥ ३ ॥
और सकल सुरन सों बिनती मेरी यही है हर
वार । सहाय करो, सब कोई मिलके सब जग
सुनिये मोर पुकार ॥ मनकी भटक मिटे सब मेरी
हरल्यो पातक सकल विकार । दृढ विश्वास, होय
उर मोरे चाहे कोइतो सकेन टार ॥ सबकी कृपा
कटाक्ष किये से अपने मनमें करू विहार । गौरी
शंकर, हियमें बैठे निसदिन उनको रहूं निहार ॥
देवीसहाय शिवश कर जीसे गुरुके विना मिला-
वैको । बार बार० ॥ ४ ॥ १६ ॥

॥ लावनी ॥

शिव शिव सुमिरै सब अघ भागे जागै उर
में ब्रह्म ज्ञान । शिव की कृपा, भक्ति वर पावै
प्रेम करै शंभु भगवान ॥ चारो वेदने येही गायो
छत्रो शास्त्र मिल कियो है छान । शिव शंकर
के, नामकी महिमा कलियुग में कम्ते परधान ॥
वेदव्यास पुराण बनायो सबमें यही कियो बखान ।
भौसागर से, पार जानको शिव सुमिरो तजि के
अभिमान ॥ सबके मनसे येही ठहरयो शिवके ना-
म लिये कल्याण । शिव की कृपा० ॥ १ ॥ नाम
लिये तें कोटिन पापी वालमीक से भये ब्रह्म
समान । अरे मन मूढ, चेत कर अबहूं माया में
क्यों फिरे भुलान ॥ जिनको ध्यान धरै जोगी जन
तिनकों बेगि करो पहिचान । बारबार, समुभाय
कहत हो शिव की महिमा को अब जान ॥ संत
नाम सुधारस पीवत देखत शिवमय सकल जहा-
न । आसा उन्को, उन्ही की रहती पावत है

उत्तम अस्थान ॥ शिवशिव सुमिरे बुद्धि विमल
 व्है मिटि जावै अंतर अज्ञान । शिवकी कृपा०
 ॥ २ ॥ नाम लिये से सब सुख पावे कामक्रोध
 भागैलै जान । नाम लियेसे, सुर नर मुनी सब
 आपी से करते सनमान ॥ ध्यान किये से
 अपने मन की मिटे भटक होवे बुधवान ॥
 नाम रटेसे, भय भव भागे सत संगत पावै
 सुख खान ॥ नाम को भजन करै जो कोई
 वोही है भक्त चतुर सुजान । प्रेम रंग में
 वोही भलकै सदा करै शिव को गुणगान ॥
 जिनकी लौलगी शंकर सो नाम सुधारस करै
 वो पान ॥ शिवकी० ॥ ३ ॥ नाम भजो सब
 काम तजौ संग तेरे कोई नहि जावेगा ।
 वृथा संग, दुनियाँ का कर के अन्त फेर पछ-
 तावेगा ॥ ममता मोहमे फसि के जोतूं शिवसे
 नेह न लावेगा । जमराजके, जाचन से फिर
 तोको कौन बचावेगा ॥ गुरुकी सेवा किये

बिना भव बंधन को छुड़ावेगा । जन्म जन्म तूं,
पाप कमा के नरक कुंडको पावेगा ॥ देवीसहाय
कहैं जिनके उर शिव सुमिरन की पड़ी है बान ।
शिवकी कृपा० ॥ ४ ॥ १७ ॥

॥ लावनी पारवतीजी की ॥

सुनिये गिरजा महराणी मेरी शिवके संग
तुम रहती हौ । यह मेरो, दुख दारुण लखिके
क्यों नहि उनसे कहती हौ ॥ हम तो आसा
तेरी रखते तुम हमसे क्या चहती हौ । मान
बडाई, की धन विद्या किस्का दुख तुम सहती
हौ ॥ बड़े बड़े अपराधिन का तुम आपी पातक
दहती हौ । जो कोई, तेरे शरण में आवे उसका
कर तुम गहती हौ ॥ सब की टेर सुनी है तुमने
मेरी क्यों नहि सुनती हौ । यह मेरो० ॥ १ ॥
बालकके अपराधको मनमें तुमको नहि रखना
चहिये । संकटबेगि, मिटे यह मेरो सो तुमको
करना चहिये ॥ सदां ध्यान चरणों मे तेरे

हमको अब धरना चाहिये । शरण मे तेरे, आये हैं मां तुम को दुख हरना चाहिये ॥ तेरी कृपासे खोटी गति अब मेरी सब टरना चाहिये । तुमरी दया. हमारे ऊपर सदा बनी रहना चाहिये ॥ शंकरजी की महाराणी होके जगजन नी कहलाती हौ । यह मेरो ०२ ॥ कोइ नही सहायक मेरो तुमरे बिना हो माताजी । सकल आस, विस्वास भरोसा तेरा ही है माताजी ॥ तुम्ही हौ शक्ति तुम्ही हौ दुर्गा तुम्ही हौ गिरिजा माताजी । भक्तनको, बरदान देत हौ गणपत का हौ माताजी ॥ बेद पुराण भनत जस तेरो शेष शारदा माताजी । दीनन को दुख दूर करत हौ दयासिंधु हौ माताजी ॥ सब देवनके कारज कीन्हे मुझपर देर क्यों करती हौ । यह मेरो ० ॥ ३ ॥ तेरी शरण में आये हैं मां तेरी आस हम रखते हैं । सुनो अब तुम हमारी विनती दोऊ कर जोरके करते हैं ॥ कल नहि

परत रैन दिन मोंकों अतिशय दुखको सहते हैं । शंकरजीसों, बेगि कहौ मां यैही तुम सो कहते हैं ॥ कैसे दिन अब कटे हमारे सेवा विना तरस्ते हैं । गौरी शंकरस्वामी मेरे दरसन उन्का चाहते हैं ॥ देवीसहाय कहै ऐसे मैं धीरज कैसे धरतीहौ । यह मेरो० ॥ ४ ॥ १८ ॥

॥ होरी ॥

हमतो शिवको सुमिरैंगे ॥ जन्म जन्म के पाप पुरातन नाम लियेसे जरैंगे । तब दैहें मोहि भक्ति सदा शिव, गुरुजी कृपा करैंगे ॥ सकल दुःख मेरे हरैंगे । हमतो० ॥ दरसन विना बहुत दिन बीते ध्यान हृदयमें धरैंगे ॥ दीन दयाल उमा पति मेरे, प्रेममे देखि परैंगे ॥ द्विगनसे छिनन टरैंगे । हमतो० ॥ शरण में आय सदा शिव तेरे चरण में धाय परैंगे । तुम से प्रीत लगी बहु मेरी, अब दिन मेरे फिरैंगे ॥ हमतो० ॥ उमा पति मोपर ढरैंगे ॥ देवीसहाय

शिवो शिव सुमिरत भौसागर उतरैंगे । अंत
समय तन त्यागके अपनो, शंकर रूप धरैंगे ।
आनद बन में बिहरैंगे ॥ हमतो० ॥ १६ ॥

॥ घांटे ॥

शिवजी से नेह लगायो हो रामा, गुरु ने
बतायो ॥ शि० ॥ और कछू मोहे नाहि सो-
हावत गिरिजापति मन भायो हो रामा ॥
गुरुने० ॥ पूजन भजन करत निस वासर
उन्हीं मोहि सिखायो हो रामा ॥ गुरु० ॥
तब से धार कियो शिव शंकर नाम रतन
धन पाया हो रामा ॥ गुरु० ॥ देवी सहाय
उमापति को यश प्रेम भगन होय गायो हो
हो रामा ॥ गुरु० ॥ २० ॥

॥ घांटे ॥

अब मोर लगल जियखा होरामा, शिवके
चरणवां ॥ अ० ॥ गौरीपति को नाम सुधारस
पीवत आठो पहखा होरामा ॥ शि० ॥ उन्ही

के पदपंकज पूजे भाजत सकल विकरवा हो
रामा ॥ शि० ॥ ऐसे सांव सदाशिव मेरे जग
हित पिए, जहखा होरामा ॥ शि० ॥ देवी
सहाय दास अपने को हिय में करत बिहरवा
होरामा ॥ शि० ॥-२१ ॥

॥ घांटे ॥

सदा शिव हमसे लगाय गये रामा । अपनी
सनेहिया । गौरी शंकर मूरति सुंदर मन में
हमरे समाय गये रामा । अपनी० ॥ गंगाधर
के चरण की शोभा देखत नैना लोभाय गये
रामा । अपनी० ॥ उनहीको नाम सुधारस
मोको गुरु महाराज चिखाय गये रामा । अपनी० ।
देवीसहाय भजो शिवजीको मिलिजै हैं समुभाय
गये रामा ॥ अपनी० ॥ २२ ॥

॥ घांटे ॥

शिवजी को नमवां रामा । मोहें अधिक
सोहाय, २ मोरे रामारे ॥ शिव० ॥ जन्म जन्म

के पातक तनके, जपतें नसिजाय, २ मोरे
 शमारे ॥ शिव० ॥ गोरे अंग सदा शिव शंकर,
 रहे मोरे मन भाय २ मोरे० ॥ शिव० ॥ जटा
 जूट में गंग छटा छवि शोभा वरणि न जाय,
 २ मोरे० ॥ शिव० ॥ वांम अंगमें गौरी विराजे,
 गणपतजी की माय, २ मोरे० ॥ शिव० ॥ देवी
 सहाय दास अपने को, दीजे दरस दिखाय, २
 मोर० ॥ शिवजी को० ॥ २३ ॥

॥ कजरी ॥

अब तो लाग्यौ है मन मेरो तोरे चरणों में
 त्रिपुरार ॥ टेक ॥ अपने दरस दिखाके भोको
 वेगि विपत छौ टार । बहुत दिनन से आस
 लगी है अब मत मोहिं बिसार ॥ अब० ॥
 दीनदयाल दयानिधिं शंकर बिगरी मोर सुधार ।
 देवीसहाय कहैं कर जोड़े भवसागरसौ उबार ॥
 अब तो० ॥ २४ ॥

॥ कजरी ॥

सावन आये हैं मनभावन शंकर हौ तुम
 दीनदयाल ॥ टेक ॥ वेगि विपत प्रभु काटो
 मेरी अब मत करो विहाल । बहुत दिनों से
 आस लगी है करुणा करो कृपाल ॥ सावन० ॥
 शरणागत में आये हम तो सुनिये मेरी सवाल ।
 देवीसहाय दरसको लोभी करिये वेगि निहाल ॥
 साव० ॥ २५ ॥

॥ कजरी ॥

मनवां शिव शिव शिव शिव सुमिरो आई
 सावन की बहार ॥ टेक ॥ परब्रह्म परमेश्वर
 शंकर तिनही को पुकार । सकल जगत की
 आसा तजिके उनहीको निहार ॥ नर तन
 पाय फेर मत भूलो चेतो अबकी बार । देवी
 सहाय नाम शंकर को देख्यो जग में सार ॥
 मनवां० ॥ २६ ॥

॥ कजरी ॥

मनवां तो रेरे कारणवां शंकर नाहीं मिल-
 लै मोर ॥ टेक ॥ जन्म जन्म से भरमत आयो
 ठहरत नहिं एक ठौर । अब तो प्रीत करो शिव
 जीसे चंचलपना बटोर ॥ मन० ॥ ऐसे चरण
 कमलको तजिके विहस्तुहौ चहुओर । देवी
 सहाय कहै प्रभु मेरो देखो अपनी ओर ॥
 मनवां० ॥ २७ ॥

॥ कजरी ॥

मनमें आवेगी कब तेरे स्वामी मिलने
 की उपाय । गर्भवासमें बोल्यो जो तूं सो तो
 दियो विसराय ॥ बालापन तरुणाई खोई माया
 में लपटाय । बृद्ध भये आलस तन घेयो
 मनही में पछिताय ॥ मनमें० ॥ जमराजा के
 पूछत बेरी देहौ मुह लटकाय । देवीसहाय शम्भु
 गुरु सेवा भजन किये बनिजाय ॥ मनमें० ॥ २८ ॥

॥ कजरी ॥

शिव गुण गावे पाप आवै नसि जावै
 रामा ॥ मनमें जो चाहै सोई पावै रे हरी ॥
 गुरु को जो ध्यावै भक्ति आपै उर आवै रामा ।
 गंगाधरजी सों लौ लगावै रे हरी ॥ गिरजा को
 मनाव दुख वोहीसो सुनावै रामा । शम्भूजीसे
 जाकैवो जनवै रे हरी ॥ देवीको सहाय शिव
 ताहीं को बुलावै रामा । दश दिखाके अपनावै
 रे हरी ॥ २६ ॥

॥ कजरी ॥

मोरे मनवाला वोही गौरी संग वाला
 रामा । जाके गले सोहै मुण्डमाला रे हरी ॥
 नैन है विशाला अंग लपटे नाग काला
 रामा । नन्दी पर बिराजै डमरुवाला रे हरी ॥
 दीन को दयाला प्रेम जादू ऐसा डाला रामा ।
 माया में से मोको तो संहाला रे हरी ॥ देवीको

सहाय शम्भु ऐसे कृपाला रमा ॥ दरस दिखोके
करै निहाला रे हरी ॥३०॥

कजली शिवजी की ।

मोरी लागीरे सनेहिया बाबा शिव शंकरके
साथ । जाके चरण कमल के ऊपर धरत सुरा-
सुर माथ ॥ मोरी० ॥ गौर शरीर विभूत रमाये
मन्द मन्द मुसुकात । कोटिकाम तन तेज वि-
राजै शोभा वरणि न जान ॥ मोरी० ॥ कर डमरु
डिमि डिमिक बजावै नाचै भोलानाथ । देवीस-
हय दास अपनेको थामि हाथसों हाथ
॥ मोरी० ॥ ३१ ॥

॥ कजली ॥

भोला डमरूवाला जोगी मेरो मन हर
लीन्ह चुराय । शोभा चरण कमल की निरखत
हरख न हियेसमाय ॥ भोला० ॥ इत शिवशंकर
आप विराजै उन गौरी मेरी माय । बिन देखे
नहि परत चैन अब छिन छिन जिय घबराय

॥ भोला ॥ शिव, गिरिजा को लखत लालची
नैन हमार जुड़ाय । देवीसहाय मगन निसवासर
गौरीपति को प्राय ॥ भोला० ॥ ३२ ॥

॥ कजली ॥

भजु मन काशी पति अविनाशी जिनकी
महिमा अपरंपार ॥ टेक ॥ वेद पुरान बखानत
महिमा है शिव नाम उदार । जाकी जटाजूट मे
सोहै गंगमाय की धार ॥ भजु० ॥ जाके गले
मुंड की माला सोहै चन्द लिलार । बाम अंग
गिरिसंज पियारी निजपुर करत विहार ॥ भजु० ॥
शिव शिव नाम सदा जो गावै उतर जायँ
भवपार । देवीसहाय उमापति को यश कहत
पुकार पुकार ॥ भजु० ॥ ३३ ॥

॥ कजली ॥

गौरी शंकर जी सदा शिव मेठै संकट बेगि
हमार ॥ टेक ॥ ममता मोह फास को बन्धन तुमहि
छुड़ावन हार । काम क्रोध मोहि अधिक सतावे

ताहि करौ संहार ॥ गौरी० ॥ शरणागत मैं नाथ
तिहारे कहत पुकार पुकार । देवीसहाय दास
अपने को वेगि मिलो त्रिपुरार ॥ गौरी० ॥ ३४ ॥

॥ कजली ॥

गौरीशंकर को सुमिर मन तेरो याही मे
कल्याण । जाको सुयश कहत सुरनर मुनि
गावत वेद पुरान ॥ विधि हरि सब
शिव ध्यान करत हैं परम अभय पद जान ।
बड़े भाग्य मानुष तन पायो अब क्यों फिरत
भुलान ॥ बार बार समुभाय कहत हों कही
हमारी मान । देवीसहाय भजन के कीन्हे मिलि
हैं शिव भगवान ॥ ३५ ॥

॥ कजली ॥

इतनी अगज है हमारी मनमें जपत रहों शिव
नाम ॥ टेक ॥ धन परिवार देखि मत भूलो
ये नहिं ऐहें काम ॥ शिव शिव नाम लियेसे
प्यारे खरच होत नहिं दाम ॥ इतनी० ॥ सुनत सुयश

गौरीपति को जो तू कर ताहि परणाम ।
देवीसहाय भजत शिवको जे तिनको मैंहुं
गुलाम ॥ इतनी० ॥ ३६ ॥

॥ कजली ॥

शिव शिव सुमिरन कर मन मेरे तेरो भव
बन्धन छुटिजाय । लखचौरासी फेरा करिके
पायो नरतन आय ॥ भजो चरण शिव सांभ
उमाके ममता मोह बिहाय । जाको ध्यान धरत
सुरनर मुनि ब्रह्मादिक सब आय ॥ याही ते मैं
कहत टेरिके सब सौं बिनय सुनाय । देवीसहाय
पाय नर तन यह भजन करा मन लाय ॥३७॥

॥ कजली ॥

बाबा तोरे रे शरणना ऐले दुखना मिटि
जाय ॥ पाप ताप जरिजाय हमारे सुख संपति
अधिकाय । भक्ति भाव अनुराग जागि हैं बुद्धि
बिमल हुई जाय ॥ पूजन भजन बिना शिव
तुम्हरे और कछून सुहाय । देविसहाय दास

अपने को दीजै दरस दिखाय ॥ ३८ ॥

॥ कजली ॥

आए सावन मास सुहावन सब कोइ शिव
पूजो मन लाय । गंगाजल केसरिया चंदन पुष्प
सुगंध चढ़ाय ॥ भांति भांतिके भोग लगाओ
सुमनहार पहिराय । पूजन करि पुनि करो आ-
रती सब कलेश नसि जाय । देवीसहाय आप
गुरु मों को दीन्ही राह बनाय ॥ ३९ ॥

॥ कजली ॥

ऐसे सावन में शिव शिव सुमित क्यों नाहीं
मनमोर ॥ जाकी महिमा सब जग माही ब्याय
रही चहुं ओर । प्रेम करो गौरीपतिजीसों जन्म
सुफल होय तोर ॥ शिव शिव नाम लियेसे प्यारे
पाप कटत अति घोर । देवीसहाय दरस शिवजी-
से मागत दोउ कर जोर ॥ ४ ॥

॥ कजली ॥

शिव शिव नाम कहो कर निसि दिन तेरे

सफल होंय सब काम ॥ सुखसंपति सब देय सदा
शिव अन्त मिलै शिवधाम । ब्रह्मादिक ध्यावत हैं
जाको निशि दिन करत प्रणाम ॥ विश्वनाथ
पद पूजन कीन्हे अति आनंद अराम । देवी स-
हाय दयो गुरु मोको शिवपद में विश्राम ॥ ४१ ॥

॥ कजली ॥

तोरे रे कारनवां बाबा भैल्यो बदनमवां रामा ।
तेहू पर नाही दिहल्यो दर्शनवाँ रेहरी ॥
जग के कारनवा बाबा कीयो विषरनवाँ रामा ।
विष को अहारी पायो नमवाँ रेहरा ॥ मेरो मन
लाग्यो बाबा तोरे रे चरणवाँ रामा । राखौ मोहि
अपने सरनवाँ रेहरी ॥ देवी के सहाय आये
काशी चौथेपनवां रामा । शिवजी से करै के
मिलनवाँ रेहरी ॥ ४२ ॥

॥ कजरी गंगाजी की ॥

सुनिये गंगाजी की महिमा जाको नाम,
लेत अघ जाय । जाकी धूम धार, सुनि शंकर

लीन्ही सीस चढ़ाय ॥ जाके तट पर ध्यान लगावत
सुरनर मुनि सब आय । गंगाजी को सुमिरन
कीन्हे जमद्वाग छुटि जाय ॥ काशी विश्वनाथकी
नगरी बास कियो तहँ आय । देविसहाय न्हाय
नित जो नर ब्रह्मरूप है जाय ॥ ४३ ॥

सुमिरो गंगाजी को निसि दिन तेरो पाप
आप नसिजाय ॥ बेद विदित है जाकी महिमा
कहत पुराण सुनाय । जो नर ध्यान धरत हैं
उनको ताको दुख मिटि जाय ॥ सफल मनोरथ
सब के करती ऐसी सुरसरि माय । देवी सहाय
भजत निसत्रासर शिव दर्शन हितलाय ॥ ४४ ॥

॥ प्रभाती ॥

आत्मा वीरेश्वर समान और नहिं कोई ।
टेक ॥ श्रुति पुराण कह पुकार है प्रभु ये अति
उदार गुरुदेव कह्यो गाय गाय सुजस उनकोई
॥ आत्मा० ॥ शेष औ गणेश आय ध्यावत तन
मन लगाय पावत नहि पार नाथ ब्रह्मादिक कोई

॥ आ० ॥ उनही को नाम जपतं, सुना मुनि प्यार
करत, गावत उनको सुयस हृदय विप्रल होई
॥ आत्मा० ॥ देवीको सहाय ध्यावन तन मन
लगाय ताको प्रभु दरशदेत तुस्त प्रगट होई ॥
आत्मा० ॥ ४५ ॥

॥ कजरी ॥

ध्यावो ध्यावोरे मन मेरे वावा विश्वनाथ
पदको । ब्रह्मा विष्णु सकल सुर नर मुनि सेवतहैं
जिनको ॥ प्रेम प्रीतसे पूजा करते भक्ति मिले
तिनको । गावेजो शिव नाम निरंतर भय न
रहै उनको ॥ भ्रमसागर से तोहिं बचैहैं बिन
शिव शंकर को । देविसहाय उया महेश दोउ
दरस क्रिये जनको ॥ ४६ ॥

॥ कजरी ॥

गौरीशंकरजी से प्रीती अबतो लगीं हमारी
है ॥ टेक ॥ बाम अंग गिरिजा महराणी जननी
सगी हमारी है । उनके चरण कमल के पूजे

शुभ मति जगी हमारी है ॥ उनकी कृपा कटा-
क्ष किये से भव भय भगी हमारी है । देवी
सहाय भक्ति रस स्वाती यह वर मगी ह-
मारी है ॥ ४७ ॥

॥ कजली ॥

लागो लागोरे मन मेरो गौरी शंकर जीकी
ओर ॥ टेक ॥ जपो सदा शिव नाम निरन्तर मान
सिखावन मोर । सकल मनोरथ पूरण करि-
हैं पारवती पति तोर ॥ दीन दयाल दया करि दीहैं
चरण कमल में ठौर । देवीसहाय भक्ति वर मागत
शिव सनमुख कर जोर ॥ ४८ ॥

॥ कजरी ॥

शिवजी दया करि निहारो मेरो संकट देहु
छुड़ाय ॥ टेका ॥ अपने चरण कमल में मेरे मन
को लेहु लगाय । तुहारे दरेश बिना शिव
शंकर जिय मेरो तरसाय ॥ सबकी बेर बार
नहि लायो मोहि दियो बिसराय । देवीसहाय

द्वार पर तेरे बैठे आसं लगाय ॥ ४६ ॥

॥ कजरी ॥

भोले बाबाकी मूरतिया मेरे नैनोमें
रही संमायें । मुख प्रसन्न तन गौर भस्म
छवि बैठे ध्यान लगाय ॥ टेक ॥ तीन नैन
शिर गंग जटामें चंद्रभाल भुलकाय । मातु
पारवती करै आरती शोभा वरनि न जाय ॥
बसो हमारे उरमे शंकर ऐसो रूप बनाय ।
देवी सहाय दास अपने को दरस देहु हर-
खाय ॥ ५० ॥

॥ कजरी ॥

सावन आये सब दुख जावै शिव गुन
गवैजो मन लाय ॥ टेक ॥ जन्म जन्मके पाप
ताप सब आपैसे नसि जाय । गौरी पतिके
चरण कमल में प्रेम प्रीत अधिकाय । शरणा-
गत में आये जनकी विगरी देत बनाय ।
देविसहाय शिवा शिव सुमिरत, दीनी वैस

विताय ॥ सावन० ॥ ५१ ॥

॥ कजरी ॥

विनती हमरी सुनो सिया रघुराई । रामा
माया मेसे मोकों ल्यो दचाई रे हरी ॥ तुमरि
बड़ाइ वेद चागे मिल गाई रामा । दीनन की
करत हौ सहाई रेहरी ॥ बड़े बड़े पापी प्रभु
लियो अपनाई रामा । मोरी सुध काहे बिसराई
रेहरी ॥ करी निठुराई देर काहेको लगाई रामा ।
संकट हमारे त्यो छुडाई रेहरी ॥ देवीसहाय कहै
काशी में बसाई रामा । गौरी पतिसे द्यौ मिलाई
रेहरी ॥ विन्ती० ॥ ५२ ॥

॥ कजरी ॥

मनमे हर हर शिव शिव सुमिरो नरतन
फेर नहि पावोगे ॥ जा शिव नाम लेत अल
सै है पीछे पछताओगे । पूजा करो शिवा शिव
जीकी जमपूर नहि जावोगे ॥ पैहो पद
निर्वाण जाय जग जोनि न जाओगे ।

पैहो पद निर्वाण जाय जग योनि न आश्रो-
गे । देवीसहाय दरस तत्र पैहो शिव गुन गा-
वोगे ॥ ५३ ॥

॥ कवित्त श्रीशिवजी का ॥

मारा है जलन्धर को त्रिपुर को संहारा
जिन, जारा है काम जाके शीश गंग धारा है ।
धारा है अपार जासु महिमा है तीन लोक,
भाल नयन इन्दु जाके सुखमा सोरा है ॥ सा-
राहै बात सब खायो हलाहल जाहि, जगतके
अधार जाहि बेदन उचारा है । चारा है भांग
जाके दाराहै गिरीश कन्या, कहत शिवदास
सोइ मालिक हमारा है ॥ ५४ ॥

॥ कवित्त ॥

चारि वेद गुण गावै ब्रह्मा विष्णु जेहि
ध्यावै, शेष पारहू न पावे दयासागर कहावै है ।
भस्म अंगमें लगावै व्याल कंठमें सोहावै, कर
डमरु बजावै सिद्धि सकल बढावै है ॥ भक्त

आपदी नशावै मन वाञ्छित दिवावै, जाहि
परम प्रभावै सब पापन घटावै है ॥ भक्त शंकर
कहावै चन्द्र मौलि गुण गावै, मनवाञ्छित को
पावै करि अस्तुति सुनावै है ॥ ५५ ॥

॥ कवित्त ॥

सब देवनमें आला अर्घ आसन में वाला,
आप ओढे व्याघ्र छाला सदा दीनन दयाला
है। कण्ठ सोहै नाग काला भाल चन्द्रमां विशाला,
गले धारे मुराडमाला करै दीनन निहाला है ॥
भक्त मानस मराला मेट्टि अंक विधि भाजा,
नयन तीसरेमें ज्वाला मारि दारिद को डाला
है । जन शंकर प्रतिपाला सब मेट्टति कशाला,
बहु रोगन को घाला शम्भू मुरती विशाला
है ॥ ५६ ॥

सवैया ॥

छहरै शिर पै छवि गंग इतै, सुउतै तिलरी
नथुनी लहरै । फहरै गजचर्म कपाल इतै, सु

उतै पट विद्युनं सो फहरै ॥ थहरै अंग गौर
दयाल इतै, सु उतै रंग केशरिकों भरै । विहरै
यह रूप शिवा शिवको जन शंकरके हिय में
ठहरै ॥ ५७ ॥

॥ सवैया ॥

शिव की मन आस लगाय रह्यो, नहिं
औरनते कछु नेक चह्यो । सरिता पतिके ढिग
जाय बस्यो, फिरि तालनमें कस लाभ चह्यो ॥
सुररूप मिले तेहि छोड़ि कहा, अब आकन को
लपटाय गह्यो । अधीन कह्यो तुम से को बड़ो,
जेहि के दरवार में जाय रह्यो ॥ ५८ ॥

॥ सवैया ॥

तुम्हरे पदपंकज के बल से, न गनों कछु
दारिदकी कटकाई । हे शिवजी यह दुष्टदरिद्रपै,
क्यों न त्रिशूल की धार चलाई । बेगि सनाथ
करो शिवजी, न अधीनपै एती धरो कठिनार्ई । ठाढ़
पुकारत हौ शिवजी हमरी सुधि क्यों बिसराई ॥ ५९ ॥

॥ कवित्त श्रीकालाजी का ॥

भूखी जो होउ तो दुष्टनको भक्षण करु
 होउ जो अघानी अभयदान मोहि दीजिये
 धर्मिनको छोड़िके अधर्मिनको बिनखाउ चुगुल
 को चत्राउ मात देर नाहिं कीजिये । एहो
 जगदम्बे मात दासन की रक्षा करो ऋद्धि
 सिद्धि दान करि कीरति बढ़ाइये । देवीको
 सहाय मात हाथ जोरी अर्ज करै काज करो
 मेरे देर काहेको लगाइये ॥ ६० ॥

॥ कवित्त ॥

एक हाथ खड्ग एक खप्पर विराजमान,
 एक हाथ रुंड एक मुंडन की मालिका । सिंघपै
 सवार मात करमे त्रिसूल लिये, आठ भुजा
 धारिणी रूप धार बालिका ॥ देखिके स्वरूप
 तेरो योगिनि प्रचंड भई, हूजिये सहाय मातु
 कीजै प्रतिपालिका । दुष्टन को काटि काटि

धरो बिच खप्पर में, चुगुलन को चौतरा बनाउ
मात कालिका ॥ ६१ ॥

॥ श्री गंगाजी का कवित्त ॥

नीचे हैं वारि ता वारिपै कच्छप सवार ता
कच्छपकी पीठपै सवार शेष कारा है । शेषपै
सवार अवनि भारसो दबाय रहै, अवनिपै सवार
सिंधु पर्वत विस्नारा है ॥ पर्वतपै सवार कैलाश
शिवंधाम जहाँ, कैलाशपै सवार नन्दी असुर
समर मारा है । नन्दीपै सवार शंभु शंभुपै
सवार जटा, जटापै सवार भागीरथीजी की
धारा है ॥ ६२ ॥

॥ आरती श्री विश्वनाथ जी की ॥

ॐ जयदेश्व जयदेश्व ॥ जय गंगाधर हर
शिव जय गिरिजाधीशा । शिव जय गिरिजा-
धीशा ॥ त्वं मां पालय नित्यं कृपया जगदीशा ॥
जयदेश्व ॥ १ ॥ कैलाशे गिरि शिखरे, कल्प-
द्रुम विपिने । शिव क० ॥ गुंजत मधुकर पुंजे

कुंजवने गहने जयदेश्व ॥ २ ॥ कोकिल कूजति
 कलयति हंसावन ललिता । शिव हं० ॥ रचयति
 कला कलापी नृत्यति मुद सहिता ॥ जय० ॥ ३ ॥
 तस्मिन् ललित सुदेशे, शाला मणि रचिता ।
 शिव शा० ॥ तन्मध्ये हर निकटे गौरी मुद
 सहिता । जय० ॥ ४ ॥ क्रीडति रचयति भषा,
 रंजित निज मीश । शिव रंजि० ॥ इन्द्रादिक
 सुर सेवित चरणे धृत् शिरसं । जय० ॥ ५ ॥
 विबुध वधू बहु नृत्यति, हृदये मुद सहिता । शिव-
 ह० ॥ किन्नर गानं कुरुते सप्त स्वर सहिता । ज०
 ॥ ६ ॥ धुनंग थेनां ध्वनिना मद्ग नादयते ।
 शिवमृ० ॥ कुणु कुणु कुणु कुणु ललिता वी-
 णा वादयते । ज० ॥ ७ ॥ रुणु भुणु रुणु भुणु
 रचयति नूपुर मुज्वलिता । शिवनू० ॥ चक्रावर्त
 भ्रमयति कुरुते तांधृक्ता । ज० ॥ ८ ॥ तां तां
 लुपुचुप चक चक, ताल ध्वनि रुणुते । शिव ता० ॥
 अंगुल्या मगुष्ठां घननादं कुरुते । जय० ॥ ९ ॥


शंख निनादं कृत्वा, भल्लरि नादयते । शिव
 भ ० ॥ आरति रचयति ब्रह्मा वेदध्वनि पठते ।
 ज ० ॥ १० ॥ अतिमृदुचरण सरोजं हृदिकमले
 धृत्वा । शिव ह ० ॥ अवलोकयनिजरूपं ईशं
 अति नत्वा । ज ० ॥ ११ ॥ कर्पूरद्युति गौरं
 पंचानन सहितं । शिव पं० ॥ त्रिनयन शशि-
 धर मौले विपधस्कंठयुतं । ज० ॥ १२ ॥ सुन्दर
 जटाकलापं पावकयुत भालं । शिव पा० ॥ वाम
 विभागे गिरिजारूपं अति ललितं । ज० ॥ १३ ॥
 सकल शरीरे मनसिज, कृत भस्माभाणं । शिव
 कृ० ॥ इति वृषभध्वजरूपं तापत्रयहरणं । ज०
 ॥ १४ ॥ वज्रं खड्गं शूलं, परशुं धारयते शिव
 पर ० ॥ अंकुश वराभय पाशं घंटं नादयते ।
 ज० ॥ १५ ॥ मूर्च्छनि राजत गंगा देवसङ्घ
 वीतं । शिवदे ० ॥ रुद्राक्षांकित वक्षसि पन्नग
 मुपत्रीतं । ज० ॥ १६ ॥ ध्यानं आरति समये,
 हृदये यः कुरुते । शिव ह० ॥ शिव सायुज्यं ग-

च्छति यो भक्त्या शृणुने ॥ जयदे ३ व जयदे
 व ॥ १७ ॥ हर हर हर महादेव ॥ इति श्री
 शंकराचार्य कृता आरतो समाप्ता ॥ शिवा
 र्पणमस्तु ।

॥ दोहा ॥

मन लगाय या भजनको, नित्त प्रात जो गाय ।
 बहुत शीघ्र वह जीवकी, बुद्धि विमल व्हेजाय ॥
 श्री महेश सुमिरण करों, धरूँ उमाको ध्यान ॥ बार
 बार गुरु पदगहूँ देहु अचल दृढज्ञान ॥ २ ॥

॥ इति ॥



श्रीगणेशाय नमः ।

शैवमनोरञ्जनी

चतुर्थ भाग ।

॥ रागिणी भैरवी ॥

गणपति विघन निवारण हारे टेक ॥ मंगल
करण अमंगल नाशन सुखके सदन उमाके बारे ।
एकदन्त गजमुख लम्बोदर सेंदुर तिलक नयन
रतनारे ॥ जाकोध्यान धरत सुर नर मुनि
लोकहु बेद बिदित संसार । होउ प्रपन्न मनोज-
दहन सुत काम क्रोधके नाशन हारे ॥ मम
इच्छा तुम जानत हौ प्रभु तार्ते सेवत चरण
तिहारे । देविसहाय दास अपने को करहु अनन्द
महेश दुलारे ॥ १ ॥

॥ राग देस ॥

मन अब सुमिरे गणपति चरण ॥ टेक ॥

प्रथम पूजन नारि नर सब जानि मंगल करण ।
 सन्तजनको कल्पतरु सम खलनको दल हरण ॥
 लहहिं बुधिवर सकल विद्या भर्जहिं सो करि
 परण । सुखद अधिक पुनीत पावन भक्त तारण
 तरण ॥ जानि मंगल मूलको जन ध्यान लागे
 धरण । ताहि क्षण त्रय ताप भागे पाप लागे
 डरण ॥ गौरिलाल गणेश सुन्दर महा अद्भुत
 बरण ॥ देविसहाय दास जाके रहत नितप्रति
 शरण ॥ २ ॥

॥ राग विलावल ॥

गाइये गणपति जगवंदन । शंकर सुवन
 भवानीनंदन ॥ टेक ॥ सिद्धिसदन गजबदन
 विनायक । कृपासिन्धु सुन्दर सब लायक ॥
 मोदक प्रिय मुदमंगल दाता विद्या वारिधि बुद्धि
 विधाता ॥ देविसहाय देउ कर जोरे । बसहि
 उमावर मानस मोरे ॥ ३ ॥

॥ राग भैरव ॥

उठ प्रभात प्रथम सुमिर श्रीगणेश देवा ।
माता जाकी पार्वती पिता महाँदेवा ॥ एकदन्त
दयावंत चारभुजा धारी । माथे पर सिन्दूर सोहे
मूषक असवारी ॥ अन्धन को आँख देत कोठिन को
काया । बाँझिन को पुत्र देत निर्धनको माया ॥
घृप दीप अरु नैवेद्य भोग लगन मेवा । सकल
सृष्टि ध्यान धरत तुलसी करत सेवा ॥ ४ ॥

॥ प्रभाती ॥

जय गणेश जय गणेश सकल विघ्नहारी
॥ टेक ॥ दुःख हरण सुख करण, आँनद उर
मोदभरण, ऋद्धि सिद्धि संगलिये भक्तन हित-
कारी । घूम्रकेतु गणाध्यक्ष, भालचंद्र सवरक्ष,
विघ्नराज हरौ विघ्न ली शरण तिहारी ॥ मैं तो
अति दीनानाथ, तुमहौ प्रभु दीननाथ, कीजिये
हमको मनाथ सकल कष्टहारी । मस्तक सिंदूर
लाल, सोहै तन चोलालाल, मस्तक पै चंद्रभाल

चार भुजा धारी ॥ सन्तन के काज करन,
मंगलमय रूप सदन, शंकर सुत गौलाल
मूषक असवारी । देविको सहाय दास, कीजिये
पूरण सुआस, मेदो भव दुःखत्रास सुधि लीजो
हमारी ॥ ५ ॥

राग भँभोटी ।

गौरि सुत करो विघन सब दूरि ॥ टेक ॥
विपतिहरण तुम शरण सुखद, मै भरो विपति
सों भूरि । सुभग शुंढादंड गहि डारो, सघन
अघन करुं तूरि ॥ विदित वानि जगदानि
शिरामणि, सुजन सजीवन मूरि । तमतजि
दीन हितू नहि देखों, निज चितमाहिबिसूरि ॥
गणनाथक सुख दायक जनको, रहे सुयशसों
पूरि । मद बुधिसदन चन्दयुत राजत, जगतवंद
मति रूरि ॥ हिनकरि नित सब दास चहत है,
चरण कमलकी धूरि ॥ ६ ॥

॥ लावनी ॥

शम्भु सुत गौरीके नन्दन । नाम गणपती
जगत बन्दन ॥ टेक ॥ सीस पर सोहे मुगुट
आला । तिलक चन्दन का छविवाला ॥ गलेमें
मोतिनकी माला ॥ नैनमें काजर दिये काला ॥

* दोहा *

मूषक वाहन गजबदन, शोभित जिन को अङ्ग ॥
छवि वर्णन कवि कोकरै, लाजत काम अनङ्ग ॥

मैधरु ध्यान तासु चरणन । नाम गणपति
जगत वंदन ॥ १ ॥

रूपमहिमा जिनकी न्यारी । छूटी अलके
घूंघरवारी ॥ ओढेशिर पीताम्बर सारी । अधर
मुसक्यान भुजाचारी ॥

॥ दोहा ॥

थिरक थिरक नाचत फिरै, श्रीगणपति मँहराज ॥
पायन वाजे पैजनी, घुंघुरुनकी आवाज ॥
साजोंकी होरही जहाँ, खननन् । नामग०

॥ २ ॥ हाथमें सोहे गदा त्रिशूल । मिटावें सब
सुजननकी शूल ॥ नाम जिनका सुख दायक
मूल । तिन्हें नहि भजें बड़ी है भूल ॥

॥ दोहा ॥

सेवहि अमर नरेश तेहि, नारी नर समुदाय ॥
आरति निशिदिनतें करहि, धूप दीप बहुलाय ॥

चढावें फूल रोरी चन्दन । नामगणपति
जगबंदन ॥ ३ ॥ प्रथम पूजा जिनकी भारी ।
दियोवर तिन को त्रिपुरारी ॥ बिना तुमरे नही
शुभकारी मनावें तुमको संसारी ॥

॥ दोहा ॥

विघ्न हरण मंगल करण, श्रीगणपति महँराज ॥
जगविच लज्जा राखिये, गौरीसुत गणराज ॥

काटि देउ सकल भव बन्धन । नाम गण-
पति० ॥ ४ ॥ ७ ॥

॥ दोहा ॥

नितप्रति गुरु पद भजे, पाप होत सब लुंज ॥
भव बाधा बाधे नाही, अने तेजमय पुंज ॥ ८ ॥

॥ ठुमरी खम्माच ॥

करोरे मन गुरु पदपंकज प्रीत ॥ टेक ॥ गुरु
की सेवा करो अब पांमर बैस गई सब बीन ।
सुत परिवार धाम धन गृहनी ना कोउ तेरो मीत
॥ करोरे ॥ कुटिल काल अचानक जब ऐहै
लीहै पलमें जीत । देविसंहाय गुरु भजन भाव
तब करिहै तोहि अभीत ॥ करो ॥ ६ ॥

भैरवी ।

बिन गुरु कौन महेश मिलावे ॥ टेक ॥ काल
व्याल सिर ऊपर गाजे, ताको मर्म लखावे । करि
उपदेश दृढावत मनको, औघट घाट बचावे ॥ बि० ॥
गुरु की महिमा अधिक शम्भुते, वेद विदित यों
गावे । शम्भु देत निज धाम आपनो, गुरु बिनु
भेद न पावे ॥ बि० ॥ जब लगि गुरु पद
नहि भावे, तब लगि जग भटकावे । देवि सहाय
चरण गुरु के मोंह, सागर पार लगावे ॥ बि० ॥ १० ॥

॥ स्तुति भगवतीजीकी ॥

उमा नवकोटि रूपगण गौर नमो भगवती
शक्ति शिरमौर ॥ टेक ॥ करै सुखधू सकल
शृंगार । मांगभरी गजमुक्तन इक सार ॥ गुही
वेनी प्रसून सुकुमार । महाँवर चरणन विविध
प्रकार ॥

* दोहा *

सीस मुकुट नवस्तनयुत, चपलाचमक लजाय ॥
श्रवन फूल युग चन्द्र सम, नकबेसर पहि-
राय ॥ १ ॥ लसत मस्तक मलयागिरि खौर ।
नमो भगवती० ॥ १ ॥ त्रिविध गुणके तीनों
लोचन । तापत्रय हरण तिमिर मोचन ॥ कुटिल
भृकुटी आनन रोचन । कहत छवि लगे शेष
सोचन ।

* दोहा *

लसत चतुरकर कमल सम, नख शिख रूप गँभीर ।
विविध भाँति भूषण वसन, राजत अम्बशरीर ॥२॥

उपमा तुम समान नहिं और । नमो भगवती
शक्ति० ॥ २ ॥ खड़े सब देवता द्वार । करत
अस्तुति अपरम्पार ॥ पौरि पै खड़े छडीबरदार ।
शक्ति है यक तुही संसार ॥

* दोहा *

रमा लिये करबीजनी, ठौ रैं त्रिविध बयार ।
स्वर्ग से आई इन्दिरा, आरंति रही उतार ॥ ३ ॥
विष्णुकर छत्र करै विधि चौर । नमो भगवती
शक्ति० ॥ ३ ॥ खड़ी कोई सेवामें खासी । लिये
कोइ पीरुदानदासी ॥ कोई लिये अतर गुलाब
पाँसी । लखे कोइ अनुसासनपासी ॥

* दोहा *

नारद सारंद सप्त ऋषि, सनकादिक सुरसर्व ॥
स्तुतिकरत सदाँ मातुकी । कार जय जय तजि
गर्व ॥ ४ ॥ करै सेवक सेवकोई दौर । नमो
भगवती शक्ति० ॥ ४ ॥ तपसी तप करे तुव धाम ।
जपै योगिजन आठो याम ॥ त्रिभुवन करत

तुमहि परणाम लहत अर्थ धर्म माते काम ॥

* दोहा *

जहँ जहँ संकष्ट परो, टारी भारी भीर ।
 दास निज पर सहाय है, देहु ज्ञान गंभीर ॥ ५ ॥
 करो निशदिन गणेश पर गौर । नमो भ०
 ॥ ५ ॥ ११ ॥

अर्जी सूर्यनारायण जी की ।

द्विज दीनन के दुख दलन दिवाकर स्वामी ।
 दरशावो ज्ञान गंभीर सुअंतरयामी ॥ निशिदिन
 कामीमन दुष्ट कर्म चित लावैं । लोचन की
 वृष्टि सदैव पाय उपजावैं ॥ नित काम क्रोध
 मद लोभ अधिक दरसावैं । इन कर्मनसे स्नेह-
 मान सुख पावे ॥ हौं महामूढ अज्ञान कुटिल
 खल कामी । दरसावो ज्ञान गंभीर सु अंतरयामी
 ॥ १ ॥ ममता मायाबस भयो जगत मन
 मेरो । आशा अनुकुलनिवास आनि मोहिं
 घेरो ॥ तृष्णाने तन करि त्रसित मोह मे गेरो ।

हो रह्यो घोर तम हृदय माह इनकेरो ॥ मोहि
जानि दीन दुख हरो दिवाकर स्वामी । दरशावो
ज्ञान गंभीर सु अंतर्यामी ॥ २ ॥ हमसे खल
अधिक अधम अजापी । उनके दुख हस्त सुख
करत हो आपी । निशिवासर कर्म कुकर्म करत
जो पापी उनहूं को तारत तुमहीं करत अपापी ।
मोहि जानि अधम अभिमान युक्त मम स्वामी ।
दरसावो ज्ञान गंभीर सु अंतर्यामी ॥ ३ ॥
तुम्हरे प्रतिबिंबहि देखि रूप अलबेला ।
नसिजात सकल पाप शाप के हेला ॥ दुख
दूरि दर्श है होत भ्रुरूप नवेला । सुख पावत
सेवक सदा तुम्हारे ज्वेला ॥ किरणन से कटे
कलेश मनोहर धामी । दरशावो ज्ञान०
॥ ४ ॥ तुमहौ सब भव के भार नसावन
हारे । सुनि तुम्हरे सुमिरण के किये कटें
दुखसारे ॥ तुमहौ जगदीश्वर जगत के पा-
लनहारे । तुमहौ जगदीपक देव दयानिधि भारे

॥ जगपालन पोषण करत तुह्नी वसु यामी ।
 दरशाओ ज्ञान गंभीर सुअंतरयामी ॥ ५ ॥
 तुमहौ देवन के देव देवता भारी । तुमहौ प्रत्य-
 क्ष भगवान सुखकारी ॥ तुम भक्तन को सुख-
 देत भक्ति हितकारी । तुह्मगे प्रताप गंभीर
 सकल असुरारी ॥ मोहि देहु भक्ति महाराज
 दिवाकर नामी । दरशावो ज्ञान ॥ ६ ॥ जो
 जन उठि प्रभात करे तुह्मारी सेवा । तन त्यागि
 जाँय जहाँ राजत योगी देवा ॥ तिल चंदन
 चाबल सुमन चढ़ाये मेवा । सुख संपति शुभ
 सन्तान प्राप्त होय एवा ॥ तुह्मारी सेवकाई में सदैव
 आरामी । दरशावो ज्ञान गंभीर सुअंतरयामी
 ॥ ७ ॥ तुम दीनबन्धु सुखसिन्धु हरण विपदा
 के । जगजाहिर यश महँराज सकल प्रभुता के
 ॥ निगमागम वेद सहित गीता के । सुर नर
 मुनि ध्यावै तुम्हें सुरसरिता के ॥ तुह्मारी महिमा
 माया दाया सरनामी । दरशावो ज्ञान ॥ ८ ॥

अब करो कृपाकी छाँह हेरि मम श्री । जानि
मोहिं भगवान दीनकर जोरी ॥ बरं मागत मैं
प्रभु यही निहोरि निहोरी । हमरे चित माहिं
महेश दिनेश बसोरी ॥ रवि चरण शरण निज
दास ललन पिय थामी । दरशाओ ज्ञान०
॥ ६ ॥ १२ ॥

॥ स्तुति गङ्गाजी की, राग आसावरी ॥

महिमा अनंत, जग जानी । जय जय
श्रीगंगा महराणी ॥ टेक ॥ तप कियो भगीरथ
भारी । सुरसरि आवें संसारी ॥ जन जानि आ-
नि सुख चागी । वरदान दियो यकवारी ॥ छंद॥
ब्रह्मलोक से वही सुरसरि मृत्युलोक आई । लई
सीसपर धार ईश तहाँ रही लुभाई ॥ भगीरथ
बहु भाँति विनय शिवशंकर की गाई । दीन्हो
बूंद निचोर तीनों त्रिभुवन महँ छाँई ॥ दूट ॥
सगर भूपति सुत साठि हजार । भागीरथ को
परिचोर ॥ सागर महँ आय समानी । जय

जय श्रीगंगे महरानी ॥ १ ॥ जननी अति
 पतित निवाजे । त्रैताप आप से भाजे ॥ जो
 भजे सदा तुम काजे । शिवपुर में जाय विराजे
 ॥ छंद ॥ जटाजूट शिर गंग लसत मस्तक
 मयंक आला । लाल २ लोचन विशाल उर
 परी मुंडमाला ॥ अंग अंग लिपटे भुजंग विष
 पिये भंग प्याला । बाघंबर विस्तर वृषवाहन
 ओढे मृगञ्जाला ॥ दूट ॥ दयावर बदल दिया
 चोला । किया कितनो को बम्भोला ॥ तुम
 कामधेनु कल्याणी । जय २ श्री० ॥ २ ॥ यम
 गये विष्णु के पासे । कर जोर कहा इतिहासे
 ॥ हम डरे बड़े गंगा से । पापी पहुंचे कैलासे
 ॥ छंद ॥ मृत्युलोक में अदल अदालत गंगाकी
 सारी । लग रहे दर्बार पुण्यका परवाना जारी ॥ पापि-
 नकी अर्जी पर मर्जी है जिनकी प्यारी । अधम
 अभागे कुटिल करै सुरपुर की तैयारी ॥ दूट ॥ हुकुम
 गङ्गाजी का नाटक । नरक का बंद किया फाट-

क ॥ तुम चारि पदारथदानी । जय २ श्री०
 ॥ ३ ॥ हैं चरित तिहारे नीके । दर्शन है तुल्य
 अमी के ॥ निर्मल जल गंगाजीके । पी पाप
 कटत पापीके ॥ छंद ॥ जो कर्ने असनान निकट
 गंगाजीके आवे । पग बोस्त पुनि सीस हरि
 हर की पदवी पावे ॥ अब जिसने घटभरा चाल
 चतुरानन कहलावे । ब्रह्मा विष्णु महेश रूप
 तीनों का दर्शावे ॥ टूट ॥ निकट सुरसरि फ़रु-
 खाबाद । करे अस्तुति गणेशपरसाद ॥ देहु
 चरण भक्ति मन मानी । जय जय श्रीगंगे
 महरानी ॥ ४ ॥ १३ ॥

॥ खयाल ॥

जौलों पृथ्वीपर है गंगा की धारा । तौलों
 यमराजा करिहैं कहा तुम्हारा ॥ टेक ॥ मत डरो
 कोई यमदूतसे मेरे भाई । रक्षा करने को हैं श्रीगंगा
 माई ॥ जबसे शंकरने अपने सीस चढ़ाई । तब ईश
 और जगदीश की पदवी पाई ॥ शिव बना वही

जिसने एक गोता मारा । तौलों यम० ॥ १ ॥
 कुछ जोर न यमको चले पाप नहीं लागे । जो
 काल भी देखे तो वह दूरही सों भागे । जिन
 गंगा स्नान कियो तिन्हे त्यागे । वह अमर-
 लोक में बसे अलख हैं जागे । यह निश्चय कर
 मानों बचन हमारा । तौलों यमराजाक० ॥ २ ॥
 चाहे हो पुत्र कुपुत्र तो माता पाले । कुछ कर्म
 अकर्म न उसके देखे भाले ॥ जो एकबार प्राणी
 गङ्गा में न्हाले । वह जन्म जन्म के सकल
 पापों को टाले ॥ है श्रीगंगा की महिमा अपरं-
 पारा । तौलों यमराजा करिहैं कहा तुम्हारा
 ॥ ३ ॥ मत चलो हमारे मित्र किसीसे डरके ।
 निर्भय हो दर्शन श्रीगंगा के करके ॥ देवीस-
 हाय गंगा को ध्यान धरके । जैहों भवसागर
 सहजही पार उतर के ॥ गंगा के बलसे दल
 सब यम का हारा । तौलों यमराजा करिहैं
 कहा तुम्हारा ॥ ४ ॥ १४ ॥

॥ महादेव जी की प्रभाती ॥

जय महेश गिरिजापति शंकर त्रिपुरारी
 ॥ टेक ॥ उमाधर जटाधर चंद्रधर मुंडधर गंगा-
 धर त्रिलोचन पंचवक्त्र शूलधारी । डमरुधर
 पिनाकधर गरल गजत्रमधर शम्भुहर वृषभधर
 चिताभस्मधारी ॥ सर्व शिव दिगम्बर है गिरीश
 ईश डाकिनीश गौरी अर्धङ्ग नाथ हिमालय
 विहारी । शंकर उर करहु बास आवें नहि दुःख
 पास व्यालधर कृपाल सुरत लीजिये हमारी ॥१५॥

॥ भैरवी ॥

शंकर महादेव देव सेवक सुर जाके । भस्म
 अंग शीश गंग वाहन अति बल चंड गौरी
 अर्धग सग भंग रंग छाके । लपटि लपटि जात
 व्याल ओढे तन मिरगञ्जाल मुंड माल चंद्र भाल
 दृग विशाल बाँके ॥ ध्यावत सुरनर मुनीश
 गावत गिरिजा महेश पावत नहिं पार शेष
 ब्रह्मादिक थाके । वर्णत जन तुलसिदास गिरिजा

पति चरण आस ऐसे बर वेष नाथ भक्ति हेतु
राखे ॥ १६ ॥

॥ भजन ॥

भजुरे मन गौरी पति कृपाल । मिटि जाय
सकल भ्रम मोहजाल ॥ टेक ॥ कैलास शिखर-
पर्वत विशाल । जहाँ बसत सदा शिव तीनि
काल ॥ तहँ पीवत है नित घोटि भंग शिर
लसत गंग भूषण भुजंग रीभे है जल दल फल
फूल चाल । अनुकूल प्रसन्न बजाय गाल ॥
भजुरे मन० ॥ जिनके विधि लिखी सम्पति न
भाल । तिनको शिव दीन्ही होय दयाल ॥ हिय
मे धरु शंकर चरणरेणु । फलदायक सुर तरु
कामधेनु ॥ मन वांछित पावत वृद्ध बाल ।
निर्धन धन वांछित पुत्र हाल ॥ भजु० ॥ करि
विश्वनाथ कीरति उदार । सुन याचक बर होय
दीन द्वार । मोहि नयन खोलि हर करु निहाल ।
दर्शन प्रभु दीजे चंद्र भाल ॥ भजु० ॥ १७ ॥

॥ ठुमरी खम्माच ॥

शंकर शिव बं बं भोला । कैलास पती
 माहाँराजाधिराज ॥ शंकर शिव बं बं भोला ॥
 अंतरा ॥ ओढे मिरग छाल, गले मुंडमाल,
 लोचन विशाल, हैं लाल लाल, इत चंद्र भाल
 सोहत बिराज । शंकर शिव बं बं भोला ॥
 कैलास पती० । अर्धग रूप जैसे छाँह घूप,
 निरखत अनूप भये छकित भूप, कर डमकि
 डूपगति डमरु वाज । शंकर शिव बं बं भोला
 ॥ कैलास पती० ॥ कहै दास नित्य कर जोरि
 जारि, देहुभक्ति दान रखु मान मोर, शिव चर-
 ण छाँडिकहँ जाहुँ आज ॥ शंकर० ॥ कै० ॥ १८ ॥

॥ रागिणी खम्माच ॥

हर हर बंबं शिव चंद्रभाल । महिमा अपार
 संसार सार ॥ टेक ॥ नयनां रसाल भृकुटी विशा-
 ल । माला कपाल उर लसत ब्याल दीनदयाल
 करुणावतार । चढे बेल पती वृषपर सवार ॥ छवि-

अंग अती सोहे पारवती । लिये योगी यती
 कैलास पती ॥ सुरसरी जटान शोभायमान ।
 लिये डमरू पान अति करत गान, ॥ हरि
 विधि सुरेश नित रत शेष । निशि दिन कलेश
 काटत महेश ॥ भाषत पुराण यश वेद चार ।
 गावत गणेश प्रभु सुन पुकार ॥ १६ ॥

॥ इकताला प्रमाती ॥

शंकर संसार सार बंबंबं भोला । सीस गंग
 चन्द्रभाल चिताभस्म चोला ॥ टेक ॥ लोचन
 विशाल लाल, जटांमुकुट मुंडमाल, नीलकंठ कर
 निवास महा'स्मशान टोला ॥ राजत भुजंग
 अंग, लीन्हे प्रभु गौरि संग, प्यावत बहुत घोटि
 घोटि भर भंगभोला ॥ चरण पद्म वृष विमान,
 डमरू कर करत गान, गावत अति ललित राग
 सुनि मुनि मन डोला ॥ निशि दिन करि प्रणाम,
 सुमिरत शिव आठयाम, रत शेष वेद भेद
 जिनको नहिं खोला ॥ नारद शारद सुरेश,

शिव गुण गावत गणेश, चतुरानन त्रिष्णु
करत अस्तुति मृदु बोला ॥ शंकर संसार सार
बंबंबं भोला ॥ २० ॥

॥ रागिणी धनाश्री ॥

दानी शंकर सम कोउ नाही ॥ दीनदयाद
देत जोइ भावै याचक सदा सुहाहीं । मारिके
मारु थप्यो जगमे जाकी प्रथम रेख भटमाहो ।
ताठांकुर को रीभि नेवाजिवो कहि क्यों परत
मोपाहीं ॥ योग कोटि करि जोगति हरिसों
मुनि मागत सकुचाहीं । वेद विदित तेहि पद
पुरारि पुर कीट पतंग समाहीं ॥ ईश उदार
उमापति परिहरि अनतजे याचन जाहीं । तुल-
सीदास ते मूढ मागनें कबहुँ न पेट अघाही ॥ २१ ॥

॥ सोरठ ॥

गिरिजापति चरण मनाये ॥ टेक ॥ ते करि
दूर त्रिविध ताप भव सुलभ परम पद पाये ।
सुयस छाये तिहुँलोक में अति आनंद भूर

बहायै । अतिहि शोक के पुंज जगत के सब
 निज हाथ नसाये ॥ मगन ध्यान रत रहत
 सदा मन नेक विकार नहि आये । दारुण दाह
 दूरि करि भरि मुद हँसि हर लोक सिधाये ॥
 यही जानि हित मानि नित हरषि रोम तनु छाये
 देवी महाय शरण चाहत मन कंगो काज मम
 भाये ॥ २२ ॥

॥ राग विलावल ॥

को याचिहे शंभु तजि आन । दीनदयाल
 भक्त आरत हर सब प्रकार समरथ भगवान
 ॥ टेक ॥ काल कूटते जरत सुरासुर, निज जन
 लागि कियो विष पान । दारुण दनुज जगत
 दुख दायक जारेउ त्रिपुर एकहि बान ॥ जो
 गति अगम महामुनि दुर्लभ कहत सन्त श्रुति
 सकल पुरान । सोइ गति मरण काल अपने
 पुर देत सदा शिव सबहिं समान ॥ सेवत सुलभ
 उदारै कल्पतरु पार्वती पति परम सुजान । देहु

समपद नेह कामरिपु तुलसी कहै कृपा नि-
धान ॥ २३ ॥

॥ सोरठ राग ॥

जो नहि नेह शंभु सों कीन्हो । तो कत
बृथा जन्मिया जगमें जननि जनक दुख दीन्हो
॥ टेक ॥ निशि दिन अमति रह्यो माया में
छल बल मे परवीनो । शंकर नाम अमृत रस
परिहरि विषय महाविष पीनो ॥ निज कर काटि
समूल कामतरु धै बबूर मति ही जो । निलज
अभाग काम कृत रे शठ हित अनहित नहि
चीन्हो । जौन सार संसार एकही, सुख समूह
सों भीनो । तेहि तजि चहत अराम अरे जड़,
कस बलभद्रे मलीनो ॥ २४ ॥

॥ सोरठ ॥

जपो शिव शिव शिव सुखदाई । देह
धरेको यहै फल भाई, यातें सब बनिजाई
॥ टेक ॥ मन भाये फल लहौ गहौ मति चहौ

जो जगत भलाई ॥ तौ गिरिजा पति चरण
 कमल में राखो मनहिं लोभाई ॥ सुत दास परि-
 वार धाम धन येना कोउ सुखदाई । अंत समय
 सब सपन सरिस ये परि है तोहिं लखाई ॥ परम
 कृपाल देत मन भाये फल हिय अति हरखाई ।
 देविसहायकरोताहीसोंमुदभरि नेह सगाई ॥२५॥

॥ रागिणी दादरा ॥

बृथा भवहिमें भरमि भुलानो हे मन मूढ़ ।
 कवन मत ठानो, जो हित ताहि न जानो ॥टेका॥
 शंकर नाम कामतरु परिहरि फिरत मोह मति
 सानो । अधम अयान मान मद गहि के निज
 हित ना पहिचानो ॥ गृह कारज जालन में
 फसिके बृथा यह मोह दिखानो । नितहि कुसंग
 परो पामर जड धनमें क्या ललचानो ॥ अबतो
 चेत हेत करि भजिले मन कुमंत्र में ठानो ।
 देविसहाय नेह शंकर पद और और मति
 मानौ ॥ २६ ॥

॥ रागिणी भँभोटी ॥

कियो जिन शम्भू चरण अनुराग ॥ टेक ॥
 सो सपूत जननी जग जायो सोई अति बड़
 भाग ॥ सो गुणज्ञ सोई कृत्तज्ञ सो परम चतुर
 युगराग । ज्ञानवान मतिमान सोई जग सोई
 जन निरदाग ॥ सुजन पुण्य सन्मान सहित
 सो धरे धर्म की पाग । सोई सराहन योग्य संत
 सो निर्मल सहित विराग ॥ सो ज्ञाता दाता सो
 सुखनिधि किये अमिन सोयाग । देविसहाय
 लगत प्यारो सो किये विषयको त्याग ॥ २७ ॥

॥ भँभोटी ॥

शिवापति शिव शिव स्ट तजि क म । शिव
 समान जनि जान आन कोउ देन हार विश्रा-
 म ॥ टेक ॥ को उदार शङ्करे समान जग प्रणत
 कल्पतरु नाम । जो न भजे हत भाग्य महाजड़
 तेहि सम कौन निकाम । करुणा कर कोमल
 चित दूजो कौन भक्त अभिराम । वारंक नाम

लेत अनन्दसौ देत तिन्है धन धाम ॥ बिन
याचै याचकन अयाचक करत आठहू याम ।
देविसहाय भजे नहि शंकर तेहि समकोउ नहि

॥ २८ ॥

॥ रागिणी सारङ्ग ॥

शङ्कर करहि मनोरथ पूरे ॥ टेक ॥ शीश
गंग छके भंग रंग गौरी अर्धग बधूरे । नील-
कंठ गल मुण्डमाल दृग लाल लाल छवि
चूरे ॥ कटिवर अभय डमरुवर मुक्ति भक्ति करै
ते सूरै । देविसहाय प्रात उठि भजिये सुख
लहिये दहिये दुख दूरे ॥ २९ ॥

॥ रागिणी वसन्त ॥

सेवहु शिव चरण सरोजरेणु । कल्याण
अखिल प्रद कामधेनु ॥ टेक ॥ कर्पूरगौर करुणा
उदार । संसार सार भुजगेंद्रहार ॥ सुख जन्म भमि
महिमा अपार । निर्गुण गुण लायक निरा-
कार । त्रयनयन मयन मर्दन महेश । अहंकार

निहार उदित दिनेश ॥ वर बालनिशाकर मौलि
 भ्राज । त्रैलोक्य सुखद हर प्रथम राज ॥ त्रिन-
 कह विधि सुगति लिखी न भाल । तिनकी
 गति काशीपति कृपाल ॥ उपकारी को पर हर
 समान । सुर असुर जस्त कृत गरलपान ॥
 बहुकल्प उपायन करि अनेक । विनु शंभु कृपा
 नहि भव विवेक ॥ विज्ञान भवन गिरिसुता
 खन । कह तलसीदास मम त्रास शमन ॥३०॥

॥ वसन्त ॥

नर का रे कियौ जग जन्म पाय । मुख शिवको
 नाम तोमे लियो न जाय ॥ टेक ॥ है नाम
 कल्पतरु कर विचार । इच्छा फल पल में देन-
 हार ॥ तरिगै कोटिन गुन गाय गाय । नर का
 रे० ॥ भय भंजन हर को यश अनूप । नर
 भए रंकसे केते सुभूप ॥ सेवें सुर सुनि मन
 लाय लाय । नर का रे० ॥ जग जस प्रसिद्ध
 परघट पुरांन । लखि दीन द्रवत करुणा निधां-

न ॥ दृजो न देव ऐसो दिखाय । नर का रे० ॥
 देवीसहाय हर हर भजन्त । हारे केते नहिं पायो
 जु अन्त ॥ रहे सदा सेवक पर सहाय । नर
 का रे० ॥ ॥ ३१ ॥

॥ वसन्त ॥

विनवों शिव चरण बार बार । जाकी म-
 हिमा गावत वेद चार ॥ टेक ॥ शोभित जटा
 में गंगधोर, है चन्द्र भाल गले मुंडहार ॥ तन
 लिपटे भुजंग फन हजार । नित भांग धतुरन
 को अहार । रतिपति के मन आयो विकार-
 र । ले युद्ध करन आयो पसार ॥ दियो नैन
 तीसरो जब उधार । तब काम भयो तन जरके
 छार ॥ त्रिपुरासुर को पृथिवी पै भार । सब देव
 भगाये मार मार ॥ ब्रह्मादिक कीन्ही तब, पुकार-
 र । दियो दुष्ट मार लिये सुर उवार ॥ मै अध-
 म आप अधम उधार । मोहि कीजे भवसागर
 से पार ॥ देविसहाय तव आयहु द्वार । सुनि

लीजे उमावर पुकार ॥ ३२ ॥

॥ वसन्त ॥

सुमिरौ स्वरूप शिवको विशाल । विनशैं
सगरे कलिमल कराल ॥ करि कृत्ति नील नूत-
न तमाल । चंपक द्युति शोभन व्याघ्रद्वाल ॥
है तीन नयन आभरण व्याल । मुख पांच बाहु
दश मुण्ड माल ॥ अंग गौर नीलगल चन्द्र-
भाल । हरि लेत ताप तम हिय के कराल ॥
सुमिरौ० ॥ ३३ ॥

॥ चाल होली की ॥

जै गंगाधर दया तिहारी ॥ सुर और असुर
मध्यो रत्नाकर, निकस्यो सकल विषारी । आप
उठाय आचमन कीनो, तुमहि कृपा विस्तारी ॥
खबर प्रभु लीजो हमारी । जै गं० ॥ १ ॥ ब्रह्म-
लोक ते धाई गंगा, त्रैपथ गामिनी भारी ।
जटा मध्य तुमहीने धारी, तुम सम को तप
धारी ॥ सुनिये विनती त्रिपुरारी ॥ जै गं० ॥ २ ॥

शिव शिव रटत कटत सब संकट, निकसत
 सकल विकारा । हर हर कहत करत प्रभु सेवा,
 मेवा मिलत रुचिकारी ॥ चारिहु बेदमें विचारी
 ॥ जै गंगा० ॥ ३ ॥ देवीसहाय आस चरणन
 की, बार बार बलिहारी । कैलासी काशीके
 बासी, लखौ सुदृष्टि निहारी ॥ कष्ट भक्तन के
 निर्वारी । जै गंगाधर दया० ॥ ४ ॥ ३४ ॥

होली ।

उमा रमा दोउ फाग मचायो ॥ टेक ॥ कर
 कंचन सोहत पिचकारी, भरि भरि रंग उढायो ।
 अतर अरगजा चंदन केसर, बीथिन बीच बर-
 सायो ॥ मानो मेघवा झरलायो ॥ उमा० ॥ १ ॥
 सननन् सननन् चलत कुमकुमा, उडि गुलाल
 नभ छायो । दोउ ओर प्रीत मुदित मन हर
 खित, अंग रंग लपटायो ॥ सुभग तन परम
 सुहायो ॥ उमारमा० ॥ २ ॥ ठनकत ताल मृदंग
 भांभ डफ, सारद बी बजायो । निरत करत

अप्सरा राग रस, उमगि उमगि उपजायो । सुमन
सब सुरन बसायो ॥ उमा० ॥ ३ ॥ धन धन
धन धन उमारमा यश, तीन लोक गुण गायो ।
निरखि निरखि सोभा हरिशंकर प्रेम मगन
गुणगायो ॥ नयो नित नेह लगायो ॥ उमा
रमा० ॥ ४ ॥ ३५ ॥

॥ होली ॥

शिवको निरभय नाम जपोरी ॥ टेक ॥
मोद मृदंग ताल द्रढता डफ, सुमति सितार वजे
धन धोरी । रसना राग अलाप सुनावो, उपजे
रस सुनि २ चहुँओरी ॥ शिवको० ॥१॥ ग्यान
गुलाल उड़ावहु गावहु, मुदित मगन मन
खेलहु होरी । दोउ कर गहे प्रेम पिचकारी,
त्रिगुन ताहि बिच रंग भरोरी ॥ शिवको० ॥२॥
कुमति काठ बहु विधि बटोरिकै, एकठोर धरि
धीर धरोरी । जोग अग्नि करि प्रगट ताहि
बिच, हरखित हरको भजन करोरी ॥ शिवको०

॥ ३ ॥ कहत हरीशंकर शंकरकी, कीरत ललित
कहो कर जोगी । जीवत सुख मिलि हैं यह
जगमें, होइहै सुगत अन्त में तोगी ॥ शिव
को० ॥ ४ ॥ ३६ ॥

॥ होली ॥

शिव पद नेह न जाना । सोई नर पशु
समाना ॥ टेक ॥ शिव पद सेवत मिलत चारो
फल, सारद सेस बखाना । अर्थ धर्म औ काम
मोक्ष पद, पावत नर निखाना ॥ विमल उर
आवत ग्याना ॥ शिव० ॥ १ ॥ सेइ शंभु पद
भयो बाणासुर, सहस्रबाहु बलवाना, तीनों
लोक जाके डर काँपै ऐसो तेज निधाना ॥
जाखो वाको अभिमाना ॥ शिव० ॥ २ ॥ हरि
जानत हर पद की महिमा, भक्ति भेद पहि-
चाना । एक पलक सो नहि विसरावत, धरत
सदा उर ध्याना । चरण चित लखि लिपटाना ।
शिवपद० ॥ ३ ॥ जे गिरिजापति गुण गन

गावहिं, सुख पावहिं मन माना, कहे हरिशंकर-
अन्त समैमें, लागत ठीक ठिकाना ॥ निर्गुन भयो
निरखि दिवाना । शिवपद० ॥ ४ ॥ ३७ ॥

॥ होली ॥

शिवको धरत न ध्याना । फिरत नर भरम
भुलाना ॥ टेका ॥ लख चौरासी भरमत भरमत, कतहुँ
न लगत ठिकाना । शिवकी कृपा भई तब पायो,
नरतन परम सुजाना ॥ सकल गुण ज्ञान
निधाना । शिवको० ॥ १ ॥ भजन प्रताप प्रबल
यह जग में, भाखत वेद पुराना । जीवत जीव
सदा सुख भोगत, तजि ममता मद माना ॥
जासु जस जात बखाना । शिवको० ॥ २ ॥
जो नर भजत भावसे जगमें, होत उदय उर
ज्ञाना । करि अपनो ताको अपनावत, तुरत
शंभु भगवाना ॥ हरत पुनि गर्भ गुमाना ।
शिवको० ॥ ३ ॥ जप तप जोग जग्यँ व्रत
संयम, करत नेम विधि नाना । भजन बिना

फीको हरि शंकर, लागत सकल जहांना ॥
कविन कुल देत प्रमाना । शिव० ॥४॥३८॥

॥ होली ॥

भरि भरि रंग कमोरी । शिवा शिव खेलत
होरी ॥ जोग अग्नि बिच होरी जरत है, अद्
भुत चरित लखोरी । सुमत काठ औलौ की
लकड़ी, लहकि रही चहु ओरी ॥ शिवा० ॥१॥
शंभु सीस त्रिपुंड विराजे, गौरि दिये मुखरोरी ।
इत गजचर्म बघंबर सोहै, उत लेखि पीत
पिछोरी ॥ शिवा० ॥ २ ॥ उमा कुंकुमा तकि २
मारत, हँसत लखत पति ओरी । हरके हाथ
कनक पिचकारी, जामे रंग भरोरी ॥ शिवा० ॥३॥
दोउ तन अरुण नीरमें भीने, मची जंग घन-
घोरी ॥ हरि शंकर शंकर यश मुखसे, होय हर
भक्त भेजोरी ॥ शिवा शिव खेलत होरी ॥४॥३९॥

॥ होली डफकी ॥

बौरहवा बाबा की छवि न्यारी ॥ बौरहवा० ॥

लपटे अंग भुजंग भस्म तन, त्रिभुवन पति
 किये भेख भिखारी । छाने भंग संग गन गाजें,
 राजें उमा परम प्रिय प्यारी ॥ बौरहवा० ॥ १ ॥
 अवीर गुलाब भरे भोरिन में, उमगि उड़ावत
 गगन निहारी । बजत मृदग ताल गत डमरू,
 गावत सुजस संत ललकारी ॥ बौरहवा० ॥ २ ॥
 होइहै मनसा पूरण पलमें, जापर सानुकूल
 त्रिपुरारी । खेलत फाग राग रँग भीने, सकल
 भुवन आनंद भयो भारी ॥ बौरहवा० ॥ ३ ॥
 अति अनूप रस छाया रह्यो है, प्रेम प्रवाह बहत
 सुखकारी । हरिशंकर शंकर की महिमा, कहि
 न सके विधि विश्नु विचारी ॥ बौरहवा० ॥ ४० ॥

॥ होली ॥

मैं कछु औरन जानौ, है शिव नाम अधार ॥
 जंत्र न जानो, मंत्र नहिं जानौ, नहिं जानौ
 उपकार ॥ मैं० ॥ जप तप, ज्ञान योग नहि
 जानौ, नहिं व्रत नेम, अचार ॥ मैं० ॥ बैर प्रीत

एकहु नहि जानौ, नहि कुलको व्यवहार ॥
 मैं कछु० ॥ हरिशंकर शंकर पद तजि के, वृथा
 जीवन संसार ॥ मैं० ॥ ४१ ॥

॥ होरी ॥

होरी होय रही बाबा विश्वनाथ के द्वार ॥
 होरी० ॥ गूँजि गुलाल गयो चारो दिसि, रंगन
 की बौझारे ॥ होरी० ॥ ढोल मृदंग ताल डफ
 डमरू, बाजत बीन सितार ॥ होरी० ॥ बरसत
 सुपन बहत तेहि अवसर, सुंदर त्रिविध बयार ॥
 होरी० ॥ कहत हरिशंकर शंकर की, है गति
 अपरंपार ॥ होरी० ॥ ४२ ॥

॥ होरी-डफकी ॥

शंकर के शरण रहो बाबा ॥ शंकर के० ॥
 झूठ वचन मुख से मत भाखो, दया धरम हृदय
 में राखो, यह गुण गूढ गहो बाबा ॥ शंकरके० ॥
 यह जग जलनिधि अगम धार है, जाकी गत
 अदभुत अपार है, क्यों तेहि माहँ बहो बाबा ॥

शंकर के० ॥ शंभु सुजस नौका अति खासी.
जापर छूट जात जमफाँसी, चढि सुख सकल
लहो बाबा ॥ शंकर के० ॥ कहे हरिशंकर कर्म
बचन मन, सहित सनेह बसहु आनन्द बन,
कलि दुख दहो बाबा ॥ शंकर के० ॥ ४१ ॥

होरी दुर्गाजी की ।

देहु दरस दुर्गा महरानी । अजित अनादि
अखिल पति रानी ॥ देहु दरस० ॥ इच्छा
से पालत जग जननी । तेज प्रताप न जाय
बखानी ॥ अजित अ० ॥ द्विज देवन को दूर
कियो दुख । दल्यो असुर अमित अभिमानी ॥
अजित० ॥ चरणसरोज राखि उर बिनवो ।
करहु कृपा सिसु सेवक जानी ॥ अजित० ॥
शंकर भक्ति देहु हरि शंकर । बरणत तव सुचि
सुजस बखानी ॥ अजित अनादि० ॥ ४२ ॥

॥ होरी उमा महेशजी की ॥

आनदबन में धूम मचोरी । खेलत शंभु

शिवा संग होरो ॥ आनद० ॥ निरत करत भैरो
 गणनायक, पटमुख बरसावत रँगघोरी ॥ खेलत० ॥
 सुर समूह गावत सब ठाड़े, ताल मृदंग बजत
 चिटकोरी ॥ खेलत० ॥ लाल गुलाल भयो
 बीथिनवित्र उडत अवीर भीर चहुँओरी ॥ खेलत० ॥
 लखपतकुँवर निरखि यह शोभा, बरनत सुजस
 जुगल कर जोरी ॥ खेलत० ॥ ४३ ॥

॥ धोरी ॥

आनदवन मन जोय लोभाना । सुखनिधान
 जस वेद बखाना ॥ आनदव० ॥ निरमल
 नीर बहत गंगाको, निरखि २ उपजत उर ज्ञाना
 ॥ सुखनि० ॥ परमधाम पावहि येहि पुर बसि,
 प्राण पुरुष जब करत पयाना ॥ सुख० ॥ भव-
 बंधन छूटत इक छन मे, जो नर करत शंभु
 गुणगाना ॥ सु० ॥ लखपतकुँवर कहै जप नप
 मख, नहिविराग शिवभक्ति समाना ॥ सु० ॥ ४४ ॥

॥ होरी अन्नपूरनाजीकी ॥

अन्नपूरणा माई । हरखि हिय होगी मचाई ॥
 जेतनी शक्ति पुरी काशीमे, लीन्हे सबहिबुलाई ॥
 बागेसरी लछमी ललिता सुनत श्रवन उठिधाई ॥
 हरखि० ॥ विंध्याचल दुर्गा बाराही, रहीं अवीर
 उड़ाई । भरी कुंकुमा कमच्छा काली, भारतमुख
 मुसुकाई ॥ हरखि० ॥ चौसठ जोगिन ले चौसठ्ठी,
 बिहसत रंग बरसाई ॥ श्री संकटा शारदा त्रि-
 पुरा, जुरी जालिपा आई ॥ हरखि० ॥ त्रिभुवन
 पति पारवती उठि उमगि उमगि उर लाई ॥
 लाल लाल फूलन की माला, सबके गरे पहि-
 राई ॥ हरखि० ॥ सहस चार चंडी चौरासी,
 सिद्ध रहे गुनगाई । नओ नाथडमरू मृदंग डफ,
 नाचत ताल बजाई ॥ हरखि० ॥ तैंतिस कोटि
 देवता नभ से, रहे सुमन बरसाई । लखत कुंवर
 लखि यह सोभा, आनंद उर न समाई ॥ हरखि
 हिय होरी मचाई ॥ अ०॥ ४५ ॥

॥ होरी ॥

हे शंकर भगवाना । नाथ मैं अधम पुराना ॥
 कबहुँन दान दिये निज करसों नहिं विप्रन सन-
 माना । सतसंगत कीन्हैहु नहि कबहुँ सुनेहुँ न
 वेद पुराना ॥ वृथा मम जन्म सिराना ॥ नाथ
 मैं० ॥ काम क्रोध मद लोभ मोह में यह मन
 जाय लुभाना । निन्दित कर्म करत नित जग
 में फिरत रहेउ बौराना ॥ नहीं तुम कह पहि-
 चाना ॥ नाथ मैं० ॥ क्रूर कुटिल खल अधम
 मोहि प्रभु जानत सकल जहाना ॥ अब सब
 छाड़ि चरण तव आयहुं देहु अभय बरदाना ॥
 होई जेहिमें कल्याना नाथमैं० ॥ अधम उधारन
 विरद संहारो हे शिवशंभु सुजाना । देके दरस
 अंत मथुरीकहँ ताडक मंत्र सुनाना ॥ देहु निज
 पास ठिकाना ॥ नाथ मैं० ॥ ४६ ॥

॥ होरी ॥

होरी के दिनन मन अति अनुरागे । खुलि

गई ताडी सदा शिव जागे ॥ टेक ॥ भांग
धतूरा धोली एकही में । पारवती राख्यो पति
आगे ॥ होरी० ॥ पियत नसा छायो शंकरको ।
प्रेम मगन उठि नाचन लागे ॥ हो० ॥ डमरू
मे छत्तास रागनी । सुन्दर सुर निकरत षट
रागे ॥ हो० ॥ कहत हरीशंकर शिवदानी । इच्छा
फल दी हैं बिनमागे ॥ हो० ॥

होरी ।

होरी खेलत शंभु कृपाला । डमरूवाला ॥
टेक ॥ लाल गुलाल जय विच भरि गयो ।
बरसत रंग बिसाला ॥ काननकुँडल भलकत
हलकत । गर मुँडन की माला ॥ सोभित
जम केहरी छाला ॥ डम० ॥ नाचत प्रेत
पिशाच मगन मन । विपुल भूत बैताला ॥
डिमि डिमि डिमि डिमि डमरू बाजत, राजत
दीन दयाला ॥ भयो चहुँदिशि लालगुलाला ॥
डमरू० ॥ भैरो वीर अबीर की भोली, लिये पिये

मद प्याला । आनद बनमें घूमत भूमत, जैसे
 गज मतवाला ॥ कर कमलहि बीच कपाला ॥
 डमरू० ॥ हरिशंकर सब विप्र वृन्द मिलि, गावत
 शिव जस आला । मानहु सरवर तीर मुदित
 मन, मुक्ता चुगत मराला ॥ जस लखि लखि होत
 निहाला ॥ डमरू० ॥

घाँठे श्रीगुरुमहाराज की ।

गुरु विन ज्ञान न आवै । ब्रह्मपद कौन
 लखावै ॥ टेक ॥ गगन गुफामे होत शुद्ध इक ।
 तहाँ जीव नहिं जावै ॥ ब्रह्म० ॥ है शिव नाम
 कल्पतरु जगमें । सन्तन के मनभावे ॥ ब्रह्मपद० ॥
 धन धन गुरु धन ज्ञान गुरुको । धन जो ध्यान
 लगावै ॥ ब्रह्म० ॥ हरि शंकर वापर शिवरीभे।
 जोगुरुको गुन गावै ॥ ब्रह्मप० ॥

घाँठे श्रीकाशीपुरी की ।

शिवकी नगरिया काशी । जहँ छुट्ट जम
 फांसी ॥ टेक ॥ काशी अमर पुर आनद बन

है । मिलत मुक्त अति खासी ॥ जहँ० ॥ विश्व-
नाथ दाता जहँ बैठे । आदि ब्रह्म अविनाशी ॥
जहं छू० ॥ ऐसी पुरी कोई नहि त्रिभुवन में ।
पूरण तेज प्रकासी ॥ जहँ० ॥ कहत हरीसंकर
यह महिमा । है काशी के वासी ॥ जहँ
छूटत० ॥

घाँटे श्रीशिवजी की ।

शिवको धरत नहिं ध्याना, फिरत नर भस्म
भुलाना ॥ टेक ॥ प्रबल प्रताप विदितत्रिभुवन
में । सारद बेद बखाना ॥ फिर० ॥ ब्रह्मा आदि
मध्य विष्णू हैं । अन्त शम्भु में जाना ॥ फिर० ॥
आदि लख्यो कोउ मध्य लख्यो कोऊ । अंतन
कोउ पहिचाना ॥ फिर० ॥ कहें हरि शंकर
गूढ़ ज्ञान यह गहु मतरहू अलसाना ॥ फिर० ॥

घाँटे ।

शिव शिव कहु बंभोला । विमल होइ हैं
तोरा चोला ॥ टेक ॥ जटा जूट में गंग विराजै

छानत भंगको गोला ॥ विमल० ॥ आठ सि-
द्धि नव निद्धि भरे हैं ॥ लिये बगल में भोला ॥
॥ विमल० ॥ जाको आदि अंत नहिं लागे ।
बेद भेद कछु खोला ॥ विमल० ॥ कहत हरी
शंकर हर सुमिरहु । बनिवैठहु अनबोला ॥
विमल० ॥

॥ घाँटो ॥

जोग जुगुत से करले । नाम शिवको उर
धरले ॥ टेक ॥ यह जग में कोई नहिं अपना ।
समुझि बूझि जिय भरले ॥ नाम० ॥ सुमिर
शंभु जस भवसागर से । एहि विधि पार उतर
ले ॥ नाम० ॥ माया मोह त्यागि के तृष्णा ।
खासी राह पकर ले ॥ नाम० ॥ कहत हरी
संकर काशी बसि । हर जस गाय लहर ले ॥
नाम शिवको० ॥

॥ घाँटो ॥

शिवको सुजस सोहावन । विधि हरि मुनि

मन भावन ॥ टेक ॥ चित चिन्ता नहि रहत
 उरपुर बसि । संशय शोक नसावन ॥ विधि० ॥
 उदय प्रकाश होत घटपट में । दिन दिन ग्यान
 बढावन ॥ विधि० ॥ बेद भेद सूभे विनु बूभे ।
 लागत अलख लखावन ॥ विधि० ॥ कहै हरि
 शंकर गाय शम्भु गुण । होत पतित नर
 पावन ॥ विधि० ॥

॥ घाँटे ॥

जागि जागि करबै बिहनवाँ । की पूजन
 शिवके चरणवाँ ॥ टेक ॥ चुनि चुनि बेल के
 पतिया चढ़ैवे । गंगाजल से असननवाँ ॥ की
 पूज० ॥ धूप दीप नैवेद्य आरती । करबै करि
 दरसनवाँ ॥ कीपूजा० ॥ पल में प्रभु इच्छा
 फल देइहैं । होय मनमाहि मगनवाँ ॥ की पूज० ॥
 लखपत कुँअर रच्यो हर रचिके । यह जग अ-
 लख रचनवाँ ॥ की पूज० ॥

॥ घाँटे ॥

आनदवन मन भूला । फूल जहँ शिव
 यश फूला ॥ टेक ॥ आनदवन आनदहै
 बिहरै । क्या अंधा क्या लूला ॥ फूल ज० ॥
 जादिन जन्म लियो घट भीतर । क्या क्या कौल
 कबूना ॥ फूल० ॥ यह जगमें निर्भय नर भूजत ।
 पड़ा भरम का भूला ॥ फूल जहँ० ॥ लखपत
 कुँअर कहें प्रभु मो पर । रहहु सदा अनुकूला
 ॥ फूल० ॥

॥ घाँटे ॥

पनियाँ भरत पनिहारी । गगर शिर सोहत
 भागी ॥ टेक ॥ भरि भरि जल थल पर ढरकावत ।
 चपल चतुर नवनारी ॥ गगर० ॥ ऊपर कूप
 जगत वाके अध । स्वाँसा डोर सवाँरो ॥ गगर० ॥
 ओहि ठैयाँ अद्भुत बाग लग्यो है । फूलरही
 फूल वारी ॥ गगर० ॥ लखपत कुँअर ग्यान
 दीपक बिन । मिटत न उर अंधियारो ॥ गगर
 शर सोहत भारी ॥

॥ घाँटो ॥

नैया मोरी पार लगादे । मलहवा मजिल
 पहुँचादे ॥ टेक ॥ भुरभुर वायु बहै पुरवैया ।
 प्रेम पाल तनवायदे ॥ मलहवा० ॥ पाँच पचीस
 लदे नैया पर । तिनहि ढकल डुगाय दे ॥ मल-
 हवा० ॥ गहरी नदि अगम जल लहरै ॥ ओड़
 लंगर ठहरायदे ॥ मलहवा० ॥ दृढ़ना डाँडा खेइ
 खुमीसे । अब मोरे पिथसे मिलायदे ॥ मलहवा० ॥
 लखत कुँअर अज शंकरसे । अदभुत अलख
 लखाय दे ॥ मलहवा० ॥

॥ घाँटो ॥

टप टप टपकै नयनवाँ । पिया मोरा मागे
 गवनवाँ ॥ टेक ॥ मिलि ल्योनी मिलिल्यो सखियाँ
 सहेलर । अब नाहिं होइहै मिलनवाँ ॥ पिया० ॥
 सोर हो सिंगार बदन पर कसिबै । पहिरिवे भ्यान
 गहनवाँ ॥ पिया मो० ॥ चढि डोलिया समुर
 हम जैवै । सून कै के वावा कै भवनवाँ ॥ पिया० ॥

लखपत कुँअर कहैं धीरज धर। लागि रहो शंभु
के चरणवाँ ॥ पिया० ॥

॥ मल्लार ॥

विलोकहु शिव की जटा अकाश ॥ टेक ॥
भिन्न भिन्न सब लोक बने हैं। करत देवता वास
विलोकहु० ॥ उदरमें मृत्युलोक का रचना ॥
दिनकर तेज प्रकाश ॥ विलोकहु० ॥ प्रेम
पयोधि लखो आनदवन भूलकत गिरि कैलास
विलो० ॥ पगपताल अखंड अलख गति ।
वावन बलिको वास ॥ विलो० ॥ कहत हरी-
शंकर शंकर पद । सेवहु करि विश्वास ॥
विलो० ॥

॥ मल्लार ॥

नहि जाको शंभू चरण चितलगा । टेक ।
कहा भये तन भस्म रमाये । कहा त्रिपुण्ड जग
जगा ॥ ब्रह्म रंग में रंग्योन तन मन गेरुआ
वस्तर रंगा ॥ नहिजाको० ॥ कपट वनाय भेष

यह जग में । फिरि फिरि के सब ठगा ॥ यह
अनरीत उचित नहि अनुचित । अन्त समै
दग दगा ॥ नहि० ॥ तरुनिन को तेज निरखि
निरखि के । प्रेम मगन मन प्रगा ॥ भजन
न भोवत गावत सुनिके जात स्वान इव भगा
॥ नहि जाको० ॥ यह रसना षटरस बस होयके
जात दिवस निसि डगा ॥ कहत हरीशंकर
नहि कोई । है अपनो नर सगा ॥ नहि
जाको शं० ॥

॥ मन्तार ॥

रिमि भिमि बुंदन बरसि रहेरी । रिमिभिमि
॥ टेक ॥ करत शंभु जल शयन उमासंग । गगन
घटा घनघेरी ॥ रिमि० ॥ लागत अधिक अषाढ
सोहावन । सावन भरन भरेरी ॥ रिमि० ॥ बन
घन हरित महामहि शोभित । भादों रयन
अंधेरी ॥ रिमि० ॥ कहें हरिशंकर कार विगत
रितु । अलख शंभु गति तेरी ॥ रिमिभिमि०

॥ मन्लार ॥

शम्भु सम कोउ नहिं दीनदयाल ॥ टेक ॥
जन्म जन्म को संकट काटत । छन में करत
निहाल ॥ शम्भु० ॥ रतनारे सरोज दृग सुंदर ।
भृकुटी विकट विसाल ॥ शम्भु० ॥ जोगी
जटिल अनंग अंगद्वि । राजत केहरि छाल
॥ शम्भु० ॥ कहत हरिशंकर सुमिरणसे छूट-
जात जम जाल ॥ शम्भु सम० ॥

॥ मन्लार ॥

शिवको अधम उधारण नाम ॥टेक॥ अधम
उधारन सन्त उवारन । पायहुँ मैं बेदाम ॥ शिव० ॥
कब भयो तरुण रह्यो कब बालक । कहाँ जन्म
को ठाम ॥ शिव० ॥ चौथो पन आयो कब
व्याह्यो । सती विराजत वाम ॥ शिव० ॥
कहत हरी शंकर केहि कारण । जास्यो तृण इव
काम ॥ शिव० ॥ ६६ ॥

॥ मन्लार ॥

देहँ धरि कीजे शम्भु सनेह ॥ टेक ॥ त्रिभु-

वननाथ वरसिंहे तोहि पर । सुख संपन को मेह
 ॥ देह० ॥ करिहैं कृपा सकल दुख हरिहैं । भरि
 है अन धन गेह ॥ देह० ॥ कहन हगी शंकर
 शंकर से । राखहु निर्भय नेह ॥ देह० ॥ ६७ ॥

॥ मन्तार ॥

भूमकि भर लाय रहे बदरा ॥टेक॥ रंग रंग
 के निरखहु नभपै । छाय रहे बदरा ॥भूमकि०॥
 बेर बेर नभ घेर घेर । घहराय रहे बदरा ॥
 ॥ भूमकि० ॥ आनदवन विच अति आनद ।
 उपजाय रहे बदरा ॥भूमकि०॥ कहैं हशिंकर
 लहर लहर । लहराय रहे बदरा ॥भूमकि०॥६८॥

मन्तार द्विडोला की ।

शिव के भजन विन भवनिधि कैसे उतरव
 पार ॥ टेक ॥ येहि रे सगरवा अगम जल, भवैर
 अथाह अपार ॥ शिव० ॥ नाहि जहाँ नाव न
 बेड़ा रे, नाहिं कोउ खेवनहार ॥ शिव० ॥ घाट
 सुथल जल गहँडिल, मुर मुर बहत बयार ॥

शिव० ॥ कहत सुजस हरिशंकर, शंकर नाम
उदार ॥ शिव० ॥ ६६ ॥

॥ मन्तार ॥

पतित जन तारन को यह देस ॥ टेक ॥ है
जितने आनदबन वासी, आनद रहत हमेस ॥
पतित० ॥ मनसा पूरण करत हरत दुख, त्रिभु-
वन नाथ महेस ॥ पतित० ॥ मानहु साँच आँच
नहिं लागत, छूटत पाँच कलेस ॥ पति० ॥
तारक मंत्र देत लगि कानन, हरिशंकर उपदेस
॥ पतित० ॥ ७० ॥

कजरी ।

भूलै भूलै हो हिडोला, भोला रूप बने
अरधंग ॥ टेक ॥ विधि हरि पग लगावत गाव-
त, सुरगण शिव के संग ॥ भूलै० ॥ हरा
सिंगार हरा भूलन है, हरो डोर को रंग ॥
भूलै भूलै० ॥ सावन मास सोहावन बरसत,
चढ़ि नभ मेह उतंग ॥ भूलै भूलै० ॥ कहत

हरिशंकर हर हरखित, विहँसत पी के भंग
॥ भूलें भूलें० ॥ ७१ ॥

कजली ।

तेज के निधान शंभु बनके विहारी रामा ।
रामा सोहैं बूढ़े बैल की सवारी रे हरी ॥ हरि
हरि सोहैं० ॥ चन्द्रभाल सीसपै सदा त्रिपुंड
धारी रामा । रामा छाने भंग विष के अहारी
रे हरी ॥ हरि हरि सोहैं० ॥ जटाजूट में घटा
घमंड घेर भारी रामा ॥ रामा निरखि नयन
छवि न्यारी रे हरी ॥ हरि० ॥ गौरी के समान
और नाहीं दूजी नारी रामा । रामा शिव के
अधीन आज्ञाकारी रे हरी ॥ हरि० ॥ कहै हरी-
शंकर सहाय त्रिपुरारी रामा । रामा लागी
नेह हिरदे से हमारी रे हरी ॥ हरि हरि सोहैं
॥ बूढ़े० ॥ ७२ ॥

कजली ।

भोला. डमरू हो बजावें, गावें नई नई गत

तान ॥ टेक ॥ ताथेइ ताथेइ थेइ थेइ नाचै,
 पावस ऋतु पहिचान ॥ भोला० ॥ पग पयज-
 नियाँ छमाछम् वाजै, लंबी सुंड समान ॥ भोला०॥
 माता गौरी हँसि छवि निरखै, प्रेम सहित धर
 ध्यान ॥ भोला० ॥ गावै हरिशंकर लखि लीला,
 को जग शंभु समान ॥ भोला डमरू० ॥ ७३ ॥

कजली ।

शोभा तीन लोक से न्यारी, भारा है त्रिपु-
 रारी की । छहर रही चहुँओर छटा है, क्या
 निशि कारी की ॥ शोभा० ॥ कहै कृष्ण जग
 माहि ज्योति है, अति उजियारी की ॥ शोभा० ॥
 कोटि काम लज्जित लखि होते, छवि मदनारी
 की ॥ शोभा० ॥ ७४ ॥

कजली ।

तुम सम त्रिभुवन में त्रिपुरारी, जनदुखहारी
 कौन कृपाल । चार पदारथ देत छनक में,
 तनक बजावत गाल ॥ तुम० ॥ विष्णु को

लक्ष्मीपती कीन्हो, सरस्वती चतुरानन दीन्हो,
दियो बनाय सची दै शक्रहिं, सुरपुर को महि-
पाल ॥ तुम० ॥ देवनकाज कंठ विष धायो,
त्रिपुरासुर एकै सर माख्यो, रावन कियो लंकपति
पल में, बुधि बल बकसि बिसाल ॥ तुम० ॥
कृष्ण कहै बरदायक दानी, नहिं दिखत प्रभु
तुमरी सानी, दास जानि निज पदपङ्कजसों,
दुख कांठो ततकाल ॥ तुम० ॥ ७५ ॥

॥ कजली ॥

शिव को नाम जयो तूँ प्यारे, नाहक उमर
बिताते हौ ॥ टेक ॥ चंद्र रोज की यह जिंद-
गानी, क्यों भरमाते हौ । जाको तूँ अपना करि
मानत, तासो लाभ न पाते हौ ॥ शिव को ॥
भूठी आसा में फसि फसि कर, कष्ट उठाते हौ
मारकंडे प्रभु से ध्यान लगावो, क्यों भटकाते हौ
॥ शिव० ॥ ७६ ॥

॥ कजली ॥

डिम्, डिम्, डमरु बजावैं गावैं, नाचैं भूतगणों

के संग ॥ टेक ॥ भाँग धतूरा खूब जमाये,
भस्म रमाये अंग । मस्तक ऊपर चन्द्र विराजै
जटा जूट में गंग ॥ डिम् ० ॥ मुण्डन के गुंजित
है माला, लपट्यो बहुत भुजंग । मारकण्डे प्रभु
शोभा निरखत, लोचन भरे उमंग ॥ डिम् ०
॥ ७६ ॥

कजली ।

शंकर खूब बनाई काशी, जहाँ नहीं तनक
उदासी है । वर्ण वर्ण के मंदिर सोहै, भलके
खासी है ॥ पचगंगा स्नानको करके, कटत
चौरासी है । मारकण्डे प्रभु पुरी सोहावन, सब
सुख रासी है ॥ शंक० ॥ ७७ ॥

कजली ।

चलो देखि आई शिवकै बरात ललना
॥ टेक ॥ जहँ जुटल बाटै सकल जमात ललना ।
तहँ नन्दी कै सवारी किये जात ललना ॥ चलो ० ॥
जहँ देखि देखि बालक डेरात ललना । तहँ मने

मने देव मुसुकात ललना ॥ चलो • ॥ जहँ प्रथक
प्रथक बिलगात ललना । यह मारकंडे प्रभु के
सोहात ललना ॥ चलो देखि० ॥ ७७ ॥

कजली ।

देख्यो खोजि तीनि लोकन में, दानी विश्व-
नाथ भगवान ॥ टेके ॥ दुखित बिलोकि दनुज
देवनकों, कियो हंलाहल पान ॥ देख्यो० ॥
भे प्रसन्न रावण के ऊपर, दीन्हो राज सु महान
॥ देख्यो० ॥ त्रिपुरासुर बर लेके शिवसो, लख्यो
वैर को ठान ॥ देख्यो० ॥ इनमें ताहि कोप करि
माख्यो, त्रिपुरारी जग जान ॥ देख्यो० ॥ दै
हजार कर बाणासुर को, कीन्हो अति बलवान
देख्यो० ॥ कृष्ण कहैं जाके यश को नित, करते
सुर मुनि गान ॥ देख्यो० ॥ ईश अनन्त अलख
अविनाशी, भाषै वेद परान ॥ देख्यो० ॥ ७८ ॥

कजली ।

सेवा करो सदा शङ्कर को, सुख से रहो हमेशा

यार । सकल पाप संताप तुरतही, जरके द्वै द्वै
 द्वार ॥ सेवा० ॥ पूरण काम होयगो तेरो, मिले
 पदारथ चार । यार्ते नेह लगावो शिव सों,
 तजिके कपट विकार ॥ सेवा० ॥ करुणा के
 सागर त्रिपुरारी, यामे नाँहि विचार । अति
 अपार गुण वाको जानो, शेष न पावै पार ॥
 सेवा० ॥ विश्वनाथ की भक्ति कियो कर, यही
 जगतमें सार ॥ कृष्ण कहै चेतो अभिमानी,
 मानो सीख हमार ॥ सेवा० ॥ ७९ ॥

॥ कजली गंगाजी की ॥

ऐसी गङ्गाजी की महिमा तीनों लोकन में
 आई । देखि भगीरथ को तप भारी भूतल में
 आई ॥ ऐसी० ॥ शारद गुण गावत है जाको
 सुर मुनि समुदाई । एकबेर जलपान किये नर
 होते सुर राई ॥ ऐसी० ॥ बड़े बड़े पापिन को
 तारे हरपुर पहुँचाई । पाप विलोकि दूरते काँपै
 छन में जरिजाई ॥ ऐसी० ॥ लखि चरित्र

जमराज कृष्ण कह मन में सकुचाई । देव
मनुज शंकर सनकादिक सबको सुखदाई ॥
ऐसी० ॥ ८० ॥

॥ कजली श्रीभैरोनाथजी की ॥

जै जै भैरोनाथ कृपाल ॥ दुष्ट दलन संतन
हितकारी, काशी के कोनवाल ॥ टेक ॥
जय जूट सिर माहिं सवाँरे, भस्म त्रिपुंड भाल
में धारे, भृकुटी कुटिल चारु रतनारे, लोचन
तीन बिसाल ॥ जै जै० ॥ कोटि काम छवि
मुख पर राजै, तेज निहारि दिवाकर लाजै,
रूप विलोकि विकट डर भाजै, कंपित होके
काल ॥ जै जै० ॥ खप्पर एक हाथ में सोहै,
एक हाथ में दण्ड धरो है, कृष्ण रंग देखत मन
मोहै, उर कपाल को माल ॥ जै जै० ॥ व्याल
यज्ञ उपवीत सोहायो, प्रगट दिगंबर भेष बनायो,
जो कोई शरणागत आयो, कीन्हों ताहि निहा-
ल ॥ जै जै० ॥ ८१ ॥

कजली ।

शिव के नगरिया की डगरिया लागे खासी
 रामा । रामा शोभाघाम जाको नाम कासी रे
 हरी ॥ हरि हरि शोभा घाम० ॥ बसैं विश्वनाथ
 वहाँ जाकी शक्ति दासी रामा । रामा पुगी है पवित्र
 सुखरासी रे हरी ॥ हरि० ॥ रहत निसंक सब पुरके
 निवासी रामा । रामा पारबती शंभु के उपासी रे
 हरी ॥ हरि० ॥ गंगा को प्रवाह लखि कटत
 उदासी रामा । रामा निरखि सिहाँड़ स्वर्गवासी
 रे हरी ॥ हरि० ॥ कीरत उदित हरिशंकर प्रकासी
 रामा । रामा फेरी रही चन्द्र के कलासी रे हरी ॥
 हरि हरि शोभा० ॥ ८२ ॥

कजली ।

तेज की प्रभा है हिमवान के सुता की रा-
 मा । रामा निरखि सुघर वर भाँकी रे हरी ।
 हरि हरि निरखि० ॥ स्ती की न रंभा की न रूप
 में रमाकी रामा । रामा त्रिभुवन बीच लीक जाकी

र हरी ॥ हरि हरि० ॥ कहन सुजस मनिमानी
 सारदा की रामा । रामा भावना भगी है बुद्धि
 वाकी रे हरी ॥ हरि हरि० ॥ कोऊ कटी कहुँ कही
 रही वाकी रामा । रामा प्रगट छगी है छवि
 जाकी रे हरी ॥ हरि हरि० ॥ कहै हरिशंकर
 चरणरज ताकी रामा । रामा नैनों से नदी वहै
 दया की रे हरी ॥ हरि० ॥ ८३ ॥

॥ कजली ॥

भाव से जो भजव भैया शिवशंकर को नमवाँ
 रामा । रामा गाढ़े दिनवाँ अइहें तोरे कमवाँ रे
 हरी ॥ हरि हरि० ॥ सकल सुलभ जामे लागै
 नाहीं दमवाँ रामा । रामा छूटि जैहें जियरा के
 भरमवाँ रे हरी ॥ हरि हरि० ॥ पुन्य के प्रताप
 पौली काशी में जनमवाँ रामा । रामा पुगी है
 पवित्र सुखधमवाँ रे हरी ॥ हरि हरि० ॥ गंगा
 के नहाये अधिक अरमवाँ रामा । रामा चमकै
 लगिहै चम् चम् तन के चमवाँ रे हरी ॥ हरि

हरि ० ॥ कहै हरिशंकर हर हर सुमिरी आठौ
जमवाँ रामा । रामा तजि देहु खोटा सब कर्म
वाँ रे हरी ॥ हरि हरि ० ॥ ८४ ॥

कजली ।

शिव को भव भय भंजन नाम । नाम
निरंजन जन मन रंजन अगम अगोचर ठाम
॥ टेक ॥ एक नाम है जगपालन को, एव
नाम संघारकरण को, एक नाम सेवक सज्जन
को, देत सदा आराम ॥ शिव को ० ॥ एकरूप
को रंग न रेखा, एक रूप लख अलख अलेखा
एक रूप सुर नर मुनि देखा, शक्ति विराजत
बाम ॥ शिव को ० ॥ मुक्ति हेतु तत्र नाम
महेशं, शिव कल्याणकरं शुचि भेषं, हर हर ह
दम् हरत कलेशं, सोहं शब्द सुखधाम ॥ शि
को ० ॥ महिमा अखिल अखंड अपारं, कहत हर
शंकर संसारं, सुजस सुनत होवे निस्तारं, निरि
दिन आठो याम ॥ शिव को भव ० ॥ ८५ ॥

खेमटा ।

आनदवन को न कोई बन पावै ॥ टेक ॥
 कर्म धर्म के वृक्ष लगे हैं, सत साखा जामे
 लहरावै ॥ आनद० ॥ प्रमपान जस फूल फुले
 हैं, निरखत ही भव रोग नसावै ॥ आनद० ॥
 एहि तरुमाहिं मुक्तिफल लागे जाके चाखे अमर
 होय जावै ॥ आनद० ॥ मन्द सुगन्ध बयार बहुत
 है, हरिशंकर मेरे मन भावै ॥ आनद० ॥ ८६ ॥

खेमटा ।

हर हर भजले लहर हर करिहैं ॥ टेक ॥
 जन्म जन्म के पाप प्रगट होय, योग अग्नि में
 तुरंत सब जरिहैं ॥ हर० ॥ दीन दयाल काल
 कालहु के, दाया करि दारुन दुख दरि हैं
 ॥ हर० ॥ कहन हरिशंकर विगड़ी जो, बातें
 लखि निज हाथ सँवरिहैं ॥ हर हर० ॥ ८७ ॥

खेमटा ।

हर हर कहना मगन मन रहना ॥ टेक ॥

भाव को भूषन सब तन सोहै, परहित नेम
 प्रेमपट पहना ॥ हर० ॥ दुख सुख एक - भाव
 करि जानो, मानो वात पड़े सोइ सहना ॥हर०॥
 दौलत की कछु चाह न राखो, राखो शंभु चरन
 की चहना ॥ हर० ॥ कहन हरीशंकर धृग जायो,
 जो नहिं दान दिये कर दहना ॥ हर० ॥ ८८ ॥

सेमटा ।

जाको शिव के चरन चित लागै ॥ टेक ॥
 बलिहारी धन धन वह नर को, जो यह मोह
 निसा से जागै ॥ जाको० ॥ लगत चरन चित
 होत परम हित, भवसगर को भरम भय भागै
 ॥ जाको० ॥ सब देवन देत है मागे से, भोला
 दानी देइहैं विन मागे ॥ जाको० ॥ तुरतै
 रिमिहैं उमापति शंकर, गाल बजाय नाचहु
 आगे ॥ जाको० ॥ हर को हरीशंकर दम्
 पर दम्, सुमिरे संसै सकल दुख त्यागै
 ॥ जाको० ॥ ८९ ॥

खेमटा ।

ऐसी काशी मेरे मन भाई ॥ टेक ॥ सब
गलियों में शिवा शिव थापे, महिमा अमित
रही छवि छाई ॥ ऐसी० ॥ जित देखों तित
आनद उपजे, सुर दुर्लभ सुख देत दिखाई
॥ ऐसी० ॥ निर्मल नीर निरखि गंगा को,
जात दोष दुख दूर पराई ॥ ऐसी० ॥ कहत
हराशंकर गिरिजापति, पाँच कोश के बीच
बसाई ॥ ऐसी० ॥ ६० ॥

खेमटा ।

हरदम् भोला तोहार गुन गैबै ॥ टेक ॥
आनद वन के बीच बसावहु, राखहु आनन
में लव लैबै ॥ हरदम्० ॥ काशी बांस त्रास
नहिं यम की, रचि रचिके जस रुचिर बनैबै
॥ हर० ॥ होइहैं सुन्दर नाम चहुँ दिम, विदित
जगत शिवभक्त कहैबै ॥ हर० ॥ कहत हरीशं-
कर काशी बसि, भजि हर हर कतहुँ नहिं

जैवै ॥ हर० ॥ ६१ ॥

गंगानी का खेमटा ।

गंगा तोरि लहर लगै प्यारी ॥ टेक ॥ सुर-
पुर त्यागि देव सब आवहिं, प्रेम विमल बरसैं
वारी ॥ गंगा० ॥ भूप भगीरथ जप तप कीन्हो,
लीन्हो सुजस जग में भारी ॥ गंगा० ॥ पाप
पापियन के काटन को, धार बनी जैसे आरी
॥ गंगा० ॥ हरिशंकर निज राख्यो जटा में,
अति आनद होय त्रिपुरारी ॥ गंगा० ॥ ६२ ॥

खेमटा ।

काको टेरौं सुनत नहि कोई ॥ टेक ॥ दीन-
दयाल दया के सागर, कासो कहौं अपनो दुख
रोई ॥ काको० ॥ कीधो भाँग चढ़ी है अति
गाढ़ी, कीधो ताढ़ी लगि गए सोई ॥ काको० ॥
शंभु सरन आयो चौथेपन, विरथा नाथ उमर सब
खोई ॥ काको० ॥ कहत हरीशंकर शिव महिमा,
है जग बिदित नहीं गुण गोई ॥ काको० ॥ ६३ ॥

पुरबी ।

सुंदर आनदवन सुखदाई, शिवा शिव के
मन भाई रे ॥ टेक ॥ बारा नसी कहै कोउ काशी,
वेद विदित जस गाई रे ॥ सुंदर० ॥ मुक्ति प्रवाह
बहै जहँ गङ्गा, लखहु महाब्रिछाई रे ॥ सुंदर० ॥
सब तीरथ निज निज थल तजिके, सेवहि
ध्यान लगाई रे ॥ सुन्दर० ॥ कहत हरीशंकर
यह पावन, पुरी पवित्र बसाई रे ॥ सुन्दर
आनद बन० ॥ ९४ ॥

पुरबी ।

कठिन कलिकाल कराल सनायो, दुखित
जग जीव बनायो रे ॥ टेक ॥ पुण्यमान हैरान
दिखाते, लंपट लहर मचायो रे ॥ कठिन० ॥
पुत्र पिता से रार करै जब, निरखि नारि सुख
पायो रे ॥ कठिन० ॥ बेटी बेचन लगे ऊँच सब,
नीच निगम पथ धायो रे ॥ कठिन० ॥ पाप
प्रगट होय घट घट घूमै, धरनी धर्म समायो रे

॥ कठिन ० ॥ हरिशंकर करि कृपा मोहि पर,
शम्भु कृपाल वचायो रे ॥ कठिन ० ॥ ९५ ॥

भैरवी ।

मैंने तो न देखा कहीं, ऐमा जोगी जागता
। टेक ॥ दीन जो अधीन होके, लौमे वार्के
लागता । करै काम रूरो पूगे ताको नहीं त्या-
गता ॥ मैंने ० ॥ राजा रंक छोटा बड़ा, वासे
सब मांगता । सबहीको देता भोला, देने में न
भागता ॥ मैंने ० ॥ सीलता सनेह साँचो
देखि अनुरागता कहै हरिशंकर सुजस प्रेम
पागता ॥ मैंने ० ॥ ९६ ॥

भैरवी ।

हमारी सुधि लीजे दीनानाथ ॥ टेक ॥
तुम हौ नाथ विश्व के दाता, मैं हूँ निपट
अनाथ ॥ हमारी ० ॥ हानि लाभ जग में
जस अपयस, है सब तुम्हरे हाथ ॥ हमारी ० ॥
विहरत हौ आनद बन निसि दिन, भूत प्रेत

लिये साथ ॥ हमारी ० ॥ लखपत कुँअर कहें
करजोरे, नाय पदुम पद माथ ॥ हमारी ० ॥ ९७ ॥

भजन ।

देत मोहिं तुमको लागत लाज ॥ टेक ॥
जाके पग पनही नहिं देखी, ताहि दियो गज-
राज ॥ देत ० ॥ जो कर दियो कर्म संग मेरे
तो तुमरो का काज ॥ देत ० ॥ कहत चराचर
हैं शिव समरथ, बड़े गरीबनिवाज ॥ देत ० ॥
लखपत कुँअर विपत गति लखि प्रभु, राखि
लेहु पति आज ॥ देत ० ॥ ६८ ॥

भजन ।

शिव पद रज दृग अंजन देरी ॥ टेक ॥
नैन दोष भंजन यह अंजन, जन मन रंजन बसन
हियेरी ॥ शिव ० ॥ डूबत थाह सिन्धु की लागे,
कटत कठोर विपत की बेरी ॥ शिव ० ॥ जो
यह रज रमाय रसना से, गावत शंभु सुयस
शुभ देरी ॥ शिव ० ॥ लखपत कुँअर मेरो दुख

सुनि गुनि, करहु कृपा करुणाकर हेरी ॥

शिव० ॥ ९९ ॥

भजन ।

लगन लगायहु क्यों नहि हर से ॥ टेक ॥
 का समुझाय कहीं वह नर से, जाको उर कठोर
 पत्थर से ॥ लगन० ॥ पहले चेत कियो नहि
 चित में, अब तो उठि न सकत तन दर से
 ॥ लगन० ॥ शिव की कृपा दृष्टि से अपयस
 जगजस अमृत होत जहर से ॥ लगन० ॥
 लखपत कुँअर जन्म ले शिवपद, पूजहु दान
 देहु निज करसे ॥ लगन० ॥ १०० ॥

भजन ।

शिव पद रज रुज सकल नसावे ॥ टेक ॥
 रज की महिमा सुनत श्रवन से, तन मन मुख
 निर्मल न्है जावै ॥ शिव० ॥ यह रज राज
 देत त्रिभुवन को, चितवत रिपु सनमुख नहि
 आवै ॥ शिव० ॥ राखी रज विधि विष्णु

दिये में, जाको सुयश चराचर गावै ॥ शिव० ॥
 लक्षपत कुँअर प्रताप रेणु को, भवनिधि को
 भय-भरम नसावै ॥ शि० ॥ १०१ ॥

अथ कवित्त प्रारम्भः ।

फूल के चढ़ाये व्है प्रसन्न फल चार देत,
 जल के चढ़ाये जमलोक से उबारिहैं । भनै
 हरिशंकर यों अच्छत चढ़ावतही, करिहै अनन्द
 बात विगरी सुधारिहैं ॥ नाथहैं अनाथनिके
 काशीपति विश्वनाथ, धीर धरु बेप्रयास तेरो
 दुख टारिहैं । तारे हैं अनेक जीव तारिखेको तार
 लग्यो, मोंकों ये अकीन है कि तैसे तोहिं
 तारिहैं ॥ १ ॥

कवित्त ।

तीरथ बरत नेम धरम करम करि, चाहे कोऊ
 तुला बैठि बाँटै जो रुपैया को । मिलिहै ना
 मुक्ति जुक्ति जतन अनेक किये, भूषन बसन
 दिये विप्रन सुगैया को ॥ भनै हरिशंकर जो

तरिबेकों चाहै नर, दुर्लभ न कुछ यहाँ काशी
के बसैया को । प्रात होत गंग अंग धोय शंभु
नाम जपै, प्रेम से जो पूजै पग पारवती मैया
को ॥ २ ॥

कवित्त ।

बसुधा में काशी की सुखासि छवि छाया
रही, लागे गिरि जैसे धवल बिसाला हैं । घाट
घाट हाट बाट वीथिन में थापे शिव, गंगा को
प्रवाह धार कठिन, कराला है ॥ ऊँचो नव
खण्ड माधोराय को धरेश बन्यो, जाको मजबूत
काम पोखता मसाला है । भनै हरिशंकरजू भल
भल भलकत, कंचन को बाबा विश्वनाथ को
शिवाला है ॥ ३ ॥

कवित्त ।

शंकर के दास सों भयंकर भै दूर रहै, बीर-
भद्र जाको सुत प्रबल प्रतापी है । जन्मतही कोष
करि यग्य को विध्वंस कियो, गर्द मर्द गर्व दच्छ

सीस धाय कापी है ॥ जाको बर पाप भयो
 पावण उदंड दंड, देवदल जीते लंक राजधानी
 थापी है । भने हरिशंकरजू इष्टदेव मेरे हर,
 कीस्त विमल जाको तीनलोक व्यापी है ॥ ४ ॥

कवित्त ।

धन के घमंड में प्रचंड मद छाया रहे, ने-
 कहू न दीनता विचारत गरीब की । भाखैं
 हरिशंकर जू वसुधा मै कोऊ नर, बिगरी बिलो-
 किके सुधारत गरीब की ॥ नाथ हैं अनाथन
 के विश्वनाथ गौरीपति, हौं पीर पल में निहारत
 गरीब की । करुणा के सिन्धु उदै मस्तक पै
 इन्दु जाके, राखि लेत टेक नाहिं टारत गरीब
 की ॥ ५ ॥

कवित्त ।

रसना ये रस चाखिवेको चाहै बार बार,
 खाइवेको पावे तहाँ तीन बेर खाती है । भाखैं
 हरिशंकर जू बाद करै भूठ मूठ, ऐसी निरलज्ज

लाज नेकहू न आती है ॥ बेरिहू वत्तीस सीस
ठठे जेहि पीसिवेको, रहत निसंक डर ताको
ना डराती है । निमकहराम काम ऐसे ये
निकाम करे, शंभु नाम लेत चेत काहे अल
साती है ॥ ६ ॥

सवैया ।

आये चलाव के वासर ये, गज वाजि इमा-
रत संगन जैहै । सारी विभूति रहैगी परी, मिलि
पूत सपूत न कोऊ लुटैहै । भाई तिया परिवार
सबै, मन मै दिन चारि कलों पछितैहै ।
तोसों कहों हरिशंकरजू, यमदंड सों शंकरनाम
बचैहै ॥७ ॥

दोहा ।

जो चितदै गावै पढ़ै, धरे उमा शिव ध्यान ।
सकल मनोरथ पूजही, त्रिमल होय उरग्यान ॥

इति श्रीशैवमनोरञ्जनी चतुर्थ भाग

प्रथम अंक समाप्तम् ।

